

კავკასიონი

KAVKASSIONI

RECUEIL GÉORGIEN LITTÉRAIRE

წიგნი მეოთხე

რ ე ლ ა მ ო ნ ი

სადა ხარ

მშობელი მხარე, მანდილ--მზიანა!
შენს მკლავებზეა ცა დაღვარული.
სადა ხარ, სადა! გაგიზიარო
ამდენი გრძნობა და სიყვარული.

აწი სად ვნახო ოქროს ნაპირი,
მტკვრის ტალღებს იქით ქალა-კიდუტრი;
ეწას სიმღერა კილ-სამპირი,
მთები მარნებად ჩამოკიდული!

ეს მოგონებაც ისეა კარგი,
როგორც ბავშვების გრძნობა საშობო;
ან და რუსთველის ღვთიური ჰანგი,
ისე მიყვარხარ ტკბილად სამშობლო!

მიეცი ქარებს მანდ საჩუქარი,
მეც შეძოვხვდები აქედან ქარებს.
თუნდაც შენს ახლოს ნავალი ქარი
მზის მდელეებზე გადამატარებს.

ასე უსახლოდ სანამ ვიარო!
და შევიწახო ტრფობა ამდენი!
სადა ხარ, სადა! გაგიზიარო
გრძნობა ნამქრად გადმონადენი.



რ ე ო ა მ ო ნ ი

მ ზ ე ო მ ზ ე ო

მზეო, მზეო — საქართველოს გორიდან,
ციხე-კოშკებს დაუშინე შუბები;
გორიდან მზე აქ აღარ გადმოვიდა!
და მოვდივარ, შენსკენ მოვეშურები.

ამოშუქდი, გადმოდი გორებიდან,
ბნელი არის გული მონამკვდარები.
აქ არიან, მხოლოდ მოვანებიდან,
წინაპრების ძვლები და აკლდამები.

სად დავგარგე ცა ლურჯად აფეთქილი,
როგორც მყუდროდ გადაშლილი ყვავილი!
გადამდნარი ტკობით გადაფერფლილი,
ლაყვარდებით ზღვისკენ გადაყვანილი!!

დაკარგულსაც უსამშობლოდ ელიან:
გრძნობა, აზრი, წამება, უბედობა;
თუ ელიან, კიდევ არაფერია,
სულ სხვა არის მუდამ უიმედობა.

ამოდი და ამოშუქდი შორიდან;
შავი ციდან მწუხარება ჩამოდის.
მწუხარიდა წუხელ შავით მოვიდა,
დავგვიანდი... თუმცა მოვიჩქაროდი.

მზეო, მზეო! საქართველოს გორიდან
ჩამოვლიან ყურძნისფერი ქარები;
აქ, გორიდან მზე აღარ ამოვიდა!
და მოვდივარ, შენთან მოვეჩქარები.

გ. ნაილი

დედას


ჯერ ისევ დილით ლამაზი იყო ეს ზღვა... უცხოეთის ხმელეთის ნაპირები მწვანეში ჩაფლული... პალმების გრძელი და ხშირი ფოთლები კოვწიად შეჰყურებდა ხმელეთს... ზღვას კი ქვეითა კბილებით უცინოდა.. ეს ხომ მთელი ტყე არას პალმების! მთელი ქალაქი რომ ფოთლებში ჩაუხვევია! მთელს ოჯახს მოჰაგონებს, მე უოჯახო და გადმოკარგულს. — ავერ ის თესლი ისე ჩაკვრია თავის დედას თმებში, როგორც ათეული წლების წინ ჩემი ბავშური თათები დედის მაღლიან ძუძუებს... რა ტკბილი იყო ის ძუძუები! სანატრელი დედიკო...

ის ვარდი ისე-გაშლილია ამ თებერვალში, როგორც ქართველი გოგონას მკერდზე ახლად-აშლილი კოკარი... ეს ვარდი ისეთივე მიმნიდველია, ლამაზი და ნაზი, როგორც ქართველი დედის რბე-ნაწოვი ბავში! მე ობოლი ვარ და ეს წალკოტი ობლობას არ მაგონებს. ყვავილები ისე გულიანად იცინიან, როგორც ვაჟკაცი თავის საკუთარ მამულში, ამე-მავალ მზეს რო შეეგებება!

ეს ზღვა ლურჯია და მკრთალი; არა ჰგავს ჩვენსას; იგი ქუშტია და მედგარი, მედგარი და პირმოკუშული... — ქუშტია მოხვევს გულსავით, რუსს რო მოიგონებს; მედგარი ქართველ მხედარსავით, მტრისაკენ რო მიიწევს; პირმოკუშული ქართველ მამულიშვილივით, ხელებგაკრული ღამის წყვილადში საბურთალოსაკენ რო მიჰყავთ... ეს მზე კი ისე იცინის, როგორც მისი პატრონის გული!

ენლა სადამოა. ზღვაში ჩამკვებულ ელექტროს სხივებს წანტად თვალებს ვაცოლებ. იგი არას მეუბნება. მხატვრული გემოვნების რა ვყოფილიყავ, აუცილებლივ ბევრ სილამაზეს აღმოვაჩენდი. ეს ხომ ის მზარეა, ადამიანებმა რო სიამოვნების ქვეყანა უწოდეს, მაგრამ სიამოვნება ხომ ქართველისათვის უცნობია...

მხატვარი რო ვიყო, ამ უცხოეთის ღამაზ ნაპირებს ღამაზად გადავიღებდი, მაგრამ ქართველი გარდმოხვეწილი ვარ, და ისიც ისეთივე უსახლო, როგორც აი ეს ლოდი, რომელზეც მამაპაპურად დამჯდარვარ.



ეს ის ადგილია «ინგლისელთა ბაღს» რო ეძახიან. აქ რჩეული საზოგადოება სეირნობს. ისმის ყველა ენა. ეს გრძელი ქალი, ასე რომ, მათვალისწინებ, პიანოს კლავისებების კბილებით, უთუოდ ინგლისელია. ის დიდტანიანები, წითელი სახეებით, უთუოდ გერმანელები არიან, და თითქო ყველა წვევრია ას-კილოვანთა კავშირისა. ეს თეთრ-მკერდა გოგონა, ზღვისფერი თვალებით, უთუოდ სლავია, — და ის, ჩვენებური ხორბლის ფერი რო აკრავს სახეზე, უსათუოდ იტალიელია... ამ მრავალფეროვან ხალხში ივერიელის თვალები უსათუოდ გამოირჩეოდა და გულსაც სხვანაირად მოხვდებოდა...

სიცოცხე მატულობს და უბინაობა მაწუხებს. რა კარგი იქნებოდა ესლა ჩვენებური ბუნარი და დედის ხელით გამოცხვარი ხმიადი, ასე ძარღვიანი და გემრიელი!

ზღვაში ჩადგმული კაზინო ათას ფერად ანათებს. შიგ ათასფეროვანი ხალხია და ათასი გართობა. გადასწრივ, უზარმაზარი სასტუმრო — «ნეგრესკო»; მისი განიერი ფანჯრები ისეთივე ფართოა, როგორც შიგ მცხოვრებთა რიცხვი და მათი ქონება!

ესლა თბილი ოთახი და ჩვენებური ღობიო ის აიაზმაა, მთელი ერი რომ აზიარა!

ჩქარი სირბილით გადავირბენ ლამაზ «სახალხო ბაღს», რომელიც ესლა უღრან ტყედ მეჩვენება. სადღურზე დინჯად შევებოიკებ. აქ თბილა და დაჯდომაც შეიძლება. ორი საათი ორ საუკუნეს ჰკავს...

— ბატონო! გვიან არის, ვინმეს ელით? — მეკითხება ვილაც. მე ფეხზე ვდგები და ვეკითხები:

— როდის იქნება უკანასკნელი მატარებელი? —

— უკვე ერთი საათია მას შემდეგ. —

ნელის ნაბიჯით და ბოლმიანი გულით ვტოვებ სადღურს.

«გამარჯვების ბაღს» მრავალჯერ გავზომავ. ზოგ შენობას დაკვიწუნებ, ზოგს ვიწონებ. საუკეთესოს ვისაკუთრებ. ზოგ ოთახს მეგობრებს ვაძლევ, ზოგს ნაცნობთ, ზოგს ნათესაებს, ზოგს საზოგადოებას, პირველ სართულს დედას დაუთმობ:.. როდეს როისში ვზიკარ... იახტას ვყიდულობ... ტანკებსა და ჰაეროპლანებს საქართველოში ვაგზავნი და...

გუჯარატელები იმ ადგილს: სიკანაც ნომერი 15 ტრამი ვადის. ფული რომ მქონდეს იმ ქართველს ვესტუმრებოდი, რომელსაც ყველა ქართველი უყვარს და რომელიც ყველა ქართველს უყვარს.

დავხეტილობ. და თავს ვაძლევ ანგარიშს, ოდეს გარიბალდის ძეგლს ვხედავ. ჰმ! მე რო გარიბალდი ვყოფილიყავი...

მივექანები მზის შესახედრად ზღვის ნაპირისაკენ. «ინგლისელების ბაღს» გადავირბენ და იმ ღობიო ვეგდები, სადაც წარსული დღე შავად დაკალამე...

გიორგი ყიფიანი

ღამე შეირყა ტყიბულის მთებში,
ღამე ნახშირი, უნდო, შავგულა;
ცივი წყარონი კლდის ნაწნავებში
ვერცხლის ქამრებად გადმოკიდულა.

დადლილ ხევენაში ხევი იჭრება,
ბუტბუტებს ღელე, ღამის ხუმარა,
ცაზე ღრუბლები ისე იშლება,
ვით განასროლი ცეცხლის ყუმბარა!

ნაქერალას მთა, ცად აზიდული
მთვარეს დაეჭებს ღრუბლიან ცაში;
ბარ-ბილიკები, სახლი ფიცრული
გადაზიდული სოფლის კალთაში.

მიდამოს სახე მოუღუშია,
თავჩაქინდრული დგანან ქოხები,
მთას სიმაღლიდან გადმოუშვია
ღარიბ სოფლისთვის მწვანე ნოხები.

დილის მზის სხივი სისველეს აშრობს,
მთის მწვერვალები ნისლებს ახოლებს,
ღღეს კი ამ სოფელს და გოფხის ნაშრომს
ტყვიის ვაზნები შემოაყოფეს.

ჩაეკანება გაწოლილ გორებს
შორს გადაშლილი მწვანე გრეხილი,
თითქოს ჰკოცნიან ერთი მეორეს
კლდეები გვერდებ-შემოტეხილი.

ღეჩხუმის მთა და მთა ნაქერალა
გადაწოლილი ეს ორი მდევია,
ქვა-ბუნა ქოხებს გადაეფარა
ყინულის მკერდით სვანეთის მთები.

თეთრ ბალიშებზე ბანაობს ღამე
და ზურგს იქავებს კლდის ხრიოკებზე,
უშბას მწვერვალზე გაშლილა მთვარე
სხივთა ანკესით, როგორც მეთევზე.

ცივ ფერდობებზე ნიაჩი გრილი...
სვანს სიხალისე უკრთის თვალებში,
შორს მწვერვალიდან ჯიხვი დაჭრილი
გადმოეშვება კლდის ნაპრალებში.

რაქის სოფლები გაშლილან ბარად,
მწვანე ნაძვებში წამუის მურია,
დღევანდელ დროის დასაფარავად
მთის მწვერვალები გადუხურია.

II

ნეტავ, რად მოსჩანს ეს ჩემი ქოხი
ნიგვზის ფოთლებში თვალ-მგლოვიარე;
გადავარდება ყანაში თოხი,
ფხვიერ მიწაზე ღალადებს მთვარე.

იქ სიხალისე უბით დამქონდა,
იქ დავიბადე მაისის დღეში,
როცა სიხლეს სურვილს ათრობდა
გულმკერდ გაღელილ ზაფხულის ტყეში.

ესლა სად არის ეს ყველაფერი?
სახლი, ბუჯერი, შვაცეცხლი, თარო?
წითელი ჩექმით გადანათელი
ჩემი აკვანი და სანეტარო!

ვით მოწყვეტილი ვარსკვლავი ცაზე,
ისე გამე!ცა ჩემი ბავშობა;
მასხოვს სიხარბე გამომცხვარ მუადზე!
ღარიბ ოჯახში ცრემლი მახრჩობდა!

ისევ ის მქონდეს, ისევ ის ვიყო,
ჩემი ხალისი სოფლის ბილიკებს;
ვხედავ: — სიცოცხლე ორად გაიყო
ისე უეცრად, ვერც კი გავიგე!

ბიანკური, მარტი, — 30 წ.

ერის მარია რემარკ

დასავლეთით ახალი არაფერია

(თარგმანი გერმანულით)

VI

ფურჩულობენ თავდასხმის შესახებ. ჩვენ ორი დღით ადრე მივიდევართ ფრანტზე, ვინემ სხვა დროს. გზაზე ვხვდებით დანგრეულ სკოლას. მის გვერდით სდგას ორკეცი, მაღალი კედელი, სრულიად ახალი, ნათელი, შეუღებავი კუბოებისა. ისინი კიდევ აფრქვევენ ფისის, ფიჭვისა და ტყის სუნს. სულ მცირე, ასამდე კუბოა.

«კარგად მოუფიქრებიათ თავდასხმისათვის!», ამბობს მუყელერი გაკვირვებულად.

«ეს ჩვენთვისაა», ბურღულეებს დეტერინგი.

«ნუ სულელობ», უტევს მას კაჩი.


«გიხაროდეს, კუბოს მინც თუ კი მიიღებ», იღრიპება ტიადენი, «შენი ჯავლაგი გვამისათვის კარავის ტილოც საკმარისია, ფრთხილად!»

სწევებიც ოხუნჯობენ აგრეთვე, ამბობენ უშნო ხუმრობას; რა უნდა ვწათ სხვა. — ეს კუბოები მართლა ჩვენთვის არიან. ასეთ რამეში ორგანიზაცია არ მოიკოჭლებს.

წინ, ყოველგან ხმაურობს ყველაფერი. პირველ დამეს ვცდილობთ გავერკვიოთ. და ვინაიდან საკმაოდ სიწყნარეა, შეგვიძლია გავიგონოთ მტრის ფრანტის ტრანსპორტი როგორ გამუდმებით ხმაურობს გათენებამდე. კაჩი ამბობს: ისინი კი არ მიდიან, არამედ ჯარი მოჰყავთ. ჯარი, მუნიცია, მუნიცია, ზარბაზნები.

ინგლისური არტილერია გაძლიერებულია, ჩვენ ეს მაშინვე გავიგონეთ. ფერმის მარჯვნივ სდგას სულ მცირე ოთხი ბატარეა 20,5 მეტი, და ალვის ტყის უკან აშენებენ მინების სასროლს. ამას გარდა, მოწიდეს მრავალი პატარა ფრანგული მხეცები ყუმბარებით.

ჩვენ ცუდ გუნებაზე ვართ: ორი საათის მერმე, რაც ჩვენ ბლინდაჟში ჩავსხვდით, გვცემს ჩვენ სანგრებში საკუთარი არტილერია. ამ ერთ თვეში ეს შესამეჯვრება. რომ ეს დამიზნების შეცდომა იყოს, აბა,



ვინ რას იტყოდა, მაგრამ საქმე ისაა, რომ ზარბაზნის ლულა მეტყველებდა ცუდით; ყუმბარა სვდება პიზდაპირ ჩვენს ხაზს; ასე საშიშარი ბოლო ხშირად ჩვენი სროლა. ამ დამეს ამის წყალობით გვყავს ოთხი დაპირილი.

★

ფორნტი არის გალია, რომელშიაც კაცმა უნდა უცადოს, თუ რა მოხდება. ჩვენ ვიმყოფებით ბლინდაეებში და ვცხოვრობთ გამოუცნობის მალოდინში. ჩვენზე ბატონობს შემთხვევა. როცა ყუმბარა მოდის მე შემძლია დავიღუნო, ესაა ყველაფერი; სად ჩავარდება იგი, არც ნამდვილად ვიცი და არც ძალმიძს მასზე გავლენა მოვახდინო.

ამ შემთხვევის ბრალია, რომ ჩვენ გულცივი გავხდით. რამოდენიმე თვის უკან ბლინდაეში ვიჯექი და სკატს ვთამაშობდი; ცოტა ხნის შემდეგ ავდექი და გავიარე, რათა მეორე ბლინდაეში ნაცნობები მენახა. როცა უკან დავბრუნდი, ჩემი ბლინდაეისაგან აღარაფერი დარჩენილიყო, იგი მძიმე ყუმბარისაგან განაცარმტვერებულიყო. მე გამოვბრუნდი უკან და სწორედ კარგ დროს მივუსწარ, რათა მივსველებოდი ჩამარხული ხალხი ამოვკვევანა; იმ დროის განმავლობაში ბლინდაეი ჩაქცეულიყო.

ამგვარივე შემთხვევით, როდესაც მომხდებოდა, ვრჩები ცოცხალი. ყუმბარებისაგან დამცველ ბლინდაეში შეიძლება გაჭყლეტილ ვიქნე და სწორ ველზე გი, ათი საათის ქარიშხალური სროლის დროს გადავჩქე. თვითეული ჯარისკაცი ცოცხალი რჩება მხოლოდ ათასი შემთხვევის წყალობით. და თვითეულ ჯარისკაცს სწამს და ენდობა შემთხვევას.

★

ჩვენ პურს ყურადღება უნდა მივაქციოთ. ამ უკანასკნელ დროს ძალიან გამრავლდნენ ვირთაგვები, მას შემდეგ, რაც სანგრებში წესრიგი აღარ არის. დეტერინგი ამტკიცებს, თითქმის ეს იყოს უეჭვოდ ნიშანი დიდი ამბებისა.

აქაური ვირთაგვები განსაკუთრებით საზიზღარი არიან, რადგან ისინი ასე დიდები არიან. ისინი ისეთი ჯიშისაა, რომელსაც ლეშის ვირთაგვებს უწოდებენ. მათ აქვთ საზიზღარი, ბარბოტი, შიშველი სახე და შეიძლება გული შეგიწუხდეს, თუ მათ გრძელ, ტიტეულ კუდს დაინახავ.

ისინი ალბად მართლა მშვირები არიან. თითქმის ყველას შეუქამეს პური. კროვს უძვეს თავისი პური თავ-ქვეშ, მაგრამ ტილოში ვახვეული, მაგრამ მას აღარ შეუძლია დაძინება, რადგან ვირთაგვები მის თავზე დარბიან პურის გამოსავლევად. დეტერინგმა ეშმაკობა იხმარა: მან ბლინდაეის ჭერზე მავთული მიამაგრა და თავისი ჩანთა პურით ზედ ჩამოკვიდა; მაგრამ როცა იგი ღამით ჯიბის სანთურსმიანათებს, ხედავს, რომ მისი ჩანთა აქეთ-იქით ქანაობს. პურზე ზის მსუქანი ვირთაგვა.

დაბოლოს გადავწყვიტეთ. ცხოველებისაგან დარბული პურის კი-



დენი დიდი მზრუნველობით შემოვჭერთ; პურის გადაგდება არავითარ შემთხვევაში არ შეგვიძლია, რადგან ხვალ სხვა რაიმე საჭმელი არ გვქონდება. მოჭრილი ნაწილაკები დავაგროვებთ შუაში, მიწაზე. თვითველი ხელში იღებს თავის ნიჩაბს და ემზადება დასარტყმელად. დეტერინგს, კროპს და კაჩს უკავიათ მხად ჯიბის ასანთურები.

რამოდენიმე წუთის შემდეგ გვესმის პირველი კრაქუნის და სრამუნის. იგი ძლიერდება, მან ეხლა ბევრი პაწაწა ფეხია აქ. უცბად ანათებენ ასანთურები და ყველა ურტყამს ამ შავ ჯგროზე, რომელიც ჭყვივლით განიბნევა. შედეგი კარგია. ჩვენ გადავყარეთ გაქყვლილი ვირთაგვები სანგრებს იქით და კვლავ მოვემზადეთ სადარაჯოდ.

კიდევ რამოდენჯერმე წარმატებით დაგვევვით ისინი. მაშინ ცხოველებმა რალაც შენიშნეს, ან სისხლი იყნოსეს. აღარ მოდიან. ამის მიუხედავად, მიწაზე დარჩენილი პურის ნამცეცები მეორე დილას მათ მიერ წაღებული აღმოჩნდა.


მეზობელ ნაწილში ვირთაგვები თავს დაესხნენ დიდ კატასა და ძაღლს. სიკვდილამდე დაჰკბინეს და შეახრამუნეს.

შემდეგ დღეს გიენება ედამური ყველი. თვითველი ღებულობს თითქმის ყველის მეოთხედს. ეს ნაწილობრივ კარგია, რადგან ედამური ყველი გემრიელია — და ნაწილობრივ ცუდია, ვინაიდან ეს რგვალი, სქელი, წითელშემოკრული ყველი აქამდე ყოველთვის იმისი ნიშანი იყო, რომ იქნებოდა ხოლომე მძიმე ბრძოლა. ჩვენი წინაგრძობა უფრო ძლიერდება, როცა სასმელსაც ვკაძლევენ. ჯერჯერობით ჩვენ იგი გადავკარით, მაგრამ ამით ჩვენ კარგ გუნებაზე არ დამდგარვართ.

მთელი დღის განმავლობაში ერთმანეთს ვეჯიბრებით ვირთაგვებზე სრულაში და დავბორიალობთ. ვაზნები და ხელყუმბარების თადარიგი იზრდება. ხიშტებს ვშინჯავთ ჩვენ თვითონ. არის ზოგიერთი ისეთი ხიშტი, რომელიც მეორე პირზე, ჩლუნგ მხარეზე, ვით ხერბი ისეა კბილებიანი. თუ ვინმე ამგვარი-ხიშტიანი მტრებს ჩაუვარდა ხელში, ვეღარ გადაარჩებიან. მეზობელ ნაწილში ვნახეთ ისეთი ხალხი, ვისთვისაც ხიშტის ამ ხერხიან პირით ცხვირი მოუჭრიათ, თვალები ამოუკაწრავთ, მერმე პირი და ცხვირი ამ ნახერხით გაუტენიათ და ასე დაუხჩვიათ.

ზოგიერთ ახალწვეულებს ამგვარივე ხანჯალი აქვთ. ჩვენ მათ ვისვრით და სამაგიეროს ვაძლევეთ.

ხერხიანმა ხიშტმა ყოველ შემთხვევაში მნიშვნელობა დაჰკარგა. თავდასხმისათვის ესლა მოდაშია ხელყუმბარები და ნიჩბები. გაღვსილი ნიჩაბი უფრო მჩატე და მრავალზროვანი იარაღია, მით შეიძლება არა მარტო ნიკაბს ქვეშ, ქვემოდ შერქობა, არამედ, განსაკუთრებით, მითი დარტყმა, ამას აქვს მეტი ძალა, უფრო მაშინ, როცა კისერსა და ბეჭს შუა პირდაპირ მოხვდება, სჩეხავს იოლად, სწორედ მკერდამდე. ხანჯალი ჩაცემისას ხშირად ეკვეტება, მოწინააღმდეგეს ჯერ წიხლი უნდა



პკრა მუცელში, რომ იგი გამოაძრო, და ამ დროის განმავლობაში ვილად თვითონ მიიღებ დაკვრას. ამასთან ხანდახან ტყდება კიდევ იგი.

დამით გამოუშვეს გაზი. ჩვენ მოველით თავდასხმას და ნილაბითურთ ვწევართ, მზად, ჩამოვიგლიჯოთ, როგორც კი პირველი აჩრდილი გამოჩნდება.

დილა უკვე მტრედისფერობს, მაგრამ არაფერი ხდება. ხოლო მუდმივ ეს ნერვების დამგლეჯი ტრანსპორტის ხმა ჩვენი მტრის სანგართა გადაღმა — მატარებელნი, მატარებელნი, ავტომობილები, ავტომობილები, რა ჯანდაბას აგროვებენ იქ, ნეტავ? ჩვენი არტილერია შეუწყვეტილ სცემს მათ, მაგრამ ისინი არ ჩერდებიან, არ ჩერდებიან. —

ჩვენ გვაქვს დაღლილი სახეები და ერთმანეთს აღარ ვუყურებთ. «ეს იქნება როგორც სომხაზე, სადაც შვიდი დღე-ღამე გრიგალისებური ცეცხლი გვქონდა», ამბობს კაჩი მწუხარედ. მას აღარ აქვს ოხუნჯობის უნარი მას შემდეგ, რაც ჩვენ აქა ვართ, და ეს ცუდია, რადგანაც კაჩი ფრანტის ძველი ღორია, კარგი ყნოსუა რომ აქვს. მხოლოდ ტიადენს უხარია ზორბა ულუფა და რუმი; იგი ფიქრობს კიდევ, ჩვენ გავბრუნდებით უკან სწორედ ასეთ სიწყნარეში, არაფერიც არ მოხდებაო.

თითქმის ესეც სჩანს. დღე დღეს მისდევს. დამით ვზივართ ჭურჭრუტანაში, საგუშაგაზე. ჩემს მალლა მიილტვიან მაშხალეები, შუქმცემი ქოლგები და ეცემიან ძირს. მე ფრთხილად ვარ და დაყურსული, გული ჩემი ძვერს, მუდმივ ჩავჩერებივარ საათს, მანათობელი ციფერბლატი; ისარს წინ აღარ უნდა წასვლა. ძილი პკიდა ჩემს ქეთუთოებზე, რომ არ დამეძინოს თითებს ვანძრევ ჩექმებში. სანამ შემცვლიან, არაფერი მოხდება — მხოლოდ ეს რახარუზი გადაღმა! ჩვენ ნელნელა ვწყნარდებით და მუდამ სკატს ვთამაშობთ და ვლაცობთ. შესაძლებელია ბედმა გაგვიღიმოს.

ცა მთელი დღე გავსებულია ბალონებით. ეს იმას ნიშნავს, რომ გადაღმიდან აგრეთვე ტანკებს მოაგორებენ და თავდასხმაში ჰაერობლანებიც მონაწილეობას მიიღებენ. ესლა ეს უფრო ნაკლებ გვაინტერესებს ვინემ ის, რასაც ახლად გამოგონებულ ცეცხლისმსროლელ იარაღის შესახებ გვიამბობენ.

★

შუადამისას ვიღვიძებთ. დედამიწა კვნისის. მძიმე ცეცხლის ქვეშ ვიმყოფებით. ჩვენ ვიკრუნჩხებით კუთხეებში. ყველა ყალიბის წარბაზანთა გამოცნობა შეგვიძლია ესლა.

თვითთული მირბის თავის საგნებისაკენ და ისწრაფავს გაიგოს, ყველა იარაღი თავის ადგილზეა თუ არა. ბლინდაჟი ირყევა, ღამე არის გრიალი და ელვა. ჩვენ ერთმანეთს ვხედავთ წუთის განმავლობის სინათლეში და ვაქანებთ თავებს ვაფითრებული სახითა და მოკუმული ტუჩებით.

თვითეული გრძობს, თუ მძიმე ყუმბარები სანგრების დამცველ საგნებს როგორ ლეწავენ, კედლებს როგორ სძვრიან და ზემოდ გადაფრებულ ბეტონის თაღს როგორ ჰგლეჯენ. ჩვენ ვამჩნევთ ყრუ, სასოწარკვეთილ დარტყმას, გარეული მხეცის შემოძახილს რო ჰგავს, როდესაც ყუმბარა სანგარში ეცემა. დილით, უკვე რამოდენიმე ახალგაწვეულთაგანი მწვანე არიან და არწყვენ. ისინი ჯერ მეტად გამოუცდელი არიან.

სასროლო ჭურჭულთაში ნელა მოძვრება საზიზღრად რუხი სინათლე და აფეთქებულ ყუმბარათა სინათლეს ასუსტებს. გათენდა. არტილერიის ცეცხლში ირევა ეხლა ასაფეთქებელი მინა. ეს არის გასაგიჟებელი შერყევა, რომელიც კი არსებობს. სადაც მინა ჩაასკდება, იქა მასსიური სასაფლაო.

გამომცვლელნი გადიან გარედ, გუშაგები შემორბიან შიგნით, გატალახებული, აძვივებული. ერთი მათგანი ჩუმად მიჯდება კუთხეში და სქამს, მეორე, რეზერვისტი, ჰქვითინებს; იგი ორჯერ ასროლა სანგრებს მაღლა აფეთქებისაგან ჰაერის დაწალამ, და არაფერი დაშაგებია გარდა იმისა, რომ ნერვები შეერყა.

ახალგაწვეულები მას მისჩერებიან. ასეთი რამ გადამდებია, ჩვენ ყური უნდა ვუვდოთ: სხვა და სხვა ტუჩები უკვე იკლაკნებიან. კარგია, რომ დღეა; თავდასხმა შეიძლება შუადღემდე მოხდეს.

ცეცხლი არ სუსტდება. იგი სცეჟს აგრეთვე ჩვენს უკანაც. რამდენათაც დანახვა შეიძლება, ამოხეტავენ ზოლმე ტალახისა და რკინის შადრევანები. მეტად ფართო წრე აულიათ სასროლად.

თავდასხმა არა ხდება, მაგრამ სროლა ჯერ კიდევ გრძელდება. ჩვენ ნელინელ ვყრუვდებით. თითქმის არავინ-ღა ლაპარაკობს. არ შეიძლება გაიგო.

ჩვენი სანგარი თითქმის დაღეწილია. მრავალ ადგილას მხოლოდ ნახევარ მეტრამდე თუა კიდევ ამოწეული, იგი დანგრეულია, ხვრტლები, ორმოები, მიწის გორები. სწორედ ჩვენი სათოფურის წინ ყუმბარა გასკდა. უცბად დაბნელდა. ჩვენ მოგვეყარა მიწა და ჩვენ უნდა ამოგტხრონ. ერთი საათის შემდეგ შემოსასვლელი ისევ თავისუფალია, და ჩვენ უფრო ყოჩაღად ვართ, რადგან წავიმუშავეთ.

ჩვენი რაზმის უფროსი მოძვრება შიგნით და გეტყობინებს, რომ ორი ბლინდაჟი აღარ არისო. ახალწვეულნი წყნარდებიან, როცა ისინი მას ხედავენ. ის ამბობს, სალამოს საჰმელის მოტანას უნდა შევეცადოთ. ეს დამამშვიდებელია. არავის არ უფიქრია ამაზე, ტიადენს გარდა. გარედან რაღაც კიდევ მოდის, ჩვენ მასთან კავშირი გვაქვს — თუ საჰმელი მოტანილ უნდა იქნეს, მამ მაინცდამაინც არც ისე ცუდათ ყოფილა საჰმე, ფიქრობენ ახალწვეულნი. ჩვენ მათ იმედს არ ვუკარგავთ, ჩვენ ვიცით, რომ საჰმელი ისეთივე მნიშვნელოვანია, როგორც თოფიარალი და ამიტომ მოტანილ უნდა იქნეს.

მაგრამ ეს მაინც ვერ მოახერხეს. მიდის მეორე რბენის ბრუნდება. დაბოლოს კაჩიცი მიდის. მაგრამ თვითონ ისიც კი უშედეგოდ ბრუნდება. ედარავინ გადის გარედ, არც ერთი ძალის კუდი არ არის საკმაოდ ვიწრო ასეთი ცეცხლისათვის.

ჩვენ მაგრად ვიჭირებთ საშიშიშლო ქამრებს და თვითეულ ლუკმას სამჯერ მეტ ხანს ვცოხნით. მაგრამ ეს მაინც არა გვყოფნის; საშინელი ტკივლი გვაქვს მუცელში. მე შევინახე პურის ყუა. ლბილი ნაწილი გამოვჭამე, ყუა ჩავტოვე პურის ჩანთაში. დროგამოშვებით მასაც აფორთხვით ვეწვევი ხოლმე.

★

აუტანელი ღამეა. არ შეგვიძლია დავიძინოთ, დაუწყებელი გვაქვს თვალები და ნახევრად ძილს განვიცდით. ტიადენი სწუხს, რომ დახრული პურის ნაჭრები ვირთაგვებისათვის დავხარჯეთ. ჩვენ ისინი უსათუოდ უნდა შეგინახაო. ეხლა ის შესჯამდა. წყალიც გვაკლია, მ გრამ არც ისე დიდათ.

განთიადისას, როცა ჯერ კიდევ ბნელა, დაიწყო მღელვარება. კარებში მორბის მთელი ჯგრო ვირთაგვებისა და გარბიან კედლებზე. ჯიბის ასანთურებით ვანათებთ არეულობაზე. ყველა ყვირის, ილანძვება და ურტყამს მათ. ეს არის ჯავრისსამოყრა და მრავალ საათის განმავლობაში განცილილი სასოწარკვეთილების გამოხახვა, ამით გულს იოხებენ. სახეები დამანუული გვაქვს, მკლავები ურტყამენ, ცხოველები გასქყვირიან, ძნელია უკვე თავი შევიკავოთ. თითქმის ერთი მეორეს დაესხმოდა თავზე კიდევც.

ამ აღლევებამ ღნე წაგვართვა. ვწევართ და ვიცდით ისევე. სასწაულია, ჩვენ ბლინდაქს რა არავითარი ზიანი არ აქვს. ეს არის ერთი დარჩენილი იმ ცოტა ღრმა სანგრებიდან, რომელნიც ჯერ კიდევ არიან.

უნტეროფიცერი მოძვრება შიგნით. მას პური აქვს ზელში. სამკაცს მაინც იღბალი მოსვლიათ, ღამით გაუხწყვეით და ცოტა სურსათი მოუტანიათ. მოგვითხრობენ: — რომ შეუსუსტებელი ძალით მტრის არტილერიის ცეცხლი ჩვენი არტილერიის სადგომამდე სცემს. გამოუცნობია, იქ, გადაღმა საიდან მოაქვთ ამდენი ყუმბარები.

ჩვენ უნდა ვიცადოთ, ვიცადოთ. შუადღეს ხდება ის, რასაც უკვე ანგარიშს ვუწევდი. ერთ ახალწვეულს სივივე ემართება. დიდი ხანია რაც მას ვუთვალთვალვბდი, თუ მას კბილები როგორ უკაწკაწებდენ და ის მუშტებს როგორ შლიდა და კუმშავდა.

ამ ტანჯულ, გადმომხტარ თვალებს საკმაოდ ვიცნობთ. უკანასკნელ საათში ის თითქო დაწყნარდა. ის ჩაემხო ვით დამპალი ხე.

ეჭლა დგება ის, შეუმჩნეველი მიფოფხავს ის, ჩერდება ერთ წამს და მერმე კარებისაკენ მიექანება. მე გზას ვულობავ და ვეკითხები:

«სად მიდიხარ?»

«ეხლავე დავბრუნდები», მეუბნება და უნდა გვერდი ამიაროს.

«მოიცადე კიდევ, ცეცხლი ალბად შემციირდება».

ის მმოჩილდება და ერთ წუთს მისი თვალები იწმინდებიან. მერმე ისევ არეული გამოსდვდა მიეცემა, როგორც ცოფიან ძალს, გაჩუმდება და გვერდზე მიმწევს.

«ერთ წუთს, ამხანაგო», ვუძახი მე. კაჩი ყურადღებას აქცევს. სწორედ იმ წუთში, როდესაც ის მე გვერდზე მაგდებს, კაჩი სტაცებს ხელს და ჩვენ ვიჭერთ მას.

მაშინათვე იწყებს ის გადარევას. «გამიშვიო, გამიშვიო გარედ, გარედ მინდა!»

ის აღარ გვისმენს და მიიქაჩება, პირი სოველი აქვს და ისვრის სიტყვებს, ფურთხიან უაზრო სიტყვებს. ეს არის გადარევა ბლინდაქის შიშის გამო, მას აქვს გრძნობა, თითქო ის იხრჩობოდეს და იცის მხოლოდ ერთი მისწრაფება: გარედ გაახწიოს. თუ მას გაუშვებ, ის უეჭველად სირბილს დაიწყებს სადმე. ის პირველი არაა.

და რადგან ის მეტად გადაირია და თვალები უკვე გადაატრიალა, აღარაფერი უშველის, ჩვენ მას უნდა ვცემოთ. რო ის გონზე მოვიყვანათ. ჩვენ ამას სწრაფად ვასრულებთ და შეუცოდებლად, და ვახწვვთ იმას, რომ ის ჯერჯერობით წყნარად ზის. ამ ამბავის გამო დანარჩენები გაფითრდენ; იმედია, ეს სხვებს დააშინებს. ეს გრიგალისებური ცეცხლი მეტისმეტია საწყალი ბიჭებისათვის; ისინი პირდაპირ საველე რეკრუტთა დეპოდან ჩაცვიფდენ ამ სასაკლაოში, რომელიც თვით ხნიერ კაცსაც კი თმას გაუთეთრებს.

დახშული პაერი ამ ამბავის შემდეგ კიდევ უფრო მეტად აწუხებს ჩვენს ნერვებს. ვსხედვართ ვით საკუთარ კუბოში და ვუცდით მხოლოდ თუ როდის მოგვაყრიან მიწას.

უცბად ღრიალებს და ელავს საშანლად, ბლინდაქი ჭრიალებს და ზანზარებს მასზე მოხედრილ ყუმბარის ქვეშ; საბედნიეროდ, ყუმბარა მსუბუქია და ბეტონის სახურავმა გაუძლო. ისმის ზანზარის ხმა, ლითონური და საშინელი, კედლები ქანაობენ, თოფები, ქუდები, მიწა, ტალახი ფრინავენ. გოგირდის კვამლი იჭრება შიგნით. რომ ჩვენ ამ მაგარ ბლინდაქის მაგივრად მსუბუქ ბლინდაქში მჯდარვიყაყით, რომელთაც ეჭლა ამ უკანასკნელად აშენებდენ, არც ერთი ჩვენგანი ცოცხალი არ გადარჩებოდა. შედეგი მაინც საკმაოდ ცუდია. წინანდელი ახალწვეული ისევ გიქდება, მას ეჭლა ორი სხვა ემატება. ერთი გვისხლტება ხელიდან

და გარბის გარედ. ჩვენ დანარჩენ ორს ვეჭიდებით. მე გამოვვიდოდი ცეხიდან და ვფიქრობ, ვესროლო თუ არა მას ფეხებში — ამ დროს სტევენს, ვეცემი მიწაზე და როცა ზეზე ვდგები, ვხედავ: სანგარის კედელი გაუქმონია ცხელი ნატეხებით, ხორცის ნაგლეჯებით და ტანისამოსის ნაფლეთებით. მე მივფრები უკანვე.

პირველი, როგორც სხანს, ჭკუაზე მართლა შეირყა. ის თხასავით კედელს ეჯახება თავით, რა წამს ხელს გაუშვებენ ხოლმე. დამე უნდა შევეცადოთ, ის უკან გადავაგზავნოთ. ჯერჯერობით ის შევკარით ისე მაგრად, რომ თავდასხმის დროს შეიძლებოდეს სწრაფად მისი განთავისუფლება.

კაჩი წინადადებას იძლევა სკატი ვითამაშოთ — რა უნდა ჰქნა? შეიძლება ამით შევიმსუბუქოთ მდგომარეობა. მაგრამ აქედან არაფერი გამოდის, ჩვენ ყურებს ვცქვეტთ თვითნებულ აუთენტებაზე, რომელიც ახლოსაა, გვეშლება კარტის ანგარიში და მასტზე მასტით ევლარ გუბასუხებთ. უნდა თავი დაკანებოთ ამას. ჩვენ ვზავართ ვით უზარმაზარ მთავრებულ ქვაბში, რომელსაც ყოველი მხრიდან ურტყამენ. —

კიდევ ერთი დამე. ესლა ჩვენ დაუიმვისაგან დაჩლუნგებული ვართ. ეს არის სასიკვდილო დაუიმვა, რომელიც ვით კბილებიანი დანა ჩვენ ზურგს ჰკაწრავს. ფეხებს აღარ უნდათ მოძრაობა, ხელები ცაცხებენ, სხეული გადაქცეულია თხელ კანად, რომელიც გადაკრული აქვს ძლივს თავშეკავებულ სიგოქეს და აგრეთვე თავშეუკავებლად აღმოხეთქილ დაუსრულებელ ღრიალს. ჩვენ აღარა გვაქვს სორცი და კუნთები, აღარ შეგვიძლია ერთმანეთს ვუმზიროთ, რაღაც გამოუტყნობელის შიშის გამო. ამგვარად, მწარედ მოკუმული გვაქვს ტუჩები — ეს გაივლის — ეს გაივლის — შეიძლება გავასწიოთ აქედან.

★

ერთბაშად ახლო სკდომა წყდება. ცეცხლი გრძელდება, მაგრამ ის სცემს ესლა ჩვენს უკან. ჩვენი სანგარი მისგან თავისუფალია. ჩვენ ხელს ვსტაცებთ ხელყუმბარებს, ვისვრით მათ ბრუსტვერის გადაღმა და ვტვებით გარედ. გრიგალისებური ცეცხლი შესწყდა, მაგრამ ჩვენს უკან მაინც ძვეს შემთავრებელი ცეცხლი. თავდასხმა უკვე აქაა!

ვერავინ დაიჯერებდა, რომ ამ გადაბრუნებულ უდაბნოში ადამიანები შეიძლება კიდევ ყოფილიყვნენ; მაგრამ ესლა ყველგან, სანგრებიდან მოძვრებიან ლითონის ქუდები, და რომოცდაათი მეტრის მანძილზე, ჩვენ წინ უკვე დადგმულია ტყვიამფრქვევი, რომელიც სწრაფლ ტაკტაკს იწყებს.

მავთულის ღობენი დაგლეჯილი არიან, მაგრამ ჯერ მაინც დგანან. ჩვენ ვხედავთ თავდამსხმელნი როგორ მოდიან. ჩვენი არტილერია გრგვინავს. ტყვიამფრქვევნი კაკანებენ, თოფები დუგდუგებენ.



გადალმიდან ჩვენსკენ მოიკვლევენ გზას. ჰაიე და კროპი იწყებენ სროლას ხელყუმბარებით. ისინი ისვრიან სწრაფად, რამდენათაც შეუძლიათ; ჩვენ მათ ვაწოდებთ ყუმბარებს უკვე გამოძრობილი სახელურებით. ჰაიე ისვრის სამოცი მეტრის სიშორეზე, კროპი ორმოცდაათზე; ეს უკვე გამოცდილი გვაქვს და მნიშვნელოვანია. გადაღმელებს სირბილში ბევრი არაფერი შეუძლიათ, სანამ ოცდაათ მეტრზე ახლო არ მოგვიდგებიან.

ჩვენ ვხედავთ დამანჰულ სახეებს, ბრტყელ კასკებს, — ეს ფრანგები არიან. ისინი აღწევენ მავთულის ღობეთა ნაშთებს და აქვთ შესამჩნევი ზარალი. მათო ერთი მთელი რიგი ჩვენ ტყვიამფრქვევთაგან ჩვენს ახლო იცელება; მერმე გვაქვს დაწყობილი ბევრი შემამფრხებელი საგანი და შემდეგ, ისინი უფრო ახლო იქნებიან.

მე ვხედავ ერთ მათგანს, რომელიც ისპანურ რაიტერში ებმება მალა აწეული თავით. მისი ტანი ემზობა, ხელები მალა რჩება, თითქო მას ლოცვა სდომოდეს. მერმე მისი სხეული მთლიანად ვარდება უკან და მხოლოდ დახვრეტილი ხელები, მკლავების ნაგლეჯითურთ, ჰკიდია მავთულებზე.


იმ წუთს, როდესაც უკან ვიჩქარით, სამი სახე მოძვრება მიწიდან. ერთი კასკის ქვეშ ბნელი, წვეტიანი წვერები და ორი თვალი, რომელიც მე მომშტერებია. მე ავწიე ხელი, მაგრამ არ შემიძლია ვესროლო ამ უცნაურ თვალებს; ერთი, გაგიჟებული წუთის განმავლობაში ხდება მთელი სასტიკი ბრძოლა ჩემსა და ამ ორ თვალს შორის, და ვართ მხოლოდ უძრავი, მერმე — გადალმიდან ამოდის თავი, ხელი, მოძრაობა და ჩემი ყუმბარა მიჰქრის მისკენ.

ჩვენ გავრბივართ უკან, ვყრით ისპანურ რაიტერებს სანგრებში, და უკან ვისვრით მოშუშხუნე ხელყუმბარებს, რომელნიც ცეცხლის გზას ჰქმნიან და ჩვენს უკანდახევას უზრუნველჰყოფენ, ახლო პოზიციებიდან ისვრიან ტყვიამფრქვევნი.

ჩვენ გადავიქვით საშიშ მხეცებად. ჩვენ არ ვიბრძვით, ჩვენ ვიცავთ თავს განადგურებისაგან. ვისვრით ყუმბარებს არა ადამიანების წინააღმდეგ, ამ წუთში ჩვენ მათ შესახებ რა ვიცით! — ხელებითა და კასკებით მოგვდევს ჩვენ სიკვდილი; სამი დღის მოცდის შემდეგ, ჩვენ შეგვიძლია პირველად ეხლა მას სახეში შევხედოთ, სამი დღის მოცდის შემდეგ, ჩვენ პირველად შეგვიძლია მის წინააღმდეგ თავი დავიცვათ; ჩვენ გვაქვს გასაგიჟებელი სიბრაზე. მეტად აღარა ვწევართ ჯანცმოწყვეტილი, სახრჩობელას მოლოდინში, ჩვენ შეგვიძლია ვანადგუროთ და ვხოცოთ, რათა ჩვენი თავი გადავარჩინოთ და შური ვიძიოთ.

ვიჩაქებთ ყოველი კუთხის უკან, ყოველი მავთულ-ღობეს უკან, და ვესვრით თავდამსხმელებს აფეთქებათა კონებს ფერხთა წინ, სანამ უკან გავიქცეოდეთ. ხელყუმბარათა ჭეჭაქუხილი ძლიერად იჭრება ჩვენს





ხელებში, ფესვებში; მოკუნტული ვით კატები გავრბივართ, მთრაცუნული ამ ტალღით, რომელიც ჩვენ გვატარებს, რომელიც ჩვენ გვცნის და უზოგველ სასტიკად, ავაზაკად, მკვლელად, ჯანდაბად, — ეს ტალღა, რომელიც ჩვენს ღონეს ასაკეცებს შიშში და სიბრაჟეში და სიცოცხლის წყურვილით, რომელიც ჩვენთვის გადარჩენას ეძებს და მისთვის იბრძვის. თუნდ მამა-შენიც მოდიოდეს გადამიდან მათთან ერთად, არ შეეყოყმანდები მას მკერდში ყუმბარა არტყა!

წინა-სანგრები მივატოვეთ. არიან ისინი კიდევ სანგრები? ისინი დაგლეჯილი განადგურებული — არიან სანგართა მხოლოდ ცალ-ცალკე ნაქრები, ხვრელები, შეერთებული ბილიკებით, ყუმბრათაგან ამოთხრილი ღრმობები და მეტი არაფერი. მაგრამ მტრის ზარალი იზრდება. იგი ამოდენა წინააღმდეგობას არ მოელოდა!

★

შუაღლე გახდა. მზე სწვავს, და ოფლი გკბენს თვალებში, ჩვენ ვისტაცეთ მას სახელოებით. ხანდახან სისხლი მოჰყვება მას. პირველი, ჯერ კიდევ კარგად დაცული სანგარი გამოჩნდა. იგი დაკავებულია და იქ ემზალებიან კონტრ-შეტევისთვის, იგი გვლებულობს ჩვენ. ჩვენი არტილერია მთელის ძალით სცემს თავდამსხმელთ და აფერხებს მათ შემოტევას.

თავდამსხმელები ჩერდებიან. აღარ შეუძლიათ წინ წამოსვლა. ჩვენმა არტილერიამ უკუაგდო მათი თავდასხმა. ჩვენ ვიცდით. ცეცხლი ხტის ასი მეტრის იქით, და ჩვენ გავრბივართ წინისაკენ. ჩემს გვერდით ერთ ნაცვალს თავი წააგვჯა. იგი გარბის კიდევ რამოდენიმე ნაბიჯს მაშინ როცა სისხლი როგორც შადრევანი ამოჰქუხს მისი კისერიდან.

ხელჩართული ომი არა ხდება, მტერი იხვეს უკან. ჩვენ ისევ ჩვენს ძველ სანგრების ნანგრევებს ვალწევთ და გადავრბივართ მის წინ, შორს.

ოჰ, ეს მობრუნება! მიაღწიე თავდამცველ სათადარი გოსანგრებს, გინდა ჩაძვრე იქ, გაჰქრე — და უნდა მობრუნდე ისევ და შეიქრა ისევ ამ საშინელებაში. რომ ჩვენ ამ წუთში ავტომატები არ ვყოფილავიყავით, ჩვენ დავრჩებოდით მწოლარე, დაქანცული და უნებო. მაგრამ ჩვენ ისევ გვერეკებიან წინ, უნებოებს, მაგრამ მაინც გაგიყებულად ველურებს და გადარეულებს, ჩვენ გვინდა ვსოცოთ, ვკლათ, ვინაიდან იქ გადამა ჩვენს სასიკვდილოდ მტრები არიან, მათი თოფები და ყუმბარები ჩვენს წინააღმდეგ მომართული არიან, არ დავსტაცეთ ჩვენ მათ! მაშინ ისინი დაგვსოცავენ ჩვენ.

რუხი მიწა, დაგლეჯილი, გადაბრუნებული რუხი მიწა, მზის სხივებს ქვეშ მსუქნად მოელვარე, არის ადგილი შეუჩერებელ ჩლუნგ ავტომატებისა; ჩვენი სენეზა ფრთების ფრთხილია, ტუჩები მშრალია, თავი



უფრო გარეტიანებულია ვინემ მთელი ღამის ლოთობის შემდეგ — ასერციონული მივბარბაცებთ წინისკენ, და ჩვენს გაცარიელებულ, დახვრეტილ სულში მზის ბურღივით ჩადის წვალეებით-ძალით სურათი რუხი მიწისა მსუქანი მზით და მოფართხალე და მკვდარი ჯარისკაცებით, მასზე რომ ჰყრიან, თითქოს ეს ასე უნდა იყოს, რომელნიც ჩვენს ფეხებს ხელს ავლებენ და გაპყვირიან, მაშინ როცა ჩვენ მათზე გადავხტივართ.


ერთი მეორესათვის ჩვენ ყოველი გრძნობა დავკარგეთ, ჩვენ ძლივს-სა ვცნობილობთ ერთმანეთს, როდესაც მეორეს სურათი ჩვენს გადარეულ მზერას მოხვდება. ჩვენ ვართ უგრძნობი მკვდრები, რომელნიც რალაც მანქანებით, რალაც საშიშარ ჯადოხსნობით ჯერ კიდევ დარბიან და მკვლელობა შეუძლიათ.

ერთი ახალგაზრდა ფრანგი რჩება უკან, მას დაეწევიან, იგი ხელებს სწევს მალა, ერთში მას რევოლვერი აქვს — არ იცი, უნდა მას გისროლოს თუ აპირებს ტყვედ ჩავარდნას —, ნიჩაბის ერთი დაკვრა მას სახეს უპობს. მეორე ხედავს ამას და ცდილობს ქვეით გაიქცეს, ხიშტი ერჭობა მას ზურგში. ის ხტება მალა და ხელებგაშვერილი, დიდათ დაღებული მყვირალა პირით, მიბარბაცებს, და მის ზურგში ქანაობს ხიშტი. მესამე აგდებს თფის გვერდზე, იჩოქებს, თვალებზე ხელს იფარებს. ის რჩება უკან სხვა ზოგ ტყვეებთან ერთად, რათა დაჭრილები გადაზიდოს. — უცბად ამ დენის დროს მტრის პოზიციებზე ვჩნდებით.

ჩვენ ისე მჭიდროთ მივდევდით გაქცეულ მტერს, რომ თითქმის ერთსა და იმავე დროს ვახწვევთ მის სანგრებს. ამის გამო მცირე ზარალი გვაქვს. ერთი ტყვიამფრქვევი ახმაურდა, მაგრამ ის ხელყუმბარით ჩაჩუმებულ იქნა. მაინც რამოდენიმე წუთი საკმარისი იყო, რომ ჩვენს რიგებში ხუთი მუცელში დაჭრილი გაგვჩენდა. კანმა კონდასი სთხლიშა ცოცხლად გადარჩენილ დამცველს და სისხლის ტალახად აქცია მისი სახე. დანარჩენებს ვხიშტავთ, სანამ ისინი ხელყუმბარებს მოიმარჯვებდნენ. მერმე ვეწაფებით ტყვიამფრქვევთა ლულის გასაციებელ წყალს.

ყველგან ტკაცანებენ მავთულის საჭრელი იარაღები, სდებენ ფიცრებს მავთულის ლობებზე, გადავხტივართ ვიწრო შესასვლელით მტერთა სანგრებში. ერთ უზარმაზარ ფრანგს ჰაივ სტაკლიცავს ნიჩაბს კისერში და აგდებს პირველ ხელყუმბარას, რამოდენიმე წამს ვიჩოქებთ ბრუსტკერის წინ, ჩვენ წინ მყოფი სანგარის ნაწილი ცარიელდება. ირიბულად, კუთხიდან მოჰქრის მეორე ყუმბარა და გვიწმენდს გზას. ყუმბარათა სეტყვა ასკდება ბლინდაეებს, მიწა ირყევა, სქექს, კვამლი ვარდება და ოხრავს. ჩვენ ვფორხილებთ მოსლიკინე ხორცის ნაგლეჯებზე, ლბილ სხეულებზე, მე ვვარდები გაფხრეწილ მუცელში, რომელზეც ძევს წმინდა, ახალი ოფიცრული ქუდი.

ბრძოლა ჩერდება. მტერთან კავშირი წყდება. ვინაიდან ჩვენ აქ დიდხანს დარჩენა არ შეგვიძლია, ჩვენი არტილერიის ცეცხლის მფარვე-



ლობით, უკანვე ჩვენს პოზიციებზე მივყევართ. როგორც კი მას ვტყულობილობთ, საშინელი სიჩქარით ჩაგრბივართ ახლო მდგომ ბლონდაჟში, რათა მოვასწროთ და მოვიტაცოთ რასაც ვიპოვიოთ, მაგრამ ყველაზე უფრო გვაინტერესებს კონსერვები ხორციოთა და კარაქით.

ჩვენ კარგად ვბრუნდებით უკან. ჯერჯერობით არა სჩანს, რომ გადაღმიდან თავდასხმა კვლავ იწყებოდეს. ერთ საათზე მეტი ვწევართ, მძიმედ ვხვნეშით და ვისვენებთ, სანამ ვინმე ხმას ამოიღებდეს. ისე საყსებით ამოწურული ვართ, რომ დიდი შიმშილის მიუხედავოთ, კონსერვებზე არ ვფიქრობთ. მხოლოდ თანდათანობით ვემზგავსებით ისევ ადამიანებს.

გადაღმის კონსერვები ხორცისა მთელ ფრონტზე განთქმულია. ეს არის ხანდახან მთავარი მიზეზი ჩვენის მხრივ უტაბედი თავდასხმისა, ვინაიდან ჩვენი საჭმელი საერთოდ ცუდია; ჩვენ მუდმივ მშოიერები ვართ.

ჩვენ მოგვიტაცნია სულ ხუთი კოლოფი. გადაღმა ხალხს კარგად უვლიან, ჩვენთან შედარებით იქ ფუფუნებაა; ჩვენ კი ჭარხალის მარმულადით ვიცვებებით. ხორცი იქ, რამდენიც გინდა აქვთ, ოღონდ მოახერხე მისი მოტაცება. ჰაიეს ხელი უტაცნია აგრეთვე ფრანგული თხელი პურისათვის და ნიჩბსავით გაურჯვია ის ქამარში. ერთი ყუა ცოტა სისხლიანია, მაგრამ ეს არაფერია, მას მოვსურით.

ბედნიერებაა, რომ შეგვიძლია კარგად ვუპოვოთ; ჩვენ კიდეც დავგვირდება ჩვენი ღონე. გაძღომა ისევე ძვირფასია, როგორც კარგი ბლინდაჟი, ამიტომ ასე მსუნაგად მივისწრაფით მისკენ, რადგან ამას შეუძლია ჩვენ სიცოცხლე გადაგვირჩინოს.

ტიადენს დავლად წამოუღია აგრეთვე ორი საველე ბოთლი კონიაკისა. ჩვენ ის სასმელად ჩამოვარიგეთ.



დღენი გარბიან, და თვითვეული საათი არის გაუგებარი და თავისთავად გულისხმიერი. თავდასხმას სცვლის შეტევა, და ნელა ხროვდებოან მკვდრები დაგლეჯილ ველზე, სანგართა შორის. დაჭრილნი, რომელნიც ძალიან შორს არ არიან, უმთავრესად გამოგვყავს. ბევრი აბა დიდ ხანს უნდა დარჩეს იქ და ჩვენ გვესმის, როგორ კვდებიან ისინი.

ერთ დაჭრილს ვეძებთ უშედეგოდ ორი დღის განმავლობაში. ის მუცელოზე უნდა იყოს დავარდნილი და გადაბრუნება არ უნდა შეეძლოს. თორემ ისე ძნელი ასახსნელია, თუ რატომ ვერ ვიპოვეთ, რადგან, თუ პირით მიწაში ჩაჰყვების, მაშინ ძნელია მიმართულების გარკვევა.

მას ალბად ცუდათ აქვს ტყვია მოხვედრილი, ერთ-ერთი უცუდეხი ჭრილობა, რომელიც არც ისე მძიმეა სხეული ისე სწრაფად დაგისუსტოს, რომ ნახევრად გარეთიანებული დაგავდოს და არც ისე მსუბუქი, ტკივილის იმ იმედით ატანა შეეძლოს, რომ ისევ მოვრჩებიო. კაჩი



ფიქრობს, მას აქვს დაგლეჯილი ან ხერხემალი ან საჯდომია. მკერდი არ აქვს გაფუჭებული, თორემ ამდენი ყვირილის ძალა არ ექნებოდაო. თუ სხვა რამეშია დაჭრილი, შეგვეძლო ის განძრეული დავვენახა.

ის თანისთან ზრინწიანდება. მისი ხმა არის ისეთი უბედური, რომ ის შეიძლება ყოველი მხრიდან მოისმოდეს. პირველ დამეს, სამჯერ გავიდენ გარედ ჩვენი ბიჭები. მაგრამ როცა იფიქრებდენ, რომ მიმართულება იპოვეს და უკვე იქით მიხვებოდნენ, შემდეგ ყურს მიაპყრობდნენ და ეხლა სულ სხვა ადგილიდან მოესმოდათ მისი ხმა.

განთიადამდე ვეძებთ მას უშედეგოდ. დღის განმავლობაში ვათვალიერებთ ადგილებს ჟოგრიტით; ვერაფერი აღმოვაჩინეთ. მეორე დღეს მან ხმას დაუწია; შეიძლება შეამჩნიო, რომ მისი პირი და ტუჩები გამშრალი არიან.

მის მპოვნელს ჩვენი რაზმის უფროსი დაჰპირდა შვებულებაში უპირატესობას და სამ ზედმეტ დღეს. ეს ძლიერი ცთუნებაა, მაგრამ ჩვენ ისედაც ყველაფერს ვიზამთ, რაც კი შესაძლებელია, რადგან მისი ყვირილი პირდაპირ საშინელია. კაჩი და კროპი ნაშუადღევსაც კი მიდიან წინ მის საძებრად — კიდევ ერთჯერ. ალბერტს ამ დროს გაუხვრიტეს ყურის ბიბილა. — ტყუილუბრალოდ, ვერ მონახეს იგი.

ამასთან გარკვევით გვესმის, რას იძახის ის. პირველად შველას იძახდა — მეორე დამეს მას ალბად სიცხე ჰქონდა, ის ლაპარაკობდა თავის ცოლთან და ბავშვებთან. ხშირად გვესმის სახელი ელიზა. დღეს მხოლოდ სტირის. საღამოს ხმა გადადის კრიახში. მაგრამ მთელ დამეს ის კიდევ კვნესის ნელად. ეს გარკვევით გვესმის, რადგან ქარი ჩვენსკენ მოჰქრის. დილას, როცა უკვე გვეჯერა, რომ ის მკვდარია, მოგვესმის კიდევ მისი ხროტინი. —

სიცხე დაიწყო და მკვდრები ჰყრიან დაუმარხველი. არ შევკითხვია ყველას წამოდება. აღარ ვიცით, სად უნდა წავიღოთ ისინი. მათ ასაფლავებენ ყუმბარები. ზოგიერთთ ამოუბერიათ მუცლები, როგორც ბალანები. ისინი სტვენენ, ჭეჭუჭუნებენ დი ქანაობენ. გაზი ბუბუბუებს შიგნით.

ცა ღუზრჯია და უღრუბლა. საღამოა დახუთული, და აღმქრი ასდის მიწას. თუ ქარმა ჩვენსკენ დაჰპერა, თან მოიტანს ის სისხლის ორთქლს, რომელიც მძიმე და საზიზღრად მოტკბილია; მოიტანს თან მკვდართა სუნს ორმოებიდან. გგონია, რომ ხლოროფორმისა და გასრწინის სუნი შერეულია და ჩვენს გულსისყრასა და რწყევას იწყვეს.

★

სანგრების ერთ ნაწილში პირდაპირ ჰიმელშტასს ვეხეჩები. ჩვენ მივძვრებით ერთსა და იმავე ბლინდაჟში. უსუნთქველად ძვეს ყველა ერთი მეორის გვერდით და იცდის, სანამ შეტევა დაიწყებოდეს.



თუმცა მეტად აღელვებული ვარ, მაგრამ გარედ გამოვსახული დროს თავში ელვასავით გამირბენს, რომ ჰიმელშტოსი ჩვენთან არ მოდის, მეყვსეულად უკანვე ბლინდაეში მივხტივარ და ვხედავ, რომ იგი მიწოლილია კუთხეში, მცირედ გაკაწრული ჭრილობით, და თავს იკატუნებს, თითქო დაჭრილია. მისი სახე გალახულია. იგი საშინელ შიშს შეუპყრია, იგი ხომ აქ ახალია! მაგრამ ეს მე მამბრახებს, ახალგაწვეულები რომ გარედ არიან და ეს კი აქ რჩება.

“გარედ!”, დავსუყივლე შე.

იგი არ ინძრევა, ტუჩები უცმაცურებენ, უღვაშები უხტან.

“გარედ!”, ვიმეორებ მე.

იგი ფეხებს კრუნჩხავს, ეკვრება კედელს და კრეყს კბილებს როგორც ძაღლი.

ესტაცებ მას ხელს და მინდა ავაყენო. იგი უყვირის. მაშინ ნერვები მიწყდება. ვეცი მას ყელში, ვანძრევ როგორც ჩანთას, მისი თავი აქეთ -- იქით დაფრინავს და მე ჩაყვირი მას სახეში: “შე არამზადა, არ გამოხვალ გარედ — შე ძაღლო, შე ტყავისმძრობელო, გინდა დამალო?” იგი გამოყვირებულია, მის თავს ვუხათქუნებ კედელზე — “შე მხეცო” — მე მას ვცემ ფერდებში — “შე ლარო” — მე ვჯიკაობ მას წინისაკენ, თავით წინისაკენ.

ერთი ახალი ტალღა სწორედ ესლა მიდის ჩვენს გვერდით. ლეიტენანტია მასთან. იგი გვხედავს ჩვენ და გვეძახის: “წინ, წინ, შემოგვიერთდით, შემოგვიერთდით — !” და რაც ჩემმა ცემა-ტყეპამ ვერ შესძლო, შესძლო ეს ამ სიტყვამ. ჰიმელშტოსმა გაიგონა თუ არა უფროსის ხმა, გამოფხიზლდა და ჩვენ შევეუერთდით მათ.

მე მას მივსდევ და ვხედავ, როგორ მიხტის იგი. იგი ისევ ყაზარმის ეზოს ყოჩალი ჰიმელშტოსია, მან ლეიტენანტსაც კი გაუსწრო და წინ შორს არის. —

გრიგალისებური ცეცხლი, შემაფერხებელი ცეცხლი, შემაჩერებელი ცეცხლი, მინნები,ვაზი, ტანკები, ტყვიამფრქვევნი, ხელყუმბარები — ეს სიტყვებია, სიტყვები, მაგრამ მათშია მთელი ქვეყნის უბედურება!

ჩვენი სახენი ტალახით დაუჯარული არიან, ჩვენი აზრი გაპარტახებულია, ჩვენ მეტად დაქანცულები ვართ; როცა თავდასხმა დაიწყებანოგიერთთ უნდა სცემო, რათა გამოფხიზლდნენ და თანწამოვიდნენ. 'თვალელებში ანთებაა, ხელები დაღლეტილი არიან, მუხლებს სისხლი სდით, იცაყები დაბეილი არიან.

გადიან კვირეები — თვეები — წლები მხოლოდ დღეები. — ჩვენ ვხდავთ დროს მომავლადეთა უფერუო სახეებში, ჩვენს ახლო რომ ჰქრება; ჩვენ პირში ვიტენით საჰმელს, ჩვენ გავრბივართ, ჩვენ ვისვრით, ჩვენ ვკლავთ, ჩვენ ვწევართ, ჩვენ სუსტი და ჩლუნგი ვართ და მხოლოდ



ეს გვაძლებინებს ჩვენ, რომ აქ არიან უფრო სუსტები. უფრო დაჩლოუნ-^{ეროვნული} გებულნი, უფრო უმწეონი, რომელიც გარდმოკაკლული თვალებით მო^{ბიზლირთვა} გეჩერებიან როგორც ღმერთებს, რომელთაც შეუძლიათ ხანდახან სიკვდილის პირისაგან მათი დახსნა.

დასვენების მცირე საათებში ვასწავლით ჩვენ მათ. «ხედავ შენ იქ, მოქანავეს? ის არის მინნა, რომელიც მოჰქრის! დარჩი მწოლარედ, ის გადაგვივლის თავზე! თუ ის ასე მოდის, მაშინ გაიქეცი! შეიძლება გაქცევა მოასწრო!» ჩვენ ვამახვილებთ მათ ყურებს და მათ ყურადღებას ვაქცევთ პატარა ნივთთა ზუზუნზე, რომელსაც ადვილად კი ვერ ამჩნევ, შეგიძლია იცნო გასკდომის ხმაზე, წუწუნებენ ვით კოლონი; ჩვენ მათ ვურაკვეთ, რომ ესენი უფრო საშიში არიან ვინემ დიდები, რომელთაც უფრო ადრე ისმენ. ჩვენ ვაჩვენებთ მათ, თუ როგორ უნდა დაიმალო მფრინავთაგან, როგორ უნდა მოიმკედარუნო თავი, თუ თაედასხმამ უკვე გადაგიარა, როგორ უნდა გააწყო ხელყუმბარის სახელური, რათა იგი დაცემამდე ნახევარი წუთით ადრე გასკდეს; ჩვენ ვასწავლით მათ, რომ ფუგასის ყუმბარების გავარდნამდე ელვის სისწრაფით ორმოში უნდა გადახტე; ვაჩვენებთ მათ, ხელყუმბარათა კონით როგორ უნდა გააკეთო ორმო. ვუხსნით განსხვავებულ მტრის ხელყუმბარასა და ჩვენებურს შორის, ანთების დროის განმავლობის შესახებ. მათ ყურადღებას ვაჩერებთ გაზის ყუმბარების ხმაზე და ვუჩვენებთ მათ მოხერხებულებას, რომელთაც შეუძლიათ მათი სიკვდილისაგან გადარჩენა.

პაიე ვესტპუსი მოგლეჯილი ზურგით წაიდეს. ყოველ ამოსუნთქვაზე ჭრილობაში, ხედავ, ჰფეტქენ ფილტვები. მე შემიძლია მას კიდევ ხელი მაგრად ჩამოვართვა. — «გაეთაედი, პაულ», ჰკენესის იგი და ტკივილისაგან თავის ხელზე ჰკბენს.

ჩვენ ვხედავთ ცოცხალ ადამიანებს, რომელთაც თავისქალა აკლიათ. ჩვენ ვხედავთ მოსირბილე ჯარისკაცებს, რომელთაც ორივე ფეხი მოწყვეტილი აქვთ, ისინი მიფლასუნებენ გადაჭრილი ფეხებით პირველ ხვრელამდე. ერთი ეფრეიტარი ორი კილომეტრის მანძილზე მოხონავს და მოათრევს დამსხვრეულ მუხლებს. კიდევ სხვა მიდის შესახვევ პუნქტზე და ხელით აკავებს გადმოყრილ წელებს. ვხედავთ ხალხს, რომელთაც არ აქვთ პირი, ღრანჭი, სახე. ვპოულობთ ვილაცას, რომელსაც ორი საათის განმავლობაში თავისი კბილებით მკლავის ძარღვი დაუჭერია, რათა სისხლისაგან არ დაწრეტილიყო. მზე ჩადის, ღამე მოდის, ყუმბარები შტვენენ, სიცოცხლე გათავებულა.

მხოლოდ გადათხრილი მიწის ნაგლეჯი, რომელშიაც ვწევართ, უძლებს კიდევ მოზღვავებულ ზეძალას, — მაინც რამოდენიმე ასი მეტრი დაუთმეთ მტერს. მაგრამ თვითეულ მეტრზე მოდის ერთი მოკლული.

*

ჩვენ გამოგვცვალეს. ბორბლები მისრიალობენ ჩვენს ქვეშ, ვდგევართ გამოყვეყნებული და როდესაც ისმისძახილი: «სმენა — მავთული!» ვიჩოქებთ. იყო ზაფხული, როდესაც ჩვენ აქეთ მოვემგზავრებოდით, ხეები ჯერ მწვანე იყვნენ, ეხლა შემოდგომისებურად გამოიყურებიან ისინი და დამე არის რუხი და ნოტიო. ავტომობილები გაჩერდნენ, ჩვენ ჩამოვფოფხვდით. ასეული ჯგრო, ნაშთი მრავალ სახელთა. გვერდზე სდგას ბნელად ხალხი და იძახიან პოლკებისა და რაზმების ნომრებს. თვითეულ გამოძახილზე გამოიყოფა პატარა ჯგუფი, მცირე საბრძოლო ჯგუფი ჭუჭყიან, მკრთალ ჯარისკაცებისა, საშინლად პატარა ჯგუფი და საშინლად პატარა ნაშთი.

ეხლა ვილაც იძახის ჩვენი რაზმის ნომერს, იგი არის, გვესმის, ჩვენი რაზმის უფროსი, მაშასადამე იგი გადარჩენილა, მისი ხელი შეკრულია. ჩვენ მივდივართ მისკენ და მე ვცნობილობ კახსა და ალბერტს, ჩვენ ვსდგებით ერთმანეთთან და ვათვალისწინებთ ერთი მეორეს.

და კიდევ და კიდევ გვესმის ჩვენი ნომერის გამოძახება, მას შეუძლია დიდხანს იძახოს, მას ვერ გაივინებენ ლაზარეთებში და ორმოებში. ერთჯერ კიდევ: «მეორე რაზმი აქეთ!»

და მერმე წელი ხმით: «არავინ არის მეტი მეორე რაზმიდან?»

დუმბილია და ცოტა ხრინწიანია მისი ხმა როდესაც ჰკითხულობს: «ესაა ყველა?» და ბრძანებს: «დაითვალეთ!»

დილა არის რუხი; იყო ზაფხული, როდესაც ჩვენ ფრონტზე წავედით და ჩვენ ვიყავით 150 კაცი. ეხლა გვცოცა, შემოდგომაა, ფოთლები შრიალებენ, და ხმები დაღლილად ჩიფჩიფებენ: «ერთი — ორი — სამი — ოთხი — », და ოცდაათორმეტზე ჩუმდებიან. და დიდხანა სიჩუმე, სანამ ხმა იკითხავდეს: «კიდევა ვინმე?» — და იცდის და მერმე წყნარად ამბობს: «ჯგუფებად — », მაგრამ ხმა უწყდება და მხოლოდ შემდეგ შეუძლია დაასრულოს: «მეორე რაზმი — », გაჭივრებით: «მეორე რაზმი — მარშ, წინ!»

ერთი რიგი, ერთი მოკლე რიგი მიბლაცუნებს დილა ადრინ. ოცდაათორმეტი კაცი.

რ ა ლ ფ ი

* * *

(ჩემს კუთხეს)

დიდ ხანს ვერ გასძლებს პატარა კიალი,
შლის, ცივად ანგრევს დრო წარმავალი.
და რამდენია შეყვარებული
ვინც უყვარს მისგან დავიწყებული!

კუთხევ გამზრდელი, რომ მომიგონო
რას შეგმატებდი ისეთს უღონო?!
მხოლოდ მე გმადლობ კარგზე და ავზე,
ფიქრით შორიდან გველები თავზე.

ბრიყვი სულისა მკითხავი ხდება,
მასხარა ბრძენის ადგილზე ჯდება!
ვით მალალია შენდამი გრძნობა
ბრბოსთვის ძნელია მის გამოცნობა!

მიყვარდა შენი სულ ყველაფერი,
უბრალო ხმები, უბრალო ფერი,
თვალს ენატრება კვლავ შენი მზერა,
გებარებოდეს მშობლური კერა...

გებარებოდეს მათი სამარე,
ვინც გულს ჩაიკარ, მიწით დაჰფარე,
ვინც მე მიყვარდა ვით ჩემი სული,
ვისთანაც მასხოვს დრო მხიარული.

ჩემო რიონო! ნაცნობ მიდამოს,
ისე საყვარელს, ისე საამოს,
გიჟი ჰანგებით ახარებ, ატკობ
ჰანგებით, მე რომ ამაოდ ენატრობ!

ნეტავ შენებრი ბედი მქონოდეს,
არ უძლევიხარ მტერს არასოდეს!

მარად ხსნილია შენი გზა-კვალი,
და მღერი, მღერი თავისუფალი...

დიდ ხანს ვერ გასძლებს პატარა კვალი,
შლის, ცივად ანგრევს დრო წარმავალი.
და რამდენია შეყვარებული
ვინც უყვარს მისგან დავიწყებული!...

რ ა ლ ფ ი

(ქარიშხალი)

ქარიშხალი ცივად ჰკლავდა
ცოდვას გველებზე თავაწეულს,
ხელი მისწვდა რაც მიყვარდა,
რაცა მსურდა გატაცებულს!

ბორკილები სისხლით სველი,
დამტვრეული დაიყარა,
ტკივილი და ტანჯვა გრძელი
სიხარულით დაიფარა!

ბედნიერი მოჩვენება
ქარიშხალმა აახდინა,
ყველა შუქი და მშვენება
საყვარელ გზას დააფინა!

ეხლა თვითონ გადავვარდი;
გზა-დაბნეულ ტალღის წერა!
სხვისი ცის ქვეშ დამდეგს დარდი,
სხვას ახარებს ჩემი კერა!

ღრუბელთ გროვას ვაჩერდები
და წარბს რომ ჰკრავს, მკურნავს, მარჩენს;
მტწამს: კიდევ არ დავინთქები!
ქარიშხალი გადამარჩენს!

თუ დაღუპვა მერგო წილად,
თავი იხსნა ავმა ძალმა,
მე მინდა რომ მოუხრელად
დამამტვრიოს ქარიშხალმა!...

პარიზი, 1930 წ. მაისი.

ს ტ ე ფ ა ნ ე კ ა ს რ ა ძ ი

პოემა ქოროს შესახებ

დიდი გზა ალერდი და ცვრიანი ადის მალა — ტფილისზე.
ახომ, იორმა და მე ვსთქვით:

— ჩვენ გვიდევს მკერდში ცხედარი, რომელიც გახრწნილია და
ასდის მკვდრის სუნი; ჩვენ მკერდში გვიდევს ტუილისი და ახალგაზდა
გული — ადვილად შევთანხმდით ასე, რადგან სისულელეა ფიქრი ადა-
მიანზე და უფრო დიდი სისულელე, რომ არაფერი ვიცით ადამიანზე მეტი.
ძალიან უწინ სულ სხვაფერ იყო.

შემდეგ ჩვენ ალბად გავიზარდეთ.

და როდესაც ვიზრდებით გესლით და ბრაზით, ტანიდან უშ-
ვებდით სისხლს, რომ დავრჩენილიყავით წმინდა.

მე ესლა არ ვიცი თქვენი ამბები ძვირფასო ბიჭებო! იქნებ თქვენ
გაიგონეთ მწუხარე დედის ძახილი და მიდით მასთან, რომ სირცხვილი
გექმიათ ჩემთვის; ან შეიძლება წადით შორს და მე არა ვიცი რა.

ძვირფასო ძმებო და მეგობრებო, მე ეს არ ვიცი!

ამიტომ მე მინდა წითელი ღვანო, სქელი და ტკბილი, როგორც
სისხლი. დავლევ მე შედედებულ სისხლს და შევაშინებ ბავშებს, რომელ-
ნიც მოხუცებით დადიან ჩვენში, როგორც თქვენი სიტყვები გოლ-
ვიან საუკუნის დასაწყევლად. —

ახლა ის მომაგონეთ, რომელმა თქვენთაგანმა სთქვა:

«კარგიაო, ვინც არის დიდი ერის შვილი!»

ჩვენ ამაში არ შევთანხმდით, რადგან ეს ითქვა ძალიან მოწყენით
ძალიან. ძალიან მოწყენით.

შენ კი იორ, ერთმა გიპასუხა: ნეტარ არიან უგნურნი და ცალნი
აბრეშუბისანი — .

ჩვენ მაშინ გავიცინეთ და დავრწმუნდით, რომ არ არის ბედნიე-
რება — კაცი იყოს დიდი ერის შვილი. ჩვენ მართლა გავიცინეთ და
ვინმეს რომ დასაბუთება მოეთხოვა, იმ წუთშივე ამოვიღებდით ყაჩაღე-
ბივით გულს და მის ფეხის წინაშე ავაფეთქებდით.

მერე რა?

ჩვენ არ გვექნებოდა გული, მაგრამ დარჩებოდა ტფილისი.



ძმებო და მეგობრებო, ჩვენ ყველამ ვადღენგრძობით დღესობის
 60-ე წლის იუბილესთან დაკავშირებით:

«ქვირფასო დედა, სულისთქმა იგივეა რაც დამოქნარება. შორი-
 დან მთები არა სჩანს დედა-მიწაზე, თორემ სიცოცხლე რას გამოჩნდება?»

მაშ, ჩვენ მართლა შეგვეძლო ამოგვეღო გული და დაგვეკლა ჩე-
 ნივე ხელით. —

მე ხამ ვთქვი: სულ სხვა იყო ძალიან უწინ.

ჩვენ, სამი მეგობარი გავიპარეთ ტფილისში. გვესმოდა ზარები
 შორიდან და გულის ცემა ჭაბუკების — ამიტომ გავიპარეთ სახლიდან.

აქ კი, ჩვენს ქალაქში, დავტოვეთ სახლები, ფართე, ტყიანი მინ-
 დვრები, ხბოები რომ დალოდავენ ფარული მადლით და დავტოვეთ აგ-
 რეთვე დიდი, მშვენიერი ზღვა.

ბიჭებო, ლურჯი ზღვა, სილიანი და ლალისფერი ნაპირები.

მაინც, ტფილისში რომ გავიქეციტ, რატომ ვერ წავედიო ზღვა-
 ზე და ვერ ვუთხარით მას მშვიდობა?

შეგვეძლო მივსულიყავით სამივე, დავდგებოდით მის წინაშე
 და ვიტყოდით ამ რიგად:

— შენ ხარ უცოდველი ლურჯი და ღრმა ვით ჩვენი სული. ჩვენ
 გვიყვარხარ შენ, რადგან ყველაფერში გვასწავლე სიმრავლე, რადგან მო-
 გვეცი დიდი ვნება.

ზღვაო, ჩვენ ვისწავლეთ შენი აღშფოთება. ყურს გიგდებდით
 სულგანაბულნი, გიცუროდით და ჩვენი სული, მრისხანე ხდებოდა და
 მკვრივი, ვით თვალი შენივე თევზის.

ზღვაო, შენი აღშფოთება!

როდესაც ნესტოებიდან ჰყრი ცეცხლის გრიგალს და აბორგებუ-
 ლი მკერდში იცემ გოლიათ ტორებს; როდესაც გრგვინავ მენის ფრქვე-
 ვით და ანგრევ მაგარ ნაპირებს, — მწუხარე დედასავით ჩამოდის მაშინ
 შავი ზეცა, მაგრამ ჩვენ გვინახავს ოგი მანდილ - დახეული, თუ როგორ
 ჰკივის ზარდაცემით, საბრალო და გულ-წასული ეცემა შენს ანგრეულ
 მკერდზე —

ასე ვეტყოდით ზღვას, ბიჭებო, და დაუტკბობდით ტუჩებს დე-
 დის ძუძუთი. შემდეგ გავცურავდით შორს სამივე და ვიმუხსავდით
 მწვანე ვარსკვლავებზე, რომელნიც ჩვენსავით ვარდებიან ზღვაში; მგონი
 ვარსკვლავებიც ზღვის ბავშვებია, მეგობრებო!

ჩვენ ეს არ ვქენით. ჩვენ სამი მეგობარი გავიპარეთ ტფილისში.
 არა, ოთხი; მაგრამ ის, მეოთხე, მალე წავიდა სხვაგან. მე მას ვუთავაზე
 ვეფხის ტყაოსანი, რომ ძალიან ჰყვარებოდა საქართველო და არაფერი
 დავიწყებოდა. ეხლა ის ცხოვრობს პარიზში, მაგრამ მე მახსოვს როგორ
 წავიდა ის; და როგორც ეხლა მე გეძახით თქვენ, ისიც ასე იძახის (მე ვი-
 ცი ეს) და მისი ძახილი, როგორც ჩვენ ყველანი, ეკუთვნის დედას.



ამის შემდეგ მე მაგონდება დახვეა და ეს საგანი მძიმე ჭრილობაში ჩემი, მაგრამ მე მაინც ვაბორგებ მას, რომელიც არის სასიკვდილო ჭრილობა ჩემი. მამ, გამარჯვება შენ. ჩემო დამცირებავ და დამარცხება! რაც უფრო ვიცი, რომ ხარ ჩემი დალუპვა, მით უფრო ვილტვი შენსკენ.

ტფილისი აიზორვა რუხი მაზარებით და ყინვა სქუნიდა სულს.
ჩვენ გავიარეთ საქართველო სიყვარულით.

ყველაფერი იყო ნელი, ვით კეთილშობილი გზნება ჩემი აბედის.
ჩვენ მივადექით მთვლემარე ზღვას, სადაც ლამაზი მესანდლენი თამაშობდენ ნარდს. — აქ სვამდენ ყავას და ისმენდენ კონონდას, რომელიც გრძელდებოდა მთვარის ამოსვლამდე; — შემდეგ თათრები იხევდენ, ჩვენი რაზმებიც იხევდენ და ყუჩდებოდა ყველაფერი.

სანდლების გვერდით ჩნდებოდა ამერიკული გემი, სქელ მილებიდან რომ ჰყრის ყომრალ კვამლს.

ნაპირი იყო მოკენჭილი და იქ სიარული უყვარდათ ქალებს, რადგან ყველაფერი იყო ლამაზი და დამთვარული. —

ესლა, როცა დიდი ხანია მას შემდეგ, გადასულ ამბებს ვიგონებ როგორც ძველ ლეინოს. ალბად, კიდევ უფრო დიდი ხანი გაივლის და მაშინ, ყველაფერი ეს შეიძლება გამოდგეს ღმილას საგნად.

სიტყვები მუდამ სტყუის ცოტათი. და ეს ამბავი იკითხება სულიერ დანიაგების დროს, როდესაც მკერდში გერაფერს გრძნობ და ყოველგან გგონია შემოდგომა და უმოძრაო ქვეყანა.

გაყინულია ესლა ახრი და წვიმაში დავდებულ კუბასავით იყურება ქალაქი.

დალამება პირველად ჩვენი კვიპაროსების კენწეროებიდან იწყება, რომელნიც მუდამ თმა-გაჯეჯილი არიან და ამწვანებული. შემდეგ გაისმის ძროხის ბლავილი და ძაღლების ყეფა. — და უცებ მოულოდნელად ყუჩდება ყველაფერი. გინდა გაიცინო, ან იყვირო ძალიან ხმამაღლა, რომ იგრძნო საკუთარი თავი; ბოლოს დასცინი ყველაფერს და არ იცი — თუ ღირს წერა!

თუმცა ესლა თოვლი ეშვება ფრთხილად და დაბურული მოაქვს სუნთქვა რომანტიული ხანისა; თუმცა ესლა, დათოვლილ ქუჩიდან ყვავები აფრინდენ გოგოების მოახლოვებაზე და ყველაფერი სათნოა და მართალ!

გეწყინება მაინც გახსენება, რომ სადღაც ამ ქამად მეოცე საუკუნეა!
ასე მინდა გავათავო ეს პოემა ტფილისზე და ამხანაგებზე: —
ძმებო და მეგობრებო!

ესლა მეოცე საუკუნეა და თქვენ ყველანი დაფანტული ხართ. —
სადა ხართ ბიჭებო, აუუ!

ნეტავ ეს პოემა იყოს თქვენი და სამშობლოს დაძაბების სიტყვა.
ნეტავ ეს იყოს უკანასკნელი სუნთქვა რომანტიკის.

ვლასა მგელაძე

* * *

(ცხრათვალა მზე)

(დღიურიდან)

ცხრათვალა მზე სიჩქარით
მთებში იწურებოდა,
ოქროვანი თვალებით
ჩემსკენ იმზირებოდა!

მე მისკენ და ის ჩემგან
სისწრაფით მშორდებოდა,
მადლიანი სხივები
თანდათან მცილდებოდა...

დაღვრემილი დამტოვა,
კრემლი არ მშორდებოდა,
უკანასკნელ სხივებით
ამას მეუბნებოდა: —

«რას დაღონდი, ჭირიმე,
რაზედ მოგიწყენია
მივალ საქართველოში,
რომ გავფანტო ბნელია!

აწი ნულარ იდარდებ,
მომავალი შენია!
ნათელ-სხივით შევმოსავ
სახლში ვინც დაგრჩენია!

დილას ავალ მყინვარზე,
მწვერვალს გადავუკოცნი,
და შენს სატროფოს ტფილისსაც
მსურველებით დავკოცნი!

კრწანისის ველს, დიდუბეს
თავზე გადავეფრქვევი
ნაძალადევის გმირებს
ყელზე შემოვხვევი.

მთა-წმიდა — მამა-დავის
მოკრძალებით ვემთხვევი,
გმირების საფლავებზე
მე ძეგლად დავედგმები...»

ცხრათვალა მზე მომცილდა
შემომადგა ბნელია,
მტრის ჯარით მოზღვავენ
შავნი ფიქრნი მწველია!...

პოტსდამ, 1923 წ.

გ . ნ ა ც ვ ლ ი შ ვ ი ლ ი

* * *

(მთიან საფრანკეთში)

ცრემლებად ეცემა ეს წვიმა,
ეს «შატო» ბარბაცებს მთვრალივით,
ბანაობს წვიმაში ეს მინა,
ეს მხარე პირს იბანს ქალივით.

ტირილით გადივლის ეს დილა,
ეს ქარი კი ზმუის ბანივით;
ლრუბლის ქვეშ ექცევა ეს «ვილა»,
ეს დღეა იობის ტანივით.

ოხ, რა რიგ გრძელია ეს კვირა!
ეს სევდა მალონებს შავივით;
ნეტავი ვისია ეს ცირა,
ასე რომ იცინის ბავშივით?!

მანტონ, 1930 წ. მარტი

ბ. ბებურიშვილი

ქალწულს

ანაზღეულად გაიარე შენ
ჩემი სულის უდაბნოში!...

შენ გამგზავრე შორს. მე დავრჩი აქ, სადაც ქვეყანას სიბნელე
ჰქვია; სად ცა არ ლურჯობს და მზე არ იცინის. —

ვცხოვრობ მოგონებით. — შენ გადასტერი ჩემი სულის უდაბნო
და დასტოვე იქ მარტოდენ ტკივილები, ტკბილი ტკივილები! —

მოგონებისათვის სიყვარული რაღაც არა ჩვეულებრივია, ღირსი
განდიდებისა და სოტბისა. გრძობათა ზღვაში ისრჩობიან ისინი, და ახ-
რჩობენ სხვასაც. ალბად: მართლა არსებობს ასეთი სიყვარული! —

ჩემთან კი ყველაფერი უბრალოდ მოხდა. — ეს იყო პირველად,
ოდეს ხელი ჩამოგართვი. არაფერ იცის ისეთი ხელისჩამორთმევა რა-
გორც შენ! იგი მუდამ მიზიდავს, და დღესაც ვგრძობ შენს ხელს ჩემს
ხელში!

არასოდეს არ დავუპყრივარ შენს თვალებს, რომელნიც შენ აღ-
ბად ქართული ტაძარის კედლიდან მოიპარე. დედა-შენს უყვარდა აღბად
ის ტაძარი და ის ხატი. დადიოდა იქ ხშირად, ლოცულობდა სასოებით.
და იმ ქართული ხატის თვალები გამოგყვენ შენ, რომელნიც ასე სხვანა-
ირი არიან და არა ჰგავან სხვა თვალებს. ხოლო ეს არ ვიცი, რაო არიან
ისინი სავეს გაკვირვებისა და კითხვითი ნიშნებით!? — არასოდეს დავ-
მორჩილებივარ შენს შუბლს, რომელიც ასე ნათელი, შუქმფენია. — არ
მიუქცევია ჩემი ყურადღება არც შენს წარბებს, შვილიშვით რა გადა-
ქიმულან მოღვარე კანდელის თავზე, რომელსაც შავი ჯარი შემორტყ-
მია. — შენი ცხვირი ისეთია, ვით ამორძალის. — ბავნი შენი ვნებით
პლევვიან და არიან ჯიუტი. — არ იქცევს ჩემს თვალს არც შენი ყელი
ზვიადი. — გულმკერდი შენი გაუშლელი ვარდებით, კუკურებით, ბევრ
ვაჟკაცს დაადნობდა. — ტანი შენი ბევრს აღუძრავდა სურვილებს
ბევრს. — მაჯა შენი ისეა ფაქიზი და ნაზი, ვით მორწმუნე ბებია-ჩემისა-
გან ჩამოქნილი და ღვთისმშობლის ხატის წინ ასანთებად შეწირული სა-
ნთელი. — ფეხები შენი პაზალისა. — და ქალწულობის სუნელებს შენი



უგონოდ დამათობელია. — შენი ხმა ჩვენი სამრეკლოს პირველი ზარის ხმაა! — და ფერი შენი ცხელი ქართლის მწიფე ატამის ფერია!

შენ ხარ ქართული ასო: — «წ»!

ჩვენ ვთამაშობდით ძვრაკუდობიას. მე ძერა ვიყავ, შენ კი წიწილა. კრუხი გიცავდა შენ, მაგრამ მე ხელი შეგახე შენ და დაგიჭირე. — გულმა რეჩხი ჰყო და მეყვსეულად ვიგრძენი საქართველოს მზის მხურვალეობა. ეს იყო უბრალოდ, სადათ, ბავშურად. ვიყავით ვით ბავშვები თამაშობაში, ლალი, უდარდელი, გულწრფელი. მერმე დავიღალეთ სირბილისაგან, სიხარულისაგან, სიამოვნებისაგან. დღესაც ვიგონებ იმ თამაშსა და სიხარულს —

ეს იყო მწუხრისას, ბაღში. შენი ნაწი თითებით თამბაქო გამიხვიე ნაწ ფურცელში. მოვსწიე ის თამბაქო, რომელსაც შენი სინაწის სურნელება თან გამოჰყოლოდა. მოვსწიე და გავბრუნდი. იმ სუნელებას დღესაც ვგრძნობ.

ერთხელ ქუჩას გადავდიოდით. შეგეშინდა. გადავეღობე ავტომობილს და ვსთქვი: «დეე, გამიტანოს მან!» შენ კი მიპასუხე: «არა!» და პატარა ფრთხალო! გაფრთხილდი მეორე მხარეზე!

— შორს მიემგზავრები!, ნაღვლიანად გითხარი მე.

— არ დავიკარგები!, მიპასუხე.

—მეშინია გული არ დაჰკარგო! — და შენ ღიმილით შემომხედე. დღესაც მახსოვს ის უცნაური ღიმილი. არავინ იღიმის ასე. —

სიხარულით მოველოდი უკანასკნელ წუთს. შენი ხელისჩამორთმევა ჩემი ბედნიერებაა!. — მშვიდობით! — ანაზღუელად გაიარე შენ ჩემი გულის უდაბნოში, გადასერე იგი და დამრჩა მხოლოდ მოგონება ასე მცირე; მოგონება ტკბილი ვით ჩემს ბავშვობაზე და გახსენება მწარე ვით ჩემი სამშობლოს დამარცხებაზე. —

წასვლისას დამიბარე ბარათი მომეწერა. გწერ ასე. იქნებ კიდევ გაჯავრდე, გარნა მომწონს შენი გაჯავრება! გწერ და გეკითხები: — სხვას რას მიბრძანებ, პაწია ქალბატონო? —

დ. ლალიაშვილი

ცხოვრების ტალღებში

... ორ მოქმედებად.

მოქმედნი პირნი: ნინო და რეზო.

მოქმედება პირველი

თორმეტ კუთხიანი ოთახი; თორმეტი ფანჯარა; ერთ მათგანში იც'ირება ადუღებული მზე. ღია კარებში წარა-მარა შემოდის მწვანე გაზაფხული და ისევ გადის ფანჯრებიდან. კედელზე, სპარსულ ხალიჩებში ფიქრობს ძველი არსენალი. ტახტზე, მუთაქასთან ახლოს, სძინავს გიტარას. მარჯვენა კედელზე ჰკიდია შავი ზღვა, მარცხენაზე — ცხენის თავი. შუა ოთახში სილიბილეზე გდია უღონო ტანი და გამწარებული გაზეთს შეექცევა. ისმის ხმაური.

გამოსვლა პირველი

ნინო: (თეთრად შემოსილი) ოჰ, რეზო! შენა ხარ?... გაზაფხული მე:ითხება: რად სტირით: და მე კი ვსტირით...

რეზო: ვარდმა რა იცის თავისი ფასი!

(ნინო ტახტზე ვარდება. გიტარა რამოდენჯერმე დაიკვნესებს და ისევ მუთაქასთან წამოწეება.)

ნინო: — რეზო, სად არის სიცოცხლე?

რეზო: — გაზაფხული მიდის, ზაფხულიც გავა, შემოდგომა აგატირებს, ზამთარში შეგცივდება.

ნინო: — (ფრანგულად) ... ? !

რეზო. — (ქართულად) ! ? ...

[სიყვარულის კოცნა]

(გიტარა ჩუმად იწყებს ტირილს).

ფარდა.

მოქმედება მეორე

იგივე სცენა, ხლოთ ოთახი სავსეა ჰაერით. ფანჯრების იქით — თეთრი სიცივე. ჩახუტებულ არსენალს სძინავს. უკან, დამუკნარი ბზა

ველარ ხარობს. ტახტზე რუხი კატა სმა-მალა ჰფიქრობს. რეზო მიყუ-
დებულია ფანჯარაზე; მისი თვალები დარბიან თოვლზე; მის გულს აწ-
ვალებს როიალის სიმებიდან აფრენილი სურათები. ნინოს გულისფანც-
ქალი ტრიალებს ამ სურათებს შორის.

გამოსვლა პირველი.

ნინო: (მღირის როიალზე) — ერთხელ მზის ადრე
ბუნება ვნახე, ბალახს სცივოდა,
მწვანედ სტიროდა, წუთების შემდეგ
მზე მოდიოდა, ხოლო ჩემი მზე
არსადა სჩანდა.

რეზო: — კმარა ქალო, უკან რას იცქირები!

ნინო: — შავს ღრუბელს როდის ან რომელი ქარი გააქრობს?

რეზო (ნალვლიანად): — სიცოცხლის ტალღებო! სიცოცხლის
ტალღებო! სად არის ნაპირი რომ მოვისვენო?

(ბუხარში ისმის ქარის ქვითინი).

ფარდა

მ . შუ შ ა ნ ი ა

დღეს, შენი სახე ისეა ნაწი,
მთვარის ვარდივით სურნელ მდელისი —
ბაღში საღამოს გადანარაწი
ან სიყვარული, ან ანგელოსი.

აგაფრთოვანებს ტრფობის თერმოსი,
ეთერ გრძნობებში გადამართული,
სული გაქვს ველის საქართველოსი,
კოლხეთის მთებით შემოკალთული.

ხვალ, მწიფე გრძნობებს ჩამორეკს ქარი,
ეგ სიქალწულეც გაჰყვება დარებს;
და სახეფერი ნაქალწულარი
დაიბნიდება ვარდისთვის დამლევს.

შემდეგ, წარსული დარჩება ობლად,
გადავლენ წლებიც, ბედის ტრიალი;
და იქ, მტკვარისპირას მთასთან მახლობლად
დაგაგვირგვინებს ვახის შრიალი.

ვერიკო სოსანი

ძველი ქართული მწერლობა

(განმეორებისათვის)

ოდეს ადამიანს დიდი უბედურება თავს დაატყდება, იგი ნატვრით ივანებს წარსულის იმ უბრალო თუ ბრწყინვალე წუთებს, მისი ცხოვრებისათვის ბედნიერება რომ მიუნიჭებია. ასევე ერის ცხოვრებაშიც. ქართველი ერის ოქროს დიად ხანას, თამარ მეფის ეპოქას, თანმოჰყვა უბნელესი ხანა ჩვენს ისტორიაში — და უფრო ადამალა და განაცისკროვნა თამარის მეფობა.

თამარ მეფის შემდეგ ტახტზე ავიდნენ მისი შვილი გიორგი ლაშა (1213—1223) და შემდეგ რუსუდანი (1223—1247). საქართველო ჯერ კიდევ ცხოვრობდა ძველი დიდებით, მერმე რომ მონღოლთა შემოსევის ტალღებში ჩაიხჩა. ჩინგის ყაენის ლაშქრებმა გადათელეს საქართველო, — მცირე ხნის შემდეგ, საქართველო გადაჯგუჯა ჯვალ-ედინ ზვარაზმელმა. არ გასულა ცოტა ხანი და 1236 წ. ჩინგის ყაენის შვილი შემოესია ჩვენს ქვეყანას და უკვე დიდი დრო აღარ დასტირვებიათ, რომ დასუსტებულ და განადგურებულ საქართველოს დაჰპატრონებოდნენ. საქართველო როგორც მთლიანი სახელმწიფო ირღევეა, — და ქართველ მხედრობას მონღოლთა განდიდებისათვის აბრძოლებენ ეგვიპტეს ფრანტზე. დავით მე-VI-ს დროს (1273 — 1310) საქართველოში შემოიჭრა ხუტლუბუღა, ჩამოაგდო დავითი და ტახტზე აიყვანა მისი ორი წლის შვილი. გიორგი მე-V, ბრწყინვალეს დროს (1318 — 1346) საქართველო იკრებს ძალას. სულს იბრუნებს, მაგრამ უკვე ბაგრატ მეხუთეს დროს, 1387 წელს, მრისხანე ლანგ-თემური გადაბუგავს საქართველოს. იგი ესტუმრება მას ხელმეორედ, 1393 წ. და ერთხელ კიდევ ცეცხლითა და მახლით გაიგლის საქართველოს მკერდზე. თომა არწმუნის სიტყვით, სამოცი ათასი ქართველი გადაასახლა მან სამარყანდში. იქცევა და იღუპება ქვეყანა; გარედან განუწყვეტელი თავდასხმა, შიგნით ფეოდალთა შეუჩერებელი ქიშპობა, მტრობა, ბრძოლა, ომები.

შემდეგ. — ოსმალების ტალღამ წალეკა მცირე აზია, 1453 წ. დაემხო ბრწყინვალე ბიზანტიის კერა — კონსტანტინოპოლი — და საქართველოს გზა დასავლეთისაკენ საუკუნოებით გადაიკეტა. 1475 წ. ოსმალები

ბმა დაიპყრეს კაფა, და გადატყდა ის გზაც, საქართველო რომ თურქესტანის გზით ჩინეთ-ინდოეთისკენ მიჰყავდა. 1498 წ. აღმოჩენილ იქნა საზღვაო გზა ინდოეთისაკენ (ვასკო დე გამას მიერ) და ვაჭრობაც ამ გზას გაჰყვა. სპარსეთის დედაქალაქი და სავაჭრო ცენტრი — თაფრიზი — ამ გზის გაკაფვის შემდეგ მოჰკვდა, ვაჭრობა გადაბარგდა სამხრეთით და ისპაჰანი გამოცხადდა სპარსეთის სატახტო ქალაქად. საქართველო მოწყდა მსოფლიო გზებს, ჩავარდა სრულ იზოლიაციაში, და ურიცხვ მტრებთან განუწყვეტელ ბრძოლებში გაპარტახებული, შეიქნა ოსმალეთის და სპარსეთის საჯიჯგნ ლუკმად.

როგორ-ღა შეიძლება ილაპარაკოთ ქართული კულტურის განვითარებაზე, ქართული მწერლობის წინსვლაზე?

მაგრამ, ყველა უბედურების მიუხედავად, მწერლობას კალამი მინც არ გაუგდია ხელიდან, და მე-13 საუკუნედან მე-17 ნაწერთა რიცხვი მრავალია, თუმცა დაბალი ღირსების და ხასიათდება ორი მიმართულებით ანუ როგორც პროფ. ალექსანდრე ხახანაშვილი ამბობს: —

«ერთი შეიცავს საზნეო-დიდაქტიურს თხზულებებს და მეორე საარაკო სიუჟეტის ნაწერებს. შემოქმედებითი ძალა ჩაფერფლილია, სხივი პოეტური აღმადგენისა იშვიათად ბრწყინავს... ქართველი მწერლები ამ დროს იჩენენ განსაცვიფრებელს ლტოლვილებას წარსულის შესასწავლად, გულმოდგინედ ჰკრეფენ საქართველოს ისტორიულს ცნობებს და იურიდიულ ჩვეულებებს...»

★

რ უ ს უ დ ა ნ ი ა ნ ი

ამა თხუზულების ავტორი უცნობია და არც ისაა დანამდვილებით ცნობილი, თუ რომელ ხანას ეკუთნის იგი. პროფესორი რომანი ფიქრობს, რომ იგი მეცამეტე საუკუნისაა, აკადემიკოს ბროსეს აზრით კი მეთოთხმეტესი. თხუზულება წმრმოდგენს თორმეტი კარისაგან შემდგარ კრებულს, რომელშიც აღწერილია 12 არაკი და გადმოცემულია მაშინდელი ზნე-ადათნი.

★

ა ლ ლ უ ზ ი ა ნ ი

ჯერ უცნობი ავტორისა, გადმოგვცემს ოსეთის მეფის ამბავს.

ს ე რ ა პ ი ო ნ ს ა ბ ა შ ვ ი ლ ი

მისივე სიტყვით «გრემელთ თავი, ხევის ბერი, ხელმწიფეთა თანაზდილი», მე-16 საუკუნის მოღვაწეა. იგი ცნობილი არის როგორც მთარგმნელი უდიდეს სპარსელ მგოსან ფირდოუსის თხუზულებისა: «შაჰ-ნამე». ამ ნაწარმოებს ძველადაც იცნობდნენ საქართველოში; მას იხსენიებენ ჩახრუხაძე და რუსთაველი. საბაშვილის შემდეგ ის სთარგმნა ხოსრო



თურმანიძემ და დაასრულა ფარსადან გორგიჯანიძემ. საბავშვო სასწავლებელი
 გმანი-ნაწყვეტი (რუსთველისებური ლექსით): «ამბავი საიანაძისა და
 ჯდა ბან ია ეკალაძემ თავის «ქართული სიტყვა-კახმული მწერლობის ან-
 თოლოგია»-ში, ჯერ გამოუქვეყნებელი ტექსტის მიხედვით.

★

ხ ვ ა რ ა ზ მ ე ლ თ ა ა მ ბ ა ვ ი

ეს ნაწარმოები წარმოადგენს «ვეფხისტყაოსანი»-ს გაგრძელებას
 და მისი დამწერი დანამდვილებით ცნობილი არაა. როგორც ირკვევა,
 ამ გაგრძელებაზე უმუშავებია ნანუჩას ანუ მანუჩარს, და დაწერილი უნდა
 იყოს მეთექვსმეტე საუკუნის დასაწყისში. აქ აღწერილია ტარიელის და-
 სნეულება და ხვარაზმშას წამოსვლა ინდოეთს სისხოსის ძებნად, ომები
 ხვარაზმელთა, ინდოთა, არაბთა და თურქთა და სხ.

★

ქ ა ი ხ ო ს რ ო ო მ ა ნ ი შ ვ ი ლ - ჩ ო ლ ო ყ ა შ ვ ი ლ ი

მეფე თეიმურაზ პირველის თანამედროვე. მას ეკუთვნის «ვეფხის
 ტყაოსანი»-ს სხვა გაგრძელება, რომელიც პირველად არის დაბეჭდილი
 ია ეკალაძის ზემოაღნიშნულ ანთოლოგიაში.

★

მ ე ფ ე თ ე ი მ უ რ ა ზ პ ი რ ვ ე ლ ი

(1589 — 1663)

სპარსეთის პოლიტიკურ გავლენას თანმოჰყვა კულტურულიც.
 სპარსულიდან ითარგმნება ბევრი შესანიშნავი ნაწარმოები, როგორცაა
 «როსტომიანი» (შაჰ-ნამე) «ქილილა და დამანა», «სირინოზიანი», «თის-
 მარიანი», «ფრიდონიანი» და სხვა. ყველა მთარგმნელთა შორის შესანი-
 შნავია მეფე თეიმურაზ პირველი. იგი არ იყო მარტო მთარგმნელი, არა-
 მედ ორიგინალური მგოსანიც. მეფე თეიმურაზ პირველი იყო შვილი
 იმ ქეთევან დედოფლისა, რომელიც შაჰაბაზმა აწამა 1624 წ. შისაზში.
 ეს არის ის უკვდავი სული, რომელიც ქართველ ერს თავისა ისტორიის
 ტანჯულ გზაზე ამაგრებს. ქეთევან დედოფალი მოედანზე გაამიშვლეს, გა-
 ხურებული მახვილით ხორცი დააგლიჯეს, ნალევრდლები დააყარეს, თავ-
 ზე ჩამოაცვეს გახურებული თუჯის ქვაბი, — და ასეთ ჯოჯოხეთურ წა-
 მებაში ამ მტკიცე დედოფალმა განუტევა სული, მაგრამ არ უარჰყო ქრი-
 სტე და სამშობლო. ქეთევან დედოფლის წმინდა ნაწილები კათოლიკე
 მისიონერებმა გადაასვენეს ბელგიაში და ნემურის მიწას მიაბარეს.

მოჰგონებია ვინმეს ეს აქ?

თეიმურაზ პირველი დედის წამებას შემდეგი სიტყვებით აღწერს:

«ახეიდა, ერთი სიტყვანი მაშინდა ბრძანა ახითა:

«თქვენც იცით, ყოვლინი დედანი ვართო ერთისა სახითა, აუჯი არის კაცთათვის, რაც ჩვენ გვეწოდების ნახითა, მაზედა რაცა ისაჯეთ, ქენით, არა ვარ ზრახითა».

მერმე გაუბეს ხელ-ფერხი, გადაბეს განა მაჯები, გაზით დაგლიჯეს ძუძუნი, დადვეს მხურვალე საჯები, ბარები შუბლსა შემოსდვეს, ყველა ქნეს მათი აჯები, აღმა ახეთქნეს კეფანი, ვა თქმითა აქ ვისაჯები.

ვამე იმ დლისა მსხენესა, დამვიწყდა დღენი წინანი, მკერდით ზურგამდინ გაავლეს გახურებულნი რკინანი, მე ავაზაკი შემცოდე ახლოს არ ვიყავ, ვინანი, მარჯვენით ჯვარსა არ ვეცვი, ამაღ ვარ ცრემლთა მდინანი.

ქვეშ დაუფინეს, დახურეს ზედა ლურსმისა რკინანი, ქვე წაიარეს, გააპეს ბროლი, ლალი და მინანი, სხვა წამოასხეს, დაყარეს ხორცთაგან ტყავი წინანი, მაგრა არ გაწყდა ტანჯვისა გულზედა დასაწვინანი.

მან წმინდამან, მას უამს იქით, არა ყოვნა წამსა ერთსა, სული თვისი მიაბარა მეუფესა, მისსა ღმერთსა, სამათხეში მიელიან ქალწულები შენაერთსა, ირენე და მარინეო იქმენ მათში განაერთსა.

ზეცით მოვიდა ნათელი, იხილეს სრულად ერმანო; იესო ქრისტე აღიდეს, სრულ ყმაწვილმან და ბერმანო, გვარჯასპისშვილმა მსახურა, არ ხუცესმა და ბერმანო, მისმან მკლელმან ქნა მას აქეთ კარგი ვერც არა ვერმანო.

წელზედ ახადეს საფლავსა, იგ ნინოს დასადარია, სული ამოხდა სურნელი, აღარსად იყო მკვდარია, თქვეს: «ფრანგნი მოიპარავდეს, თუ სად დაეცათ დარია». მე ვიტყვი ზეცას წასულსა, ხმელეთზე არსად არია.

თეიმურაზმა სთარგმნა სპარსულით: «შამი ფარვანიანი», «ზილი-ხანიანი», «ლეილ მეჯუნნიანი», «ვარდ-ბულბულიანი».

«ლეილ მეჯუნნიანი» არის ნათარგმნი რუსთველისებური ლექსით. ეს ნაწარმოები ჩვენში გავრცელებული შეხედულების მიხედვით ეკუთვნის ნიზამი განჯელს, (12 საუკ.). ეს ჯერ გამოთქვეყნებელი ქართული თარგმანი დაიბეჭდა პირველად ია ეკალაძის ანთოლოგიაში. ამ თხზულებაშია ლექსად აღნიშნული ლეილას და მეჯუნის დრამატიზმით აღსავსე სიყვარული.

ასეთივე მშვენიერი ლექსით არის ნათარგმნი სპარსულიდან ვარდ-ბულბულიანი, რომელშიაც ვარდისა და ბულბულის სიყვარულია აღწერილი. ამგვარადვე შამი ფირვანიანი ანუ სანთელი და ჰეპელა, მათი სიყვარულის ამბავი.



თეიმურაზის ორიგინალურ ნაწარმოებთ ეკუთვნის: **სწამებან ქვენი**
თევან დედოფლისა, «მაჯამა», «ჩივილი სოფლისადმი», «**შენაწვენი**»
 ზაფხულისა და შემოდგომისა» ლექსი ბალის სასახლეზე, ანბანთქება და სხ.

მაჯამა ითვლება თეიმურაზის საუკეთესო ნაწარმოებად. იგი არის პროფ. კეკელიძის და ალ. ბარამიძის აზრით ოდებზე კრებული. თვით სიტყვა «მაჯამა» ნიშნავს შეყრილს, გამოხატავს ისეთ ლექსთწყობას, რომელშიც თვითეული სტრიქონი ერთი და იგივე, მაგრამ სხვა და სხვა შინაარსის სიტყვით ბოლოვდება. მაგალითად: —

მზე ცუდ მაშვრალბს, ვერ ნათობს, ეტლზე შენ ზიხარ, ის არა,
 სხვამ, შენგან კიდე, სამყარო ვინ გაისახლა, ისარა?
 მელნისა ტბამამ გიშერი ტვერად გარ ივლო, ისარა,
 მუნით მკრა გულსა, ტყვე ქმნილსა, გლახ, შავმან შვილდმან ისარა

ბ-ნი ბარამიძე შემდეგნაირად განმარტავს ამას: — «ამ ხანაში «მაჯამა» ისარა. პირველი ტაეპის აზრი ცხადია და განმარტებას არ საჭიროებს. მეორე ტაეპის «ისარა» იმავე მნიშვნელობით არის ნახმარი, როგორც წინამორბედი სიტყვა გაისახლა და ნაწარმოებია სრა (სახალე)-დან. მესამე ტაეპში გვაქვს სარი; მეტაფორაც რომ განვმარტოთ, მთელი ამ ტაეპის აზრი იქნება: თვალმა (თვალის გუჯამ) გარეშე შემოივლო (შემოიღობა) სარებად გიშრის ფერი (შავი) წამწამის ტყე. მეოთხე ტაეპის «ისარა» შეილდ-ისარს გულისხმობს». ამნაირი მაჯამითა დაწერილი მთელი ეს ასთერთმეტ-ტაეპიანი, მშვენიერი ლექსი.

საქართველოსა და თეიმურაზის ცნობრება ისეთი დიდი დრამატინზით არის აღსავსე და ისეთი ტრადიულია მისი ბედისწერა, რომ არ შეიძლება ამას მგოსანზე გავლენა არ მოეხდინა და ამაოების დალი არ დაემჩნია, ჰანგი პესიმისტურად არ აეკლერებინა. და მართლაც, «ჩივილი სოფლისადმი» შესანიშნავია, როგორც თავისი ლექსით, ისე თავისი მოტივით. აქ ვათავსებ მხოლოდ ერთ ნაწყვეტს: —

რად, სოფელო, სხვა არ დასწვი ჩემებრ, მე მქენ დასადაგე?
 გლახ, ლახვარი სასიკვდინე ყველა მე მკარ დასადაგე!
 დამიკარგე ძე, ასული, ძმა არ ვიცი, და სად აგე?
 სხვა ნაყოფი მათებრ ტურთა რა აშენე და სად აგე?

სულ დაგლიჯე ვარდი ჩემი, იგ არცა თო მოაწივე,
 ვინცა შეგქმნა, მან შენ გიყოს, რაცა ჩემზე მოაწივე,
 მოვკვდე — მიწაც აღარ მინდა, ჩემზე მხეცნი მოაწივე,
 მამინ აგრეც შეგებრალდე, იტირე და მოაწივე.

★



გარსევან ჩოლოყაშვილი

მეთექვსმეტე საუკუნის მწერალთა ეკუთვნის აგრეთვე გარსევან ჩოლოყაშვილი, რომლის ნაწარმოებიდან დარჩენილია «ხილთა ქება». აქაა მარწყვი, ტყემალი, ბალი, ყლოვ, თხილი, ქლიავი, მაცვალი, კიტრი, ნესვი, ატამი, საწამორა, ვაშლი, ნიგოზი, ნუში, ბრძოლელი, შინდი, სხალი, კომში, ზეთისხილი, თურინჯი, ლეღვი, ზურმა, წაბლი... ყველა ესენი ერთმანეთს ეჯიბრებიან, თავს იქებენ ან ჰკილავენ და სარგებლობას იმტკიცებენ. მაგალითისათვის მოგვაქვს აქ შემდეგი ლექსი: —

მარწყვმა ჰსთქვა: «მოვალ პირველად, მე ვერა მისწრობს ხილიცა, ფერად მსგავსი ვარ ლალისა, მერმე საუქმელად ტკბილიცა, წინ რასა მისწრობს ტყემალი, მჟავე არის და გრილიცა, მისგან სჩივიან ყველანი, ვსუამეთ, მამკვეთა კბილიცა»..

თურინჯმა ჰსთქვა: «სიტურდითა ვერვინ არის ჩემი დარი, ვარ ყოველთა საყვარელი, ხილი ბრძენთა საქებარი, საჭვრეტელად შევნიერი, უბეზიგან სადებარი, თავს სხვას არვის დავადარებ მსგავსი სულთა მუშკ-ამბარი».

★

ნოდარ ციციშვილი

არის მე-17 საუკუნის ცნობილი პოლიტიკური მოღვაწე. მას ეკუთვნის «ბარამ გურიანი», ლექსად ნათარგნი სპარსულით.

★

გოჩა ბატონიშვილი

მას ეკუთვნის პოემა «გოჩიანი», რომლის ნაწილი დაკარგულია.

★


ფაშვი ბერტყაძე

მან დასწერა პოემა, რომლის გმირად გამოყვანილია ქართლის მეფე გიორგი მეთერთმეტე (მოჰკლეს 1709 წ.). მეფე გიორგი შაჰ-ჰუსენ-მა დანიშნა ავღანთა წინააღმდეგ გაგზანილ ჯარის უფროსად. გიორგიმ გაიმარჯვა, ტყუედ ჩაიგდო ავღანთა მმართველი მირ-ვეისი; მაგრამ გიორგის დასწამეს ორგულობა, მირ-ვეისის დაუბრუნეს ტახტი; მისმა მხედრებმა მოჰკლეს გიორგი და მასთან მყოფი ქართველები ნადიმობის დროს

★

ბარძიმ ვაჩნაძე

მეფე არჩილის თქმით, იგი მოღვაწეობდა ოდიშში, დადიანის კარზედ. ბარძიმს მამუკა თავაქალაშვილთან ერთად შაჰ-ნამეს გალექსვაზე უმუშაენია. მამუკას გაულექსავს ზაქის, ბარძიმს კი საამის ამბავი.



არის არაკთა კრებული, როგორც ამტკიცებენ სპარსულნი თარგმნი. მისი ტექსტი დაბეჭდილია ია ეკალაძის მიერ შედგენილ ანთოლოგიაში და თხუზულებას სათაური პროფ. კეკელიძეს ეკუთვნის.

★

არჩილ მეფე

(1647—1712)

უბედური მეფე! დიდი მგოსანი! მისი ცხოვრება საქართველოს ცხოვრებაა, მისი უბედურება საქართველოს უბედობაა! ხუთჯერ დაკარგა თუ დაკარგვიეს მას ტახტი და დაბოლოს დასახლდა მოსკოვს, სადაც მან გახსნა ქართული სტამბა. მას ეკუთნის «არჩილიანი», რომელშიაც აღწერილია თეიმურაზ ბუჯის ტრალიული ცხოვრება და მოღვაწეობა. პირველი არის «გაბაასება მეფის თეიმურაზისა და რუსთავლისა», რომელშიც მგოსნობის უპირატესობისათვის თეიმურაზი შოთას ეცილება.

ორთავ უხამს დიდი ჭება, მსმენელს დიდსა სიბრძნეს მოსცემს, მათი ტკბილი მეტყველება მიჯნურთ გულსა ლახვარს გასცემს, თუმც უხვია თეიმურაზ, მაგრამ სიბრძნეს კი არ გასცემს, ერკინება რუსთველს მედგრად, შეიტყვეით თუ ვინ დასცემს.

მეორე კარი არის: «ამბავი მეფის თეიმურაზისა, რომელი სიყმაწვილით სიკვდილოამდის გარდაჰხდეს». ამ პოემაში დამახასიათებელია პატრიოტული გრძნობა და გაკიცხვა იმ შინაური განხეთქილებისა, რომელიც საქართველოს ძირს უთხრიდა. მასვე ეკუთვნის: «გაბაასება კაცისა და სოფლისა», აგრეთვე სამიჯნურო «ლექსი აქა-იქ ნათქვამი», «ანბანთ ჭება», პოემა «ნარგიზოვანი», «ალექსანდრე მაკედონელის ცხოვრება», თარგმანი სერბიულით, «ხრონოლოგრაფი (ისტორია) დასაბამიდან სოფლისა კონსტანტინე პალეოლოგის მეფემდე», თარგმნილი ბერძნულით, (ერთი ნაწილი უთარგმნია ბაგრატ სოლოლაშვილს) და «საქართველოს ზნეობა». ეს უკანასკნელი თხუზულება შეიცავს აღზრდის წესებს. გონების გასაწოთობად საჭიროა ყოფილა: — ხუცური და მხედრული წიგნების კითხვა, ლექსთმთარგმნელობა, მეღვესეობა, ანგარიში, სამართალი, მხატვრობა, გალობა, ზრდილობა და სხ. ფიზიკურ განვითარებისათვის: — ბურთაობა, მხედრობა, სროლა, ქვისგდება, ყაბახი, ცხენოსნობა, ჩალოჩი, ლახტი, ნადირობა, ცურაობა, ხტომა, ჭადრაკი, ნარდი; გარდა ამისა, საჭიროა პურადობა, მამაცობა, სიფრთხილე, ხუმრობის ატანა, თავდაპყრა, მოქალაქობა და სხ.

არჩილ მეფე უნდა ჩაითვალოს პირველ ქართველ კრიტიკოსად, რომელიც თხუთმეტი საუკუნის დასაწყისში დაწერა «არჩილიან»-ის წინ მიუძღვის საქართველოს მწერალთა მუშაობის უდიდესი ნაწილი. იგი ასახელებს და არჩევს უკვე აქ აღნიშნულ მწერლებს, და მათ გარდა სხვებსაც: — ქაიხოსრო ფაველინიშვილი, ნოდარ ფარსადანისძე, ბარძიმ ვაჩნაძე. იაკობ სამებელი, ფეშანგი, ფაშვი ბერტყაძე, სულხან თანიაშვილი, გარსევან ჩოლოყაშვილი; ზოგი მათგანის ნაწარმოები დაკარგულია ან ჯერ გამოუქვეყნებელი. იგი იხსენიებს აგრეთვე ბაკა დვალისძეს და დაფინა ქვარიანს, რომელთაც «მელექსედ» არა სთვლის.

★

ი ა კ ო ბ შ ე მ ო მ ქ მ ე დ ე ლ ი


მეფე არჩილის თანამედროვე და ცნობილი მწერალი იყო, უმთავრესად სასულიერო დარგში.

ი ო ს ე ბ ტ ფ ი ლ ე ლ ი

ზოგის აზრით, იოსებ ტფილელი არის გიორგი სააკაძის შვილის შვილი, ყოველ შემთხვევაში მისი ნათესავი. მან დასწერა (1681-1686 წ.) პოემა:— «დიდმოურავიანი», რომელშიც აღწერილია დიდი მოურავის— გიორგი სააკაძის ცხოვრება. იოსებ ტფილელი მოკლულ იქნა 1688 წ.

დადი მხედარი სააკაძე აპარცხებს ოსმალების ჯარს და გამარჯვების ნადიმი იმართება დიდი მოურავის სახლში. ქართლის მეფე ლუარსაბს მოეწონება სააკაძის დაი, რომელსაც დაბოლოს შეირთავს. სააკაძე ამის წინააღმდეგია, რადგან იცის, დიდებულები ამას არ მოითმენენ. ერთ დღეს სააკაძეს ატყობინებენ საიდუმლოდ, რომ მეფე სიკვდილს გიპირებსო. ავალიშვილისა და არქ. მროველის პირით სააკაძე ეკითხება ამ ამბავის გამო მეფეს, რომელმაც გამცემთა ვინაობა მოითხოვა. ეს ამბავი იყო შედეგი თავადთა ინტრიგისა, რომელთაც არ მოსწონდათ უბრალო და უგვარო კაცის ასეთი ამაღლება და განდიდება. დიდებულებმა მოსთხოვეს მეფეს უგვარო ცოლის გაშვება და თვითონ სააკაძის სიკვდილით დასჯა. სააკაძე გარდაიხვეწა სპარსეთს, მის სახლგარს სწავაგენ თავადები. მრისხანე შაჰაბაზმა სიხარულით მიიღო დიდი მოურავი და სარდალი, თუმცა თვით სააკაძეს «სედა სახლისა სწავას და ცრემლს აღვრევიანებს».

საკაძე განხა შაჰის სარდალი და ყველა ომს გამარჯვებით ასრულებდა. ბოლოს შაჰაბაზმა გამოგზავნა იგი საქართველოს დასაპყრობად. მოურავს «ეტირება», მაგრამ წინააღმდეგობას ვერ უბედავს. სააკაძე სამშობლოს ვერ გაიმეტებს და გადასწყვიტავს სპარსეთის ჯარის და მისი მეთაური ყორჩიხანის მოსპობას და განადობს ამ გადაწყვეტილებას ზურაბ ერისთავს. მოუწოდებს ქართულ ჯარს და ამოსწყვიტავს სპარსე-



ლებს. სააკაძემ თავისი მხედრული ნიჭითა და ვაქაცობით დიდი დავაწ-
ლი დასდო საქართველოს; იგი რისხვად მოევიღა ოსეთს, დაატყვევა სუ-
ზანის ხანი, და ურჩინი მოიყვანა მორჩილებაში. ამის შემდეგ მან შექ-
ლა სიამაყით ეთქვა: «ქვა არსად არის ქართლშია, რომ ჩემი სისხლი არ
ეცხოს».

ლუარსაბის მოწამებრივი სიკვდილის შემდეგ სააკაძემ ქართლის
ტახტზე ქაინოსრო დასვა. განრისხებული შაჰაბაზი შემოესია ქართლს,
ააოხრა იგი და ამნაირად შური იძია მოურავზე. შაჰმა აწამა ქეთევან
დედოფალი და მოაკვლევინა თეიმურაზის შვილები. სააკაძემ თავისია-
ნებშიც კვარავას ნდობას და იძოლოებუღია წავიდეს ეხლა ოსმალეთს.

თავ ჩემო, ვით გასრულო, სევდიანო, როგორც წყლულო,
საქართველოს რჯულისათვის ათას ფერად წამებულო,
მეფეთათვის რა ნასაჯო, ნამსახურო, რა ერდგულო,
აღარ შეგრჩა ნოსტეს ღზინი, ალაბ, სტამბოლს დაკარგულ-
ვაი დაგადებ სახლ-სამყოფო, სად კარგო და სად ავებო,
შორ გვარ დავრჩი მეზობელთა, ვისთანც ვიყავ სადავებო,
ავეანდართა სიმაგრენო, მე სად გძრევდი სადავებო?
რამდენს მოკრჩი ძნელს ბადესა, ახლა კიდევ სა დავებო!...

ეს სოფელი ასეთია, არ დაინდობს კაცსა აროს,
ვინც იყუენით, ძნელი საქმე მაშინ უყავ, იცითა აროს?
აწ მეფეთა გაწყრომილმან თავმან ჩემან სითკენ აროს?
მე წავიდე, დავიკარგო, მტერმან ამით გაიხაროს.

აქ იგი როგორც სარდალი დიდ სახელს იხვეჭს. მისმა საქმეებმა
ჩრდილში დააყენა ვეზირი აზამი, ხონთქარ მურადის სიძე. ოომელსაც
ცოლი უსაყვედურებს: «შენი სად არის სახელი»? ამ შურიანობისა და-
ინტრიგის შედეგად აზამის ბრძანებით სააკაძეს ლალატით ჰკლავენ. ასე
დასრულდა ამ დიდი კაცის ცხოვრება და მოქმედება, რომლის დაფასე-
ბის შესახებ კამათი ისტორიულ-ეროვნული მნიშვნელობის თვალსაზრი-
სით, დღესაც სწარმოებს და ალბად კიდევ დიდ ხანს გაგრძელდება.

ი. მანჭავაძე

ნიკოზ ბერბესელი

ექვსი წელი შესრულდა ნიკო გერგესელის (გვარად კვერნაძე) დახვეწის შემდეგ. და მე კი მგონია, ეს გუშინ იყო. ექვსი წლის მანძილი ოდნავ ვერ ამსუბუქებს ამ მძიმე შთაბეჭდილებას: გოლვიდან დამსკდარი მიწა, ქართული სისხლით რომ გაივსო და გულ-გახვერტილ რაინდთა ცხედრებს ქარი რომ აყრიდა მტვერსა და სილას სამარადისოდ. აგვისტო-სექტემბრის დღეებში იყო ეს, 1924 წ., როცა ათასობით პოლიტიკური ტუსალი დახვრიტეს კრემლის სატრაპებმა. ათასებში იყო ნიკოც.

მე არასოდეს არ დამავიწყდება უკანასკნელი სალამო ჩვენი გამოთხოვების: — მეტეხი. 1924 წ. აგვისტო! სალამოს შვიდი საათი. დასახვერეტ ამხანაგების პირველი პარტიის გაყვანა. აქ იყო ჩემთვის ძვირფასი და მარად დაუფიწყარი გაბო ცისკარიშვილი... ტუტკუ გვარამია და თედორე ასათიანი, ვასო ურუშაძე და რაფიელ ჩხაიძე და ბევრი სხვა. აქ იყო გერგესელიც. გადაგვოცნეთ ერთმანეთი... კარებამდე ჩავაცილე. ჩამოვართვით ხელი ერთმანეთს მაგრად, და კიდევ გადაგვოცნეთ... და წავიდა... მძიმე იყო ის დღეები მეტეხში... უცნაური ტკივილების ამშლელი და ძალზე ნერვიული. პირველ და მეორე დღეს ტუსალებს სახელით და გვარით იძახებდნენ, შემდეგ მთელი საკნობით გაჰყავდათ. დაიწყეს ქვედა საართულიდან. აღარ გათავდა წამება. ექვსი დღე-ღამე საუკუნოდ გაგრძელდა... მეტეხს იცავდა რუსის ჯარი ტყვიამფრქვევებით. შიგნით, საკანის კარებთან იდგა არაყით შესურებული მეკარე, — კაცი პატარა ტანის და ფხჩილებაამდე გამხმარი. — ტუსალები აღარ ლაპარაკობენ. გაქვავდა გული და დაწყდა ნერვები. არ იყო არაფრის მადა: არც სიარულის, არც წოლის, არც ჭამის, არც კითხვის, არც ტირილის. თავში ათასი ფიქრი და ათასი სახე ირეოდა უაზროდ და უთავბოლოდ.

ამ წარღვნის დროს, მეტეხის პოლიტიკურ კორპუსში გადარჩა ოცდათექვსმეტი კაცი... იმ დამეს, როცა დამკომი დასთანხმდა მოწოდების გამოშვებაზე და ჩეკამ ჩაიბარა ტექსტი გათენებისას, ოთხ საათზე, ჩვენთან მოვიდა ცნობა: — დამოუკიდებლობის კომიტეტი დაპატიმრებულია, მოწოდება გამოქვეყნდება ხვალ, ხვერტა შეწყვეტილია... ჩვენ განვიცდიდით უდიდეს ზნეობრივ და ფიზიკურ ტკივილს. დახვერტილ



მეგობრების ფიზიკურ ჭრილობებს გრძობდა ჩვენი ტანი. ჩვენი სახეობრივი დაფარული იყო სატუსაღოს მტვერით და ექვსი დღის ნაწოვ კამბუსის კვამლით. საწოლებზე ვეყარეთ უძრავად და უახროდ. მოწყვეტილი ვიყავით მთელ ქვეყანას. მესამე დღეს საგუბერნიო სავადმყოფოდან მოიყვანეს გრიგოლ გიორგაძე. როცა მან ნახა ცარიელი მეტეხი, იგი ბავშვივით ატირდა. ჩვენ ეს შეგვშურდა, რადგან ჩვენ ტირილიც არ შეგვეძლო.

ათასები დახვრიტეს აგვისტოს აჯანყების დღეებში, ათასები და ათასებში იყო ნიკო გერგესელი. ახალგაზნა, 32 წლის, შევერცხლილი თმა და ნათელი სახე. სახე სევდის ჩრდილ-დანაკარავი. პირდაპირი და გულლია. დარბაისელი და ზრდილი. მებრძოლი ჯარისკაცი, მაგრამ ჯარისკაცი ისეთი, რომელიც საჭაროების დროს სარდალს შესცვლის, სარდალს შორმპკვრეტს და გაბედულოს; სარდალს, რომელიც ბრძოლის ყველა სახიფათო მომენტში წინ მიდის. . .საკუთარი მსხვერპლთ-შეწირვის განზრახვით.



ძნელია აგვისტოს ამბების მონაწილე მსხვერპლთაგან ერთი ან რამდენიმე პიროვნების გამოცალკეება და მათზე წერა. აქ ყველა უბადლო გმირია და თავგანწირული რაინდი, ჯარისკაციდან დაწყებული ხელმძღვანელამდე. უბრალო ხალხი აქ თავისებური იერით მოსჩანს. მათი სახელი არავინ იცის მშობლებზე გარდა. ჩვენი დაფლეთილი ისტორიის ფურცლებზე მათი სახელი აღინიშნება ერთი ზოგადი ციფრით. მაგრამ მათი სახე მოცულია განუმეორებელი შარავენდელით. მე მაინც ვაცალკეებ მათგან ნიკო გერგესელს. . . თუმცა ის ამ ათასების გულის-თქმით, აზრით, გრძობით და გატაცებით იყო ანთებული. მე მას ვანცალკეებ ამ ათასებიდან არა როგორც მებრძოლს, არამედ როგორც მწერალს.

აგვისტოს აჯანყების მსხვერპლზე სათითაოდ უნდა დაიწეროს. ეს იქნება ფაქტიურად საქართველოს პირველი რესპუბლიკის ბოლო-სიტყვაობა.



1922--23 და 24 წლები. ესაა დიდი ეროვნული ბრძოლების პერიოდი ჩვენს ცხოვრებაში. ბრძოლა სწარმოებდა ორი ხაზით: იარაღით — აშკარა: კახეთი, მთიულეთი, ქართლი, სვანეთი, გურია. და უიარაღო — ჩუმი, საიდუმლო მუშაობათა ქსელით, პასიური წინააღმდეგობით.

1923 წ. საქართველოს მწერალთა კავშირმა გამოსცა მოწოდება, სადაც იგი ბრძოლას ხელისუფლების წინააღმდეგ დამღუპველად სთვლიდა. ნიკო მაშინ მეტეხში იყო. გაიმართა თათბირი ამ მოწოდების ირგვლივ. გამოირკვა, რომ საქიროთა ბრძოლის მიცემა. ნიკომ წინადადება მოგვცა ხელთნაწერ ლიტერატურული ჟურნალის გამოცემის შესახებ.

წინადადება უკამათოდ იქნა მიღებული. შევუდექით მუშაობას. ნიკოზ წარმოადგინა მომავალი მუშაობის პროექტი: როცა გარედ გავალთ, და-
არსებულ უნდა იქნეს მწერალთა კავშირის საიდუმლო ორგანიზაცია.
უნდა შეუდგეთ გამომცემლობასაც. გათვალისწინებულ იქნა ყველანაირი
სიძნელე. უკანასკნელ შემთხვევაში გამომცემლობა უნდა გადაგვეტანა
საზღვარგარედ. მოვიდა აგვისტო. მთელი ჯგუფი დაიღუპა ორი კაცის
გარდა. — ქურნალი გამოიცა «მეტეხი»-ს სახელწოდებით. ყდა დახატა
ახალგაზდა მხატვარმა გ. მამალაძემ. სწერდა ა. ჭელიძე. მონაწილეობას
ღებულობდნენ: დ. მეჩონგურე, ნ. გერგესელი, გ. გარსიაშვილი, ფ. კეკე-
ლიძე, ა. ჭელიძე, კათოლიკოსი ამბროსი, ... და მე. თანამშრომლები-
დან გადარჩა მხოლოდ ორი კაცი. ქურნალი გამოიცა ხუთი ნომერი,
თითო ეგზემპლარად. მეტეხიდან გაგზავნილ იქნა გარედ.

ნიკო გერგესელს, როგორც მწერალს, ჩვენი საზოგადოების წრე-
ები არ იცნობს. ეს იმიტომ, რომ მის ნაწერთა უმეტესი ნაწილი არაა
გამოქვეყნებული. რაც დაბეჭდილია, ქურნალ-გაზეთებშია გაბნეული. ნ.
გერგესელი სამწერლო ასპარეზზე გამოვიდა 1918 წ. მან დაიწყო პატარა
ესკიზებით და დრამებით. 1921 წ., როცა საქართველოს რესპუბლიკა და-
იღუპა, მას შემდეგ თითქმის არაფერი გამოუქვეყნებია. ის მთელი თა-
ვისი დიდი ენერგიით ჩაება საიდუმლო მუშაობის ქსელში და მუშაობ-
და 1923 წ. ბოლომდე, დაპატიმრებამდე. დაპატიმრებიდან აჯანყებამდე
იჯდა მეტეხში. აქ ის ბევრს მუშაობდა; მან დასწერა სამ-მოქმედებიანი
პიესა «დიდების მემკვიდრენი» და რამოდენიმე მოთხრობა.

მე მინდა ორიოდ სიტყვა ვსთქვა ამ გამოუქვეყნებელ მასალაზე,
თუმცა ერთის მხრივ უხერხულია ისეთ ნაწარმოებზე ლაპარაკი, რომელ-
საც მკითხველი საზოგადოება არ იცნობს და სადაც საიდუმლო ბინა-
ზე ინახება, მაგრამ ვინ იცის, როდის ეღირსება მას გამოცემა და არც
უბედურ შემთხვევიდან ვართ დაზღვეული.

მეტეხის ხელთნაწერებში საინტერესო განძს წარმოადგენს სამ-
მოქმედებიანი პიესა: «დიდების მემკვიდრენი». მოქანდაკე არჩილს უყვარს
ახალგაზდა თამარი, რომელთანაც მას ბავში ჰყავს. არჩილი მიემგზავ-
რება უცხოეთში, სადაც სახელს გაითქვამს და სადაც ირთავს მდიდარ
ებრაელის ქალს, რებეკას. შინ დაბრუნებისას, არჩილი შეუდგება ქარ-
თული ხელოვნების აღორძინების საქმეს, მაგრამ მას ხელს უშლის ოჯა-
ხური ვითარება. რებეკა ვერ ეგუება საქართველოს პირობებს და მოი-
თხვავს უცხოეთში დაბრუნებას, რაზეც არჩილი არ თანხმდება. არჩილი
აღადგენს ძველ მეგობრობას თამართან, რებეკა ეკვიანობს და როდესაც



ქალაქის თვითმართველობისაგან შეკვეთილი, არჩილის მიერ დაწესებული ძველი ზეიმით დადგმულ უნდა იქნეს, რებეკა ამსხვრევს ამ შეგნა! ამის შემდეგ არჩილი გააგდებს რებეკას. — პიესაში საინტერესოა ამ ორი ქალის ტიპი. ორივე ზომაზე მეტი სიმახვილითაა გამოკვეთილი. რებეკა ევროპაში აღზრდილი ებრაელის ქალია, ანაციონალური პიროვნება; მისთვის გაუგებარია არჩილი და საქართველო; მისთვის უცხოა ეროვნული გრძობა. თამარი — პირიქით, გარკვეული ეროვნული სახის მატარებელია — ქართველი. მან ბევრი დამცირება და გაჰყირება აიტანა არჩილის გამო, და როცა დაბრუნებულმა არჩილმა სთხოვა პატიება, მან სულგრძელად აპატია ყოველივე. თამარი კეთილია და დარბაისელი, მაგარი ნებისყოფის მქონე და გარკვეული პიროვნული მეობის მატარებელი. ავტორმა აქ დახატა იდეალური ქართველი ქალის ტიპი; დღევანდელ საქართველოში ასეთებს ბევრს ვერ ნახავთ.

არჩილი ტიპიური წარმომადგენელია ქართველი ინტელიგენციის; იმ ინტელიგენციის, რომლის დიდი ნაწილი მთელი საუკუნის გასწვრივ ცალი ფეხით ქართულ ნიადაგზე იდგა, მეორეთი კი უცხოზე — რუსულზე. მაგრამ 1918 წ. საქართველო მობრუნდა მთელი კარპუსით საკუთარ ნიადაგზე და ინტელიგენციამაც ჩამოიდგა მეორე ფეხი. თუმცა აქა იქ დარჩენ არა მარტო ცალფეხ-გადადგმული, არამედ სახსებით გარიყული ქართული ნიადაგიდან. გადაგვარების ზოლი საკმაოდ ძლიერი იყო ჩვენში; დაიწყო ბრწყინვალე წოდებიდან და განათლებულ გლეხამდე დავიდა. მაგრამ ეს მოვლენა ას-ჩვიდმეტი წლის ქართული სახელმწიფოებრივობის დაცემის და ეროვნული დევრდაციის შედეგი იყო... ამას საგანგებო შესწავლა და ღრმა დაკვირვება სჭირდება აღდგენილ ნიადაგის დამკვიდრებისათვის. ეს თემა სრულიად ახალია ჩვენი სათეატრო ხელოვნებისათვის და რომ დღეს რუსი დამპყრობელები არ ახრჩობდნენ ყველაფერს ჩვენში, ქართული მწერლობა უფრო ფართოდ გაშლიდა ამ რკალს. —

მეტეხის ხელთნაწერებში, გარდა ზემოხსენებული პიესისა, არის რამოდენივე დაუმთავრებელი ესკიზი, მაგრამ აქა ერთი დამთავრებული მოთხრობა, რომელმაც ჩემზე დიდი შთაბეჭდილება დასტოვა. უფრო სწორად რომ ვსთქვათ, ეს ესკიზია, სურათი: «ერთი სარდაფის ისტორია». ეს ან პირადად მისი ამბავია, როცა ავტორი იჯდა ჩეკის ცნობილ სარდაფში, ნომერი 24, ან-და რომელიმე ტუსალის ნაამბობი; თუმცა უფრო საფიქრებელია, ეს პირადად მისი ამბავია.

ესკიზის შინაარსი საღაა და მარტივი: — ტუსალი გივიაშვილი ზის სარდაფში ორმოცი დღე, და ორმოცი დღე გრძელდება დაკითხვა... ავტორი ხატავს მძიმე და მკვეთრი საღებავეებით ამ ორმოცი დღის ორმოში ტყვეობის ამბავს. დაკითხვის პროცესი, მოხელეთა მოპყრობა, სარდაფის სიბინძურე, ტუსალის პიროვნული განცდები, გალუცინაცია,



ვირთვებთან ბრძოლა... სურათი ახდენს ღრმა შთაბეჭდილებას იმათზე, ვინც ასეთი რამე თავის თავზე გამოსცადა, ვინც იცის ყველა დეტალი იმ წამების, რომელიც საქართველოს ბასტილიაში ხდებოდა და ხდება.

ცხადი არის, სხვებზე ეს უფრო დიდ შთაბეჭდილებას მოახდენს, ვისაც ხსენებული კარანტინი არ გაუვლია. ეს პატარა მოთხრობა მომავალი თაობისათვის ფრიალ საინტერესო მასალა იქნება, წამებისა და სისხლიანი ორგების შესასწავლად.

ნიკო გერგესელი ფსიქოლოგიური მწერალია. იგი იძლევა ადამიანის შინაგანი ხასიათის ყალიბებს. იგი ანცალკევეს შინაგან მე-ს გარეგან მე-სგან. იგი შლის ყველა სათუთ ძაფებს ამ ასპექტში. და მიყავს მკითხველი ადამიანის გარეგნულ ორეულის პირველ დასაწყისთან — შინაგან ადამიანთან. ყველა ნორმალური ადამიანი ნილაბით გვევლინება. სხვა სახე ისტორიამ არ იცის. ამიტომ, რომ ადამიანის შინაგანი მეობა ყოველთვის უფრო საინტერესოა... შინაგანი მეობა, სადაც ყველაფერი ხალასია და ნაღდი, ნათელი და მართალი.

მხოლოდ დიდ ფსიქოლოგს და მხატვარს შეუძლია მისწვდეს მას, რასაც ყველა ვერ ხედავს, რაც გარეშეთათვის დაფარულია და გამოიტანოს მზის სინათლეზე სხვების დასანახად

ნიკო გერგესელი ამ მხრივ ჩვენს მწერლობაში ენათესავება ჯოლა ლომთათიძეს და ალ. ყაზბეგს. იგი უფრო ახლო სდგას ლომთათიძესთან შინაგან სახეთა გამოკვეთაში და ამ სახეების თავისებური იერით განათებაში.

ნიკო სწერდა სადათ, მოდერნული სტილით, მოკვეთილი წინადადებით. ხშირად იგი წინადადებას გამოსთქვამდა ერთი ან ორი სიტყვით, სადაც იჭრება აზრისა და სახის ყველა რელიეფი, სადაც განცდა დაღვედილია და შთაბეჭდილება სრული. ასე სწერდა სანდრო ცირკიძე. ასე სწერენ ნიკო ლორთქიფანიძე და გრიგოლ რობაქიძე.

მასალების უქონლობის გამო დღეს შეუძლებელია ნიკო გერგესელზე არსებითად დაიწეროს. ისტორიული უკუღმართობა და ჩვენი ეროვნული ცხოვრების ასეთი საშინელი ბედი მას ალბად კიდევ დიდხანს არქივში დამალავს. მაგრამ უძლიერესი არაა ამ ქვეყნად უმაღლესი და როცა საქართველოს მზე ოცდაექვსი მაისით გამოანათებს, იგი გადმოვა დამტვერულ არქივიდან და დადგება ჩვენი ქვეყნის ბედისათვის წამებულთა გვერდით.

შ ა ლ ვ ა ა მ ი რ ე ჯ ი ბ ი

ა ღ ა მ ი ა ნ ე ბ ი ღ ა ს ა ძ მ ე ნ ი

ეს ნარკვევი აქ განხილული საგნის ისტორია არ არის, თუმცა ისტორიულ ამბებს ეხება უა ვსცდილობდი, ყოველი მსჯელობა ისტორიულ საბუთზედ, ან ისტორიულ მოსაზრებაზედ ყოფილიყო დაფუძნებული. ამიტომ ვისაც ქართულ-რუსული ურთიერთობის რთული ისტორია ეგულისხმებოდა, მან ან საგანგებო გამოკვლევებს უნდა მიმართოს, ან ისტორიულ საბუთების პირველ წყაროებს, ჩემი ნარკვევი კი სხვანაირად გამოიყენოს.

აქ აღწერილ ისტორიულ ჩარჩოში მე მაფიქრებდა უკვე წარსული დრო, მაგრამ იმ ადამიანთა ხასიათების აღწერით, რომლებიც, ისტორიულ ბედის წერასთან ერთად, ამ ამბებში ასე დიდ მონაწილეობას იღებდნენ. ამიტომ ამ ნარკვევში ხასიათების განმარტებას უფრო მეტი ადგილი აქვს დათმობილი, ვიდრე ახალ ფაქტებს და საგნის ახალ გამოქვებას, რაიცა ახალი ნარკვევისათვის არა ნაკლებ კანონიერი იქნებოდა. რაკი ასეა, ანგარიში უნდა გაეწიოს იმ გარემოებასაც, რომ ამ გვარ მსჯელობაში, შეუძლებელია სუბიექტიური შეხედულობანიც არ ერთოს და შესაძლებელია მისი ნაკლიც სწორედ ეს იყოს. მაგრამ მე მაინცა მგონია, რომ ასეთი მეთოდი ერთად ერთია, რომ ქართული ხასიათის საკითხიც დაისვას, რომელიც, როგორც სხვა ერთა ცხოვრებაშიაც, ჩვენი ისტორიული ცხოვრების მოსაქცევზედ ასე დიდ როლს თამაშობდა.

რალა თქმა უნდა, რომ ქართული ხასიათი იმ ეპოქისა, როდესაც სამეფოს დამხობა ხდებოდა, დაკნინებული მოსჩანს. ეს უნდა ითქვას, მიუხედავად იმისა, რომ ქართული უკიდურესი პატრიოტიზმის მებუკენი და მედოლენი გაჯავრდებიან.

1799--1801 წლების ამბები ანაზღეულად არ მომხდარან და არც რუსეთი ჩარეულა ამ ამბებში, როგორც დეუს ექს მახინა, ეს ამბები თანდათან მზადდებოდნენ და რუსეთსაც ბევრი წელიწადი დასჭირდა, რომ ამ ქართული ამბების აუცილებელი ჭაზრაკი გამხდარიყო. წარმოებულ ამბების სტილი და მასშტაბი მოითხოვდა, რომ საქართველოს ძლიერი პიროვნება ჰყოლოდა და ის ყოფილიყო არა მარტო ქართველი, არამედ ქართული ვითარებიდგან გამოსულიც. მაგრამ ქართული ხასიათის დაკნინება გამოიხატა იმაში, რომ ეს ძლიერი ქართველი პიროვნება რუსული ვითარებიდგან მოვიდა. ეს იყო პავლე ციციშვილი.

მე დავხატე ფრიად მკრთალი სურათი, რომ ეს ვახტანგისეულ ემიგრაციაში დაბადებული და გარუსებული ქართველი მოკლებული არ იყო ქართულ რომანტიზმსაც. მას ჰქონდა ნათელი თავი და ამ თავით ის რუსი იყო; მაგრამ მან დაგვიტოვა თავისი, ბურუსით მოსილი სახე და ამ სახით ის ქართველი დარჩება.

მე ვიცი, რომ ასეთი დებულება კამათს გამოიწვევს. მეტყვიან, რომ იმ დროის ქართული ეროვნული გმირები სხვები იყვნენ და არა ციციშვილი და ეს ასეც არის. ქართველ ეროვნულ გმირთა პანთეონში ციციშვილი ვერასოდეს ვერ მოხვდება, მაგრამ ქართულ ხასიათების პანთეონში მისი ადგილი ძლიერთა გვერძეა. იმ ლეგენდებს, რომლებიც მის შესახებ ჩვენში არსებობენ და რომლებიც მას აქამდე რაღაც «ვანუხორციელებელ» იდეის მატარებლად გვიხატავდნენ, მე მოუძებნე ცოტაოდენი საბუთებრივი გამართლება. მომავალი ან სულ უარყოფს ამ საბუთებს ან უფრო კიდევ გააძლიერებს მათ მნიშვნელობას.

მაგრამ ამ ამბების ისე აღწერა, რომ ციციშვილის სურათიც არ მოგვეცა, ან ამ «ლეგენდებზედაც» არ შევჩერებულეიყავით, ქართული ეროვნული შემეცნებისათვის უარესი იქნებოდა. უიმისოდ ამ ამბების სურათი მთლად უფერული გამოვიდოდა.

I

მეცხრამეტე საუკუნე საქართველოს ცუდ პირობებში დაუდგა. 1800 წელს, დეკემბერში, მიიცვალა გიორგი XII. ის მოკვდა სამი წლის მეფობისა და ხანგრძლივის ავადმყოფობის შემდეგ, გარემოდებული ხატებითა და წმინდანების ნეშტებით, სამღვდლო პირთაგან და საცეცხლოურის ომებით სავსე ოთახში, მრავლის პარაკლისის შემდეგ, რომლის დროს სამოციქულოს თითონ მომაკვდავი მეფე კოთხულობდა.

მაგრამ გიორგი მოკვდა ისე, რომ ახალი მეფე ვერც ახალმა წელმა მიუღოცა საქართველოს, ვერც ახალმა საუკუნემ. მეფის ელჩები გარსევან ქავჭავაძე, ელიაზარ ფალავანიშვილი და გიორგი ავალიშვილი ამ დროს რუსეთში იყვნენ და სცდილობდნენ იმპერატორ პავლეს მეფე გიორგის, ეგრედწოდებული, «სათხოვარი პუნქტები» შეეწყარებინა. ამპუნქტების მთავარი დებულება იყო, რუსეთს საქართველო სამუდამო მფარველობაში მიეღო, სოლო საქართველოს ტახტი, აგრედვე სამუდამოდ, გიორგის ჩამომავლობის ხელში დარჩენილიყო. 1783 წლის ტრაქტატთან შედარებით, გიორგის ეს ახალი ხელშეკრულება უკან ნაბიჯი იყო და არა წინ. ამ ხელშეკრულების ძალით გიორგის და მის ჩამომავლობას (იგულისხმეთ — საქართველო!) თითქმის არაფერი რჩებოდა. უკვე ეს იყო ნიშანი, რომ ამ ხელად რუსეთს ელაპარაკებოდა საქართველო გაცილებით სუსტი, ვიდრე ირაკლის საქართველო. მაგრამ ამისი ბრალი გიორგის არ ედო და სამეფოს დაქვეითება ჯერ კიდევ ირაკლის დროს დაიწყო.



1795 წელს საქართველომ განიცადა ალა-მაჰმად-ხანის ბატონობის სული შემოსევა, რამაც ტფილისში ქვა ქვაზედაც აღარ დასტოვა. ამ შემოსევის მიზანი იყო, საქართველოს რუსეთის მეგობრობაზედ ხელი აეღო და ძველებურად პირი სპარსეთისაკენ ექნა. მაგრამ ამ «შთამაგონებელი» ზომის შთაბეჭდილება ისეთი იყო, რომ ქართველების რუსოფილური მიდრეკილება უფრო გაზარდა.

სპარსეთი მშვიდობიან ზომებსაც არ ერიდებოდა და 1799 წელს ბაბა-ხანმა, შემდეგში ფეტ-ალი შაჰმ, ირაკლის შემდეგ ტახტზედ ასულს გიორგის, განჯის, ერევანისა, შექისა და შირვანის სახანოები შეაძლია, თუ გიორგი რუსეთის მეგობრობაზედ ხელს აიღებდა. ბაბა-ხანის ასეთი წინადადება «გურჯისტანის ვალის» (საქართველოს მეფის) ტიტულის გამომთვლებას ნიშნავდა. ამ კავკასიური მუსულმანური პროვინციების ხელში ჩაგდების სურვილით, ქართლის ბაგრატიონებმა, თავის დროზედ დასავლეთის საქართველო საკუთარ ბედს მიაგდეს და პირი კასპის ზღვისაკენ ჰქნეს. ასეთს განზრახვას ხელს უწყობდა ქართლის გეოგრაფიული მდგომარეობა, რომელიც სტრატეგიულად აღმოსავლეთ კავკასიის მფლობელია. ამიტომ ძველი ტიპის ქართველ პოლიტიკოსებისათვის ბაბა-ხანის წინადადება სავეებით მისაღები იყო. ვისთვისაც რუსეთი ახალი და უცნობი ქვეყანა იყო, უპირატესობა ძველსა და «ყოველმხრივ» ნაცადს სპარსეთს უნდა ჰქონოდა. თანაც, შეჩვეული პირი სჯობიან შეუჩვეულს იხსნო. ამ თვალსაზრისს ეწლაც ისევე შეეძლო გაემარჯვნა, როგორც არა ერთხელ უწინაც. მაგრამ საქართველო განიცდიდა ისეთ წუთს, როდესაც განსაზღვრული და შესაფასებელი იყო არა მარტოდენ დღევანდელი დღის სარგებელი, არამედ მთელი ეს ძველი პოლიტიკა.

მრავალ მუსულმან ბაგრატიონ მეფეთა შემდეგ, რომლებიც ამ ტრადიციულ პოლიტიკას მისდევდნენ, გიორგი იყო ნამდვილი ბაგრატიონული კულტურის კაცი, ამ სიტყვის ქართულ-ქრისტიანულის მნიშვნელობით; სპარსეთისაკენ პირის ბრუნება, როდესაც მის წინაშე ახალი პოლიტიკური გეზის შესაძლებლობა აღიმართა, მის ამ ქართულ-ბაგრატიონულ სულისკვეთებას აღემატებოდა. გიორგის პირით ლაპარაკობდა ქართველი ერის ის ტომური სისპეტაკე, რომელსაც, მეფგრამეტე საჯკუნის მიწურულში, სპარსეთი მისის ისლამით, შეუდარებელის სუფისტურის პოეზიით და არამ-ხანულის წესწყობილებით საბოლოოდ მობეზრებული ჰყავდა. ძველი ქართველი პოლიტიკოსების თვალსაზრისს, ანუ სპარსეთთან დამოკიდებულების აუცილებლობას მაშინა ჰქონდა უპირატესობა, როდესაც ბიზანტიის დამხობის შემდეგ, საქართველო ორ დიდ მუსულმანურ სახელმწიფოს შორის მოემწყვდა და არჩევანი სპარსეთსა და ოსმალეთს შორის უნდა მოეხდინა. უპირატესობა მაშინ სპარსეთის მხარეზედ იყო. ამას ხელს უწყობდა სპარსეთის ძველი ცივილიზატორული მნიშვნელობა წინა აზიაში და საქართველოს ძველი პოლი-

ტიკური ოამოკიდებულება მასთან. მაგრამ რადგანაც საქართველოს მემორიალი მისწრაფება ისევ ქრისტიანობასთან გადაბმა იყო და არა საბოლოოდ და სამუდამოდ ისლამის ფარგალში შესვლა, სპარსეთთან დამოკიდებულობის ეს უპირატესობაც უნდა უცხად გამქრალიყო, როდესაც კავკასიის ქედთან ქრისტიანული რუსეთი აიტუნა.

გიორკიმ გადასწყვიტა ბაბა-ხანისათვის უარი შეეთვალა, და რათა ამ უარს ვადაჭრილი ხასიათი ჰქონოდა, ბაბა-ხანის დესპანს ისეთი აუდიენცია გაუმართა, როგორც სპარსეთის ელჩებს საქართველოში არასოდეს არ უნახავთ. თანხი, რომელშიაც მეფემ სპარსი დიპლომატი მიიღო, მორთული იყო იმპერატორი პავლე პირველის დიდი სურათით. მეფე ამ სურათთან იდგა. სამეფო ტახტზედ ელაგა გვირგვინი და სხვა რეგალიები და რაც უფრო დამახასიათებელი იყო ამ აუდიენციისათვის, იქავე იდგა რუსეთის მინისტრი კოვალენსკი. ამ სცენას, ასე განსაკუთრებულს დიპლომატიურ წარმომადგენლების მიღების ისტორიაში, შეუძლებელია, სპარსეთის ელჩედ დიდი შთაბეჭდილება არ მოეხდინა და მან მოითხოვა, ლაპარაკი პირისპირ ყოფილიყო და არა რუსეთის თანადასწრებით. მეფემ უპასუხა, რომ, როგორც რუსეთის მფარველობაში მყოფს, სპარსეთთან საიდუმლო არაფერი ჰქონდა. ელჩის სიტყვა, რომელშიაც სპარსული დიპლომატიის მიხედვით, მჭერმეტყველების ბევრი შადრევანი უნდა ყოფილიყო, ამის შემდეგ, დაშრა და მოკლედ მხოლოდ იმაში ლა გამოიხატა, რომ სპარსეთის შაჰ საქართველოს თავის მამა-პაპულ სამეფოდროთა სთვლიდა და მეფისაგან სრულ მორჩილებას ითხოვდა. ამ მკვახე სიტყვებმა რუსეთის ელჩის ლაპარაკში ჩარევა გამოიწიეს: — «მე მალცებს თქვენ სიტყვა», სიტყვა კოვალენსკიმ, «თითქოს სავსებით გავიწყდებათ ის მფარველობა, რომელსაც რუსეთის იმპერატორი საქართველოს უწევს»...

ცბიერებისა და თვალთმაქცობის იმ გრძელს ისტორიაში, რომელსაც, 1783 წლის აქეთ «რუსული პროტექტორატი» ერქვა, ეს სირყვები პატიოსნად პირველად იყო ნათქვამი. საქართველოში ამ დროს, მართლა, ორი რუსის პოლკი იდგა.

— მე მასხოვს ეგა, უპასუხა სპარსმა, — მაგრამ გულმოდგინება მაიძულებს მეფეს რჩევა მივსცე, ვინაიდან მოწინააღმდეგის ჯარი მის სამფლობელს უახლოვდება. —

სპარსეთის ჯარი ამ დროს ერევანის სახანოში იდგა და საქართველო დედ-დედზედ მის შემოსევას ელოდა. ამ შემოსევის მოსურნე განსაკუთრებით ალექსანდრე ბატონიშვილი იყო, რომელიც ამ ჯარში იმყოფებოდა. სპარსეთის ჯარი საქართველოში არ შემოვიდა და თავრიზს დაბრუნება ამჯობინა. მიუხედავად ამისა, საქართველოს შემოსევა მინც არ ასცდა. თავის ნაცვლად სპარსეთმა დაღესტნელი ომარ-ხანი შეკოასია საქართველოს. ლეკების შემოსევა მოგვრებულ იქნა, მაგრამ ორი



რამ გამოირკვა: — ლეკების წინააღმდეგ ქართველებთან ერთად ერთდროულად იბრძოდა, ქართველების წინააღმდეგ ლეკებთან ერთად სანდრე ბატონიშვილიც ერთია, რომელსაც მომხრეები საქართველოშიაც ჰყავდა. ქართველების ამ ჯგუფს დარეჯან დედოფალი და იმისი შვილები უდგნენ სათავეში და აშკარა სპარსოფილურ ჯგუფს წარმოადგენდა. ამ გარემოებამ გიორგის თვალში ისეთი მნიშვნელობა მიიღო, თითქოს ძმები ეცილებოდნენ არა მარტო ორიენტაციის საკითხში, არამედ ტახტსაც. გიორგის რუსოფილური მიდრეკილება ამ ამბავმა კიდევ უფრო გაზარდა და მის შემეცნებაში რუსეთმა ის გადაჭრილი და გარკვეული დანიშნულება მიიღო, როცა რუსეთს მარტო საქართველო კი არ უნდა ესწინა სპარსეთისაგან, არამედ ტახტიც — დანარჩენ ბაგრატიონებისაგან.

ასეთ ყოფაში შინ შეცდომების ჩადენა, ხოლო რუსეთის წინაშე სრული სისუსტის გამოჩენა სულ ადვილი საქმე იყო. მაგრამ ამ შეცდომებმა და სისუსტემ მოულოდნელად კატასტროფული ხასიათი მიიღო, როდესაც გიორგი ისე მიიცვალა, რომ რუსეთის მფარველობაში შესვლის საქმე დაუმთავრებელი დარჩა.

გიორგის სიკდილის შემდეგ ოფიციალური პოლიტიკა მისი ძის და ტახტის მემკვიდრის, ბატონიშვილის დავითის ხელში გადავიდა.

II

ტახტის მემკვიდრე დავითი გიორგის პირველი ცოლის ქეთევან ანდრონიკაშვილის ხელში ნაყოლი შვილი იყო და ირაკლის სახლობაში ბატონიშვილის ახალ ტიპს წარმოადგენდა. თანამედროვეთა მოწმობით, ირაკლის შვილებში და შვილიშვილებში გონებით ყველაზედ მაღლა იდგა. იყო განათლებული და სავგარეულო ტრადიცია მწერლობის სიყვარულისა მასაც მოსდევდა. იჩენდა სამხედრო ნიჭსაც, რის გამოც თავის დიდ პაპას განსაკუთრებით უყვარდა. მისი სამწერლო შრომები მოწმობენ რა რიგის საკითხებით იყო შეპყრობილი მისი გონება და რა ჩინებული ხელმწიფე უნდა დამდგარიყო. გამეფების მოლოდინში, მან შეადგინა «სამართალი», რომლის წინასიტყვაობაში სწერდა: — «შეწყენითა ღვთისათა ჩვენ საქართველოს მემკვიდრე და რუსეთის სამხედროს ღვთისაღმადგენელ-ლეიტენანტი და კავალერი მეფის ძე დავით წარმოუდგენთ ერთა ჩვენთა გონებისა ჩემისა ჰსჯასა რომლისაცა კარგიერებაი შემოიტანს შეკავშირებასა ერთასა...» მაგრამ იყო რაღაცა ცუდი მასში, ასე საერთო მეთვრამეტე საუკუნის ბევრი ქართველისათვის.


მისი აღზრდა «მაღალ-შობილ» დავით რექტორს ებარა და მარტო აღმზრდელის ბრალი არ უნდა იყოს, რომ შეგირდი ვოლტერიანელი გამოვიდა. «ცუკია ფილასოფოსმა», როგორც ეძახდნენ რექტორს, ბევრი რამ იცოდა ამ ცუდლუტი ქვეყნისა, მაგრამ რამდენად იყო თითონაც ვოლტერიანი, არ ვიცით. უნდა ვიფიქროთ, რომ ვოლტერის აზრებს

ბატონიშვილი საბოლოოდ რუსეთში ეწიარა. მიუხედავად ამისა, ბატონიშვილის ხასიათის ბევრი ნაკლი აღმზრდელის სულმა უნდა ზღოს.

დავითი ოთარ ამილახვარის ასულ ელენეზედ იყო დანიშნული. ეს ნიშნობა სიყვარულისა არ იყო და მათი დაწინდვა, იმ დროინდელის ჩვეულების მიხედვით, ჯერ კიდევ ბავშვობაში მოხდა. ამიტომ გასაკვირვებელი არ არის, რომ, რუსეთში ხანგრძლივად ყოფნის დროს, ბატონიშვილს ტატიშჩევის ასული მოეწონა და მისი შერთვა მოინდომა; მეფეს ეს ამბავი არ ესიამოვნა. რაც არ უნდა იყოს, ნიშნობის სიტყვა ამილახვართან, მემკვიდრის მაგიერ მეფეს ჰქონდა მიცემული. ამის გარდა იყო ადრევეც ერთი შემთხვევა, იმავე ამილახვარის სახლთან მომხდარი, როცა ირაკლი მეფემ თავის დას ელენეს — ამილახვარზედ გათხოვილს — ქმარზედ ხელი ააღებინა. ამ გარემოებამ მაშინ ბევრი უსიამოვნება დაბადა და გიორგის არა სურდა, რომ ასეთი რამე კვლავ გამეორებულიყო, მაგრამ ბატონიშვილი გადაჭრით უარზედ იდგა. მაშინ წინ პოლიტიკური მოსაზრება წამოსწიეს და რადგანაც მეფე გიორგი ყველაფერში რუსებზედ იყო მიხდობილი, მემკვიდრეს რუსის ქალის მოყვანის ნება დართო. მიუხედავად ამისა, დავითი პეტერბურგიდან უცოლოდ დაბრუნდა და ერთსა-და-იმავე დროს მეფეც მოიმდურა, ამილახვარიც, ტატიშჩევიც. ამილახვარის თავმოყვარეობის დასაკამყოფილებლად, დავითის დანიშნული, მის უნცროს ძმას, თეიმურაზ ბატონიშვილს შერთეს ხოლო ტახტის მემკვიდრის ტატიშჩევის ასულზედ დაქორწინების საკითხი პეტერბურგში ელჩად მყოფ გარსევან ზავჭავაძეს მიანდეს.

ამის შემდეგ დავითა ტფილისში დარჩა და ეტყობა არც ტატიშჩევის ქალის შერთვას აპირებდა. სცხოვრობდა გარეთუბანში, სადაც ახალს სასახლეს იშენებდა; იცვამდა რუსულ მუნდირს, იპარსავდა უღვაშს, სწერდა არა უნიჭო ლექსებს, ვარსიყებოდა ბაყალ ავეტიკას ქალს და თავის ვოლტერიანობას აშკარად აღიარებდა. როგორი იყო ეს ქართული ვოლტერიანობა — შესწავლილი არ არის. მაგრამ დავითი პირველი ვოლტერიანელი არ იყო საქართველოში და მახედ ადრე ამილახვარის სხვებიც იყვნენ ცნობილნი, თელავის სემინარიაში გაზრდილნი და, თითქმის განკებ, ესენიც დავით რეტორის შევირდნი.

ადილი წარმოსადგენია, რა ყოფაში უნდა ჩავდო მამა შვილის ასეთ საქციელს. გიორგის უყვარდა დავითი, სთვლიდა გონიერ ადამიანად და მძიმავალ მეფედ, მისი საქციელი კი ასე არ შეეფერებოდა ტახტის მემკვიდრის დანიშნულებას. ერთხელ ვეღარ მოითმინა, შვილს სახლში მიეჭრა და კედელზედ ჩამოკიდებული ვოლტერის სურათი ბუხარში შეუგდო. მეფემ შვილს პატრი ნიკოლა მიუგზავნა, რომ დაჯიბოს ურჯულეობაზედ ხელი აეღო. გულმოსულმა დავითმა ელიაზარ ფალავანიშვილის პირით შეუთქალა: — რაც შენა გწამს, ის მე გაიმიწყრეს; რაც მე მწამს — ის შენა! და ამის შემდეგ, მამა-შვილს შორის უნძარახობა



ჩამოვარდა; მემკვიდრე ავადმყოფ მეფეს აღარ ნახულობდა და მის ადსა-სრულში დარწმუნებული, სამეფოდ ემზადებოდა. მაგრამ რაც უფრო მეტი დეგ მან ჩაიდინა, ამან მთელი საქართველო განაცვიფრა და მისი აღმზარდელი დავით რექტორიც კი ძრწოლაში ჩააგდო. ამდენ მეფეთა ჩამომავალმა, და ხვალის მეფემ ცოლად ტფილისელი სომხის ვაჟის სიმონ ალა მელიქის ქალი შეირთო, რომელიც ქართულსაც კი მოქცეულის ცილოთი ლაპარაკობდა. ბაგრატიონთა სახლის სირცხვილის დასაფარავად, შეძრწუნებულმა მეფემ თავის მძახალს თავადობა მიუბოძა, მისი ასული და თავისი რძალი ხამფერვანი კი მართლმადიდებელთა წესით ელენედ მონათლა და ნათლიადაც თითონ იყო.

იყო ესეც ვოლტერბანობის ბრალი? დემერტმა უწყის!.. ამბობენ, ვითომც ტახტის მემკვიდრე ქართველ--სომეხთა გაერთიანებაზედ ოცნებობდაო. მაგრამ რა მოსახრებაც არ უნდა სდებოდა სარჩულად ამ ქორწინებას, არჩევანი შეუსაბამო იყო და ამაში თითონ დავითიც მალე დარწმუნდა. წელიწადიც არ გასულა, რომ ტახტის მემკვიდრე უკვე ცოლთან გაყრანედ ფიქრობდა. მაგრამ გამოირკვა, რომ გაყრის საკითხი სხვა მეორე და უფრო დიდ საკითხთან იყო დაკავშირებული. ამ შეუსაბამო ქორწინების განმავლობაში, საქართველოში ისეთი არეული ვითარება შეიქმნა, როცა ამ განქორწინების აუცილებელ პირობად ან დავითის საქართველოს ტახტზე ასვლა იყო საჭირო, ან სულ უმცირესი, — რომ ქართული დივანტერიის ადგილი რუსულ სინოდს არ დაეჭირა. დავით ბატონიშვილი, რომელსაც ტახტზე ასვლის სხვა უფრო დიდი საბაბი ჰქონდა, ვიდრე სიმონ ალას ასულთან გაყრა, განქორწინებას შემდეგშიაც ვერ ეღიბსა და გიორგის სიკვდილმა ასეთს ყოფაში მოუხსრო.

დავითი ამ დროს ოცდაათის წლისა იყო. ბედმა იწება და დავითი საქართველოს მეფედ ვერ გახდა. მაგრამ ქვეითა ვნახავთ, რომ ამისი ბრალი თითონ დავითსაც მიუძღოდა.

ყოველ ქამსა და მეტადრე სუსტობის ხანაში, ბაგრატიონები გარკვეულ პოლიტიკურ ტრადიციებს მისდევდნენ. ეს ტრადიციები ისტორიულად წარმოშობილი და საქმიოდაც ნაცადი იყვნენ. ტახტზედ ასვლის აქტს ამათში მთავარი ადგილი ეჭირა. ჯერ ტახტზედ ასვლა და მეფედ თვით-დადგინება და მერმე ინვესტიტურის გამოთხოვა, თუ საქართველო რომელიმე გარეშე ძალას ექვემდებარებოდა, — აი რა იყო ბაგრატიონთა დინასტიური პოლიტიკის ნიშანდობლივი თვისება. ამ თვით-დადგინების აქტით, ბაგრატიონები ყველას აშკარად ეუბნებოდნენ, რომ ბაგრატიონთა უფლება საქართველოს ტახტისა, შეუჩერებელი და უცვალებელი უფლება იყო, კანონიერი შიგნით — საქართველოში და სავალდებულო იმ გარეშე ძალისათვისაც, რომელთანაც საქართველო რაიმე ქვემდებარებაში იყო.

ინვესტიტურა, რომელსაც დავითმა დაუწყო ლოდინი და მანამდე თავი მეფედ არ გამოაცხადა, პირველად არ მოდიოდა გარედან გრძელი ისტორია ჰქონდა. მას გზავნიდა ბაზანტია, მას გზავნიდა სპარსეთი, დღეს რუსეთიდან უნდა მოსულიყო. ამ ინვესტიტურის მიღებაში ბაგრატიონები ფრიად დახელოვნებული იყვნენ. ეს საკითხი გიორგი მეთორმეტემ ბრწყინვალედ ჩაატარა, როდესაც ჯერ თავი მეფედ გამოაცხადა, მერმე ისე შეუდგა რუსეთთან ინვესტიტურაზედ ლაპარაკს. დავითმა სწორედ ამ ბაგრატიონულ ტრადიციას უღალატა. ჩვეულებრივის სკეპტიციზმით დავითმა იანგარიშა, რომ რუსებისათვის მისი ტახტზე აყვანა უფრო ადვილი იქნებოდა, ვიდრე ტახტიდგან ჩამოგდება და დინასტიის ბედიც ამ მცდარმა ანგარიშმა გადასწყვიტა.

თუ კი საქართველოს უბრალო ექვი მაინც ჰქონდა, რომ ქართველების ნდობას, რუსები, ერთ მშვენიერ დღეს, მზაკრულად გამოიყენებდნენ, ყველაზედ ადრე იმანედ უნდა ეფიქრათ. რომ რუსეთი ამას სწორედ მაშინ ჩაიდენდა, თუ რაიმე მცდარის ნაბიჯით, საქართველოს ტახტი, თუნდა მცირე ხნითაც, თავისით დარჩებოდა უმეფოდ. ერთის მხრით გიორგის სიკვდილმა და მეორეს მხრით იმან, რომ დავითმა დაუყონებლივ თავი მეფედ არ გამოაცხადა, სწორედ ეს გარემოება შეჰქმნა. როდესაც რუსეთმა დაინახა, რომ დავითმა თავისით დასტოვა ტახტი ცარიელი, მას მხოლოდ მცირე ღონისძიება-ლა დასჭირდა, რომ თავისი განზრახვა სისრულეში მოეყვანა. ისტორიაში იშვიათია ისეთი მაგალითი, რომ კეთილ საბაბს და «მოწყალე ხელს» ასე უსინდისოდ ჩამოეთრიოს დინასტია ტახტიდგან, როგორც რუსეთმა საქართველოში ჩაიდინა.

მაგრამ დავითის შეცდომას რომ აზრი ავართვათ, საქიროა თვალი იმ პირებსაც გადაეწიოს, რომლებიც მოწოდებულნი იყვნენ ამ ამბებში თავისი წვლილიც შეეტანათ.

III

ამბობენ, რომ ყველაზედ ჭკვიანი ქართველი იმ დროს, სოლომონ ლეონიძე იყო. მაგრამ ჯერი იქნება ვიკითხოთ: — ვინაიდან თავი და თავი ჭკვიანი ქართველი ამ ამბებში მაინც არა სჩანს.

საქართველოს ამ საბედისწერო უამს არც ჭკუა ეყო ვისმეს, არც მოხერხება, ბატანიშვილი მცხეთაში აეყვანათ და იქ მეფედ გამოეცხადებინათ. ბოლოს და ბოლოს, გამბედავი ხალხი იულონ ბატანიშვილის და სხვა პრეტენდენტების ბანაკში უფრო მეტი იყო, რომლებიც აგრეთვე დაქსაქსულად მოქმედებდნენ, ვიდრე ქართველ ლეგიტიმისტების წრეში. საქმეზედ ფიქრობდა და საქმეს აკეთებდა ისეთი ხალხი, რომელსაც ფართო შეხედულება აკლდა, რომ გამოსავალი საქიროების-და მიხედვით მოეხაზა. ტრადიცია და ხსოვნა იმისა, თუ როგორ იქმნებოდა საქართველო, ან როგორ გამოდიოდა ისტორიული გასაქიროდან, აღარავის

ჰქონდა. პირი არ უჩნდა იმ «ერთს», რომელიც საქმეს ყველას მაგივრად მოისაზრებდა და იყენებდა მხოლოდ «მრავალნი», რომლებიც ისევე იტყობნენ ტიონებს შესცქეროდნენ პირში. საუკეთესო ქართველებად ესენი ითვლებოდნენ. მაგრამ სწორედ ამ საუკეთესოებს აკლდათ იმისი შეგნება, რომ გასაქირში თითონ ეს ბაგრატიონები იყვნენ და საქირთ ვიღაცა სხვა იყო, რომელიც საქმეს ბაგრატიონების მაგივრად და ბაგრატიონების გულისათვის გააკეთებდა. ასე მოიქცა ოდესღაც იოანე მარუშიძე, როდესაც ბაგრატი მესამე ტახტზედ დასვა. მაგრამ ასეთი არ იყო სოლომონ ლეონიძე.

მეთვრამეტე საუკუნის საქართველოს ყოფა-ცხოვრებისათვის, მისი გამომავლილი მჯღის ცემისა და ერთხელ და სამუდამოდ ფეოდალურ ჩამომავლობაზედ დამყარებულ წესებისათვის — ლეონიდის კარიერა იშვიათსა და თვალსაჩინო შემთხვევას წარმოადგენს. ლეონიძე რომ უფროსი პირი იქნება არ იყო, იქიდანაცა სჩანს, რომ დიმიტრი ორბელიანის ახალგაზნა მეჯინიბე მეფე ირაკლის მდივან-ბეგი გახდა. მისი ხსენება მრავალის სახელწოდებით არის შემკული და ხან «კანცლერს» უწოდებდნენ, ხან «მსაჯულს», ხან «ქველს». ამ სახელებს ლეონიძე სიცოცხლეშივე ატარებდა და მოგონილი აქ არაფერია, მაგრამ ამ სახელებს რომ ზერეფე პრანჭიობაც ახლავს, რაც იმ ნოვატორული სულის დამახასიათებელია, რომლითაც გაქვნილი იყო ირაკლის უკანასკნელი ხანა, არც ამისი ეჭვი უნდა გვქონდეს.

თქმაც არ უნდა, რომ ლეონიძე საქართველოს პატრიოტი იყო. მაგრამ ის არ იყო «ქართველთა ფაბრიციუსი», როგორც უწოდებს პლატონ იოსელიანი. ლეონიდის ყველაზედ დიდი ნაკლი იქნება ის იყო, რომ ხმლის კაცი არა ყოფილა, რასაც მაშინ დიდი მნიშვნელობა ჰქონდა. სახელი და კარიერა მან ირაკლის დივან-ხანაში გაიკეთა. ირაკლის სამეფოს ამ უმაღლესმა სახელმწიფო დაწესებულებამ ორმოც წელიწადზედ მეტი იარსება და ქართველი ხელისუფალის საკმაოდ გარკვეული სახე შეჰქმნა. იქ იჯდა ნაირი ხალხი და ისეთიც, რომელსაც შემდეგში დავით ბატონიშვილი «დურაკებსა» და «პლუტებს» უძახდა. დავით ბატონიშვილის ეს «ახალი» სიტყვები დივანხანის ძველ ქართულ შინაარს ოტის ოდენადაც ვერა სცვლიან და ახალი მასში მხოლოდ ის უშველებელი საათი იყო, რომელზედაც, ტფილისის ალების დროს, ალა-მაჰმად-ხანს თვალი ზედ დარჩა, ბეჯითად დადიოდა, მაგრამ ახალი დრო ზანტად მოჰქონდა. რალა თქმა უნდა, რომ მისი მაღალი კარი მხოლოდ ჩამომავლობიანი დიდგვარებისათვის იყო ღია. ლეონიძე იქ «ჰკუთის-და-მიხედვით» შეიყვანეს, მაგრამ სწორედ ამან შეჰქმნა ლეონიდისათვის ის არა ხელსაყრელი გარემოება, რომ იმ დროს, როცა ამ ჰკუთას სხვები ჩამომავლობით. ტრადიციით და სხვა ამგვარი არა ტვინისმიერი თვისებებით ჩემულობდნენ, ეს თვისებები ლეონიძეს ჰკუთით უნდა დაემტკიცებინა.



ეს იყო არა თუ ძნელი, შეუძლო საქმე. უკეთეს შემთხვევაში, შედეგად რჩენილი ამას მხოლოდ ის მოჰყვა, რომ დივანხანაში, სადაც პირველი ადგილი მაინც ლაპარაკს ჰქონდა დათმობილი, ლეონიძე ჩინებული რიტორი გახდა, მაგრამ დიდებულად ვერ იქცა, თუმცა ირაკლიმ თავადობაც მიუბოძა.

ლეონიძეს რომ საქართველოს სრული გარდაქმნა სურდა, ამისი ლეგენდები დღესაც სტოცსლობენ. მაგრამ ლეონიძეს ჰქონდა ათასი გეგმა და არც ერთი საქმე. იყო ნიჭიერი, ექვს ჯარეშე, მაგრამ ჭკვიანი ზომანე, პათოსიანი უქმეში, როცა სიტყვა იყო საჭირო, და საპყარი საქმეში, როცა გარჯა უნდოდა. მსურვალე ბუნებამ და მოუხვეწარმა პლებსურმა სულმა ბევრს ფათერაკს გადაჰკიდა. იმისი შესანიშნავი «გლოვა», ირაკლის ცხედარზედ წარმოთქმული, მეფე — კანცლერის ისეთ განწყობილებას გვიხატავს, თითქოს ირაკლის მისთვის სული და გული არა შურდა. მაგრამ ეს მართალი არ არის და იყო დრო, როდესაც ირაკლის მისი დასჯა უნდოდა, რადგანაც კანცლერი მის წინააღმდეგ შეთქმულებასი გაება. თვით ეს «გლოვაც» იმდენად ირაკლის სადიდებლად არ ყოფილა წარმოთქმული, რაოდენადაც გიორგის გასაწიბილებლად. გიორგი მოუხვდა, მაგრამ, ჩვეულებრივის ტაქტით, სიტყვა მაინც უქო. მაწიბიღელი სასაცილო ყოფაში ჩავარდა. ლეონიძეს ლექსი გამოუთქვეს, რომელიც პირიდან პირში გადადიოდა:

ვინც შევაქე იგი მტრულად მომექცა,

ვინც გავკიცხე — ის მეგობრად მომექცა!

დავით ბატონიშვილს ლეონიძეც ურჩევდა, რომ რუსული ინვესტიტურისათვის არ ეცადა და დაუყონებლივ თავი მეფედ გამოეცხადებინა. ასეც თვალსაზრისი ისეთის პირისა, როგორც ლეონიძე იყო, ბუნებრივია. ლეონიძე ბევრს რამეში ბაძავდა რუსებს და კანცლერის ტიტულსაც უფრო მათის წაბაძვით ატარებდა, ვიდრე სხვა რაიმე ქართულის მოსაზრებით, მაგრამ რუსები მაინც არ უყვარდა. მას აწერდნენ იმ მწარე ეპიგრამას, რომელიც იმ ხანებში რუსების შესახებ საქართველოში იყო გავრცელებული. ამიტომ საკვირველი არ არის, რომ სხვაზედ უფრო ადრე სწორედ ლეონიძეს ჰქონდა წარმოდგენილი, რომ ქართველების თამაში რუსეთთან, ერთ მშვენიერ დღეს, შესაძლებელია ცუდათ დამთავრებულყო. ძველის ქართულის გზით სვლა და დავითის დაუყონებლივ მეფედ გამოცხადება, ამისი გარანტია უნდა ყოფილიყო. მაგრამ ლეონიძის ეს რჩევები მარტოდენ გრძელსა და პათეტურის სიტყვებისაგან შესდგებოდა. დავითის უმოქმედობა რიტორ ლეონიძეში სიანჩსლეს უფრო იწვევდა, ვიდრე თაოსნობის გრძნობას და სიტყვების კარიანტელში, თვით ლეონიძემაც ვეღარ შეამჩნია, როგორ იქცა დავითის მოსარჩლის მაგიერ, მის აშკარა მძაგებლად. ბატონიშვილმა, რომელსაც ლეონიძესთან კარგი განწყობილება არასოდეს არა ჰქონია, ლაპარაკით



გაბრუებული რიტორი საპატიმროში გაგზავნა. ტახტის მემკვიდრის საქციელის გამართლება შეუძლებელია და იგი ფსიქოლოგიურად უნდა აიხსნება. შეურაცყოფილი ლეონიძე საპატიმროშიაც არა სცხრებოდა და იძახდა: — «დაითმა დაღუპა მეფობა, დაამდაბლა თავი თვისი და ერი თვისი»-ო. დავითი დაიყოლიეს, რომ ლეონიძის დაპატიმრება ასეთ პირობებში შეუსაბამოება იყო და რიტორი საპატიმროდგან გამოუშვეს. მაგრამ ბრძოლისათვის ლეონიძე ამიერიდგან უკვე მკვდარი იყო.

ლეონიძის სისუსტე გამოიხატა არა მარტო იმ ამბავში, რომ ბატონიშვილი ვერ დაიყოლია, არამედ იმაშიაც, რომ მან ვერ შემოიკრიბა ვერაფერს, მიუხედავად იმისა, რომ ხალხში სახელი ჰქონდა. ხალხი, რომელსაც «რუსობა» არ უნდოდა, რომელიც ყველას დაძახებანდ გამოდიოდა და რომლის შესახებ თითონ რუსები მოახსენებდნენ თავის მთავრობას: — «საკმაოა ბაგრატიონი სადმე გამოჩნდეს, რომ ხალხი რუსეთის წინააღმდეგ აჯანყდეს»-ო, — უმეთაუროდ დარჩა. ლეონიძეს მართლა შეეძლო ქართული საქმის გაკეთება, ის რომ ხალხში გახიზნულიყო, ბაგრატიონების სახელით ქართველი ერი თავის გარშემო შენაგებებდა და დავით ბატონიშვილი ძალით აეყვანა სამეფო ტახტზედ. ძველი ქართველები ამას ხმლის საშუალებით აღწევდნენ. მაგრამ დივანხანის პაექრობაში გამოზრდილ ლეონიძეს, როგორც ითქვა, სწორედ ეს აკლდა.

IV

მეორე მაგალითს იმისას, მაგრამ სრულიად საწინააღმდეგოს, რომ ბოლომდე დაცული ქართული თვალსაზრისი იმ ხანებში არავის ჰქონდა, სწორედ ხმლის კაცის საქციელი წარმოადგენს. ტახტის მემკვიდრეს სარდალი იოანე ორბელიანიც ურჩევდა, რომ თავი დაუყონებლივ მეფედ გამოეცხადებინა. ის იყო ასპინძის გმირის დავით სარდალის შვილი და ტახტის მემკვიდრის დისწული. ორბელიანი იმასაც უმტკიცებდა ბატონიშვილს, რომ თუ რუსები ამის წინააღმდეგი გახდებოდნენ, მათი საქართველოდან გარეკა ადვილი იყო. ეს დასაჯერებელია, რადგანაც ამას ამბობდა კაცი, რომელმაც თავისი საქმე კარგად იცოდა. მაგრამ ქართული აზრის უცნაური აბერაციის გამო, ტახტის მემკვიდრემ ეს ამბავი რუსის ჯარის გენერალს გადასცა. რუსებმა ორბელიანი მოიხმეს და საქმე ჰკითხეს.

— «მე მოვიქეცი როგორც ტახტის მემკვიდრის ერდგული, ხოლო თუ ეს მისთვის სათნო არ არის, ამიერიდგან მე მხოლოდ რუსეთის იმპერატორის ერდგული ვარ და ამას ველარავინ გადამათქმევენებსო», უთხრა სარდალმა. —

რუსებმა ორბელიანს ხელი არ ახლეს. ეს პასუხი დიპლომატიის ნიმუშად ჩაითვლებოდა, ორბელიანს რომ ამის შემდეგ რუსები მართლა გაერეკა, ტახტის მემკვიდრე მცხეთაში მეფედ გამოეცხადებინა

და საქართველოს მეფისათვის ინვესტიტურა ქართველი ერის სახელით მიეცა. მაგრამ სარდალი პატიოსანი გამოდგა და რუსებს სიტყვა არ გაუტეხა. ამ დღიდან იგი იმ «ორმოცი კაცის» დასში ჩაეწერა, რომელიც კონსტანტინე მუხრან ბატონის გარშემო იკრებდა თავს და საჯაროდ ამბობდა: — არ გვინდა დავითი მეფედ, აღარ გვინდა მეფობა, საქართველო რუსეთმა წაიღოსო. —


ამრიგად, ორბელიანი რუსეთის საყვედურს გადურჩა. მაგრამ უსიამოვნობა სხვა მხრიდან შეხვდა. რუსებმა ორბელიანი თავისი ქართული ჯარით სპარსეთის წინააღმდეგ გაგზავნეს. ქართველებს ბედმა არ გაუღიმა და ერთიანად სპარსელებს ტყვედ ჩაუვარდნენ. ბაბახანმა რომ გაიგო, რომ ტყვეთა შორის საქართველოს სარდალიც იმყოფებოდა, ორბელიანის ნახვა პირადად ისურვა. ორბელიანი შაჰთან რუსულის ორდენით შევიდა. ბაბახანმა მრისხანება ვეღარ შეიკავა, სარდალს მკერდიდან რუსული ორდენი ააგლიჯა და უთხრა: —

«ამისათვის გაჰყიდე შენი მეფე და ქვეყანა»-ო!

შაჰს ორბელიანი მძიმე ხუნდებ-გაყრილი დიდ ხანს ბნელაში ყავდა გამომწყვდეული და რუსებს ბევრი ღონისძიება დასჭირდათ, რომ ტყვეობიდან ეხსნათ.

თუ ორბელიანის მაგალითი კერძო პირის საცხელზე გვითითებს, ამ ხანის ისტორია სავესა ამბებით, რომლებიც ფართო წრეების გზააბნეულობასაც სავესებით გვიხატავენ. შესდგა ახალი დასი, რომელსაც დღევალდ ბრათაშვილი და სხვანი მეთაურობდნენ და ხალხში მოწოდებას ავრცელებდნენ: — არ გვინდა რუსობა, აღარც ბაგრატიონები, საქართველო რესპუბლიკად უნდა მოეწყოსო!

თქმა იმისი, რომ ამ დასს ბევრი მიმდევარი ჰყავდა, ან ქართველ ხალხს მართლა რესპუბლიკა სურდა, ნამდვილს ვითარებას არანაირად არ შეესაბამება. სამაგიეროდ, ასეთი აზრის ქადაგება მჭერმეტყველურად ახასიათებს თვით ამ დასის მეთაურებს, რომელთაც შეგნებულნი არა ქონდათ, თუ რავგარი ხასიათის ამბები სდებოდნენ საქართველოში. მათ არ ესმოდათ ის მარტივი ჭეშმარიტება, რომ ქართველი ერის წინაშე იმ წუთში სწორედ ბაგრატიონების საკითხი იდგა. საქართველო შეინარჩუნებდა დამოუკიდებლობის ნასახს, თუ შეინარჩუნებდა ბაგრატიონებსაც, თუ არა — იძირებოდა. შეირყა დინასტია, რომელიც თერთმეტი საუკუნის განმავლობაში, მაშინაც, როდესაც ბაგრატიონები საქართველოს სრული სუვერენები იყვნენ, და მაშინაც, როდესაც ეს სუვერენობა გარედგან იყო შეზღუდული, ქართველი ერის დამოუკიდებლობის სიმბოლონი იყვნენ. არასოდეს საქართველოს ბედი ბაგრატიონთა პორფირში ისე არა ყოფილა გახვეული, როგორც ეხლა და ვინც ამ პორფირს გადაგდებას უპირებდა, ის საქართველოს დამოუკიდებლობასაც თან აყოლებდა. აი, ეს არ ესმოდათ მაშინდელ რესპუბლიკელებს.



მაგრამ ქართველ რესპუბლიკელების ქადაგებაში, დავით ბატონიშვილისათვის სხვა რამეც იყო საწყენი. ეს დასი შესდგებოდა იმ ახალი ფორმაციის ქართველებისაგან, რომელთაც ცოტა რამ საფრანგეთის რევოლუციიდან ჰქონდათ გაგებული, ცოტა რამ ვოლტერზე და განათლებითა და ჩამომავლობით ბატონიშვილის ახლა წრე უნდა ყოფილიყო. დავით ბატონიშვილის მცინავე ბედის ნიშნისგება ამაშიც გამოჩნდა. გამოდიოდა არა ისე, როგორც შვილი უთვლიდა ერთხელ მამას: — რაც შენ გწამს, ის მე გამიწყრეს; რაც მე მე მწამს, ის შენო! — მას უწყობოდა საკუთარი საწამებელიც... ვოლტერი; ვის გამო თავის მამას ასე აჯავრებდა, ეს ვოლტერიც მისი წინააღმდეგი იყო.

მაშინდელი ქართული აზრის უმტკიცობას მართა ეს მაგალითები ვერ ათავენ და სურათის დასამთავრებლად ისიც უნდა ითქვას, რომ აზრის სიმტკიცე და მოქმედების მთლიანობა არ არსებობდა თვით ბატონიშვილთან შორისაც. იულონმა ქართლში გამოაცხადა თავი მეფედ, ვახტანგმა არაგვი დაიქორა, ფარნაოზმა სურამი და მირიანმა მარტყოფი. გარეგნულად ეს ბატონიშვილები ერთი ბანაკის ხალხად ითვლებოდა, ჰქონდათ კავშირი სპარსეთთან, მაგრამ ფარნაოზიც ისე უწოდებდა თავის თავს მეფეს, როგორც იულონი, ხოლო თავისთვის სურდა საქართველოს ტახტი, სპარსეთის ჯარებში მყოფ ალექსანდრე ბატონიშვილს, თუ თავისი უმფროსი ძმის იულონისათვის — ესეც გამოუცნობია.

საქართველო ისე კეთილსინდისიერად იქნა ჩამორიგებული პრეტენდენტებსა, რუსოფილებსა, სპარსოფილებსა, რესპუბლიკელებსა და სხვა დასებს შორის, რომ მისი ტახტის კანონიერ მეკვიდრეს პარტიაც აღარ ერგო. გამარლდნენ ბატონიშვილები გერბზედ ამოჭრილი სიტყვები: — «და განიყოფდეს სამოსელსა მისსა, და განიგდებდენ მას ზედა წილსა»

ამიტომ დავითის ხშირად შეუწყნარებელი საქციელი იმდენად უგუნურებისა და შეუსმენლობის ბრალი არ იყო, რადგან იმ მწარე რწმენის დასვენა, რომ დაყრდნობა ამნაირად დაქსაქსულ შინაურ ძალებზედ ძნელი-ლა იყო. ერთად ერთი ძალა, რომელიც ასე საფუძვლიანად იყო საქართველოს შინაურ საქმეებში ჩარეული და რომელსაც მოქმედება შეეძლო, რუსეთი იყო. დავითს ან ისევე ეს რუსეთი გახდიდა მეფედ, რაიცა მას ვალდებულებისა-და- მიხედვით უნდა ჩაედინა (1783 წ. ტრაქტატი და სხვა ხელშეკრულებანი), ან ლეონიძე და ორბელიანი დავითს მეფედ ვერ გახდიდნენ.


V

ასეთი იყო ვითარება, როდესაც პეტერბურგიდან ელჩები: ფალავანდიშვილი და ავალიშვილი ჩამოვიდნენ და თან პავლე პირველის მიერ ხელმოწერილი აქტები ჩამოიტანეს. ამ აქტების მიხედვით, საქართველო რუსეთის «ქვეშევრდომი» ხდებოდა, ხოლო მის მმართველად

გიორგი მეფე და მისი ჩამომავლობა ცხადდებოდა. გიორგი მეფე ცდილობდა ხალი აღარ იყო და დაბრკოლება იმ გარემოებას შეეძლო შეექმნა, რომ არც დავითი იყო გამოცხადებული მეფედ. მიუხედავად ამისა, ფალავანდიშვილმა და ავალიშვილმა ხელშეკრულების აქტები ზეიმიით დავით ბატონიშვილს ჩააბარეს, გიორგი ავალიშვილმა კი რუსეთის წარმომადგენლებს, კოვალენსკის და გენერალ ლაზარევს; ისიც განუმარტა, რომ ხელშეკრულებიდან გამომდინარე აზრის მიხედვით, მეფე გიორგის სიკვდილის შემდეგ, საქართველოს გამგედ ბატონიშვილი დავითი უნდა ყოფილიყო.

დავითმა ეხლა კი მხნედ მოჰკიდა ხელი საქმეს. მან გამოსცა მანიფესტი, სადაც ამბობდა, რომ «მიიღო უმაღლესი ბრძანება დღესასწაულობით მიუახლოვდეს საქართველოს ტახტს, შემკვიდრებოთ მმართველის სახელწოდებით». მაგრამ საქართველო--რუსეთის ხელშეკრულების ამ ახალ «ფარიატს», ძველთან შედარებით, ერთი არსებითი განსხვავება ჰქონდა. ამ «მმართველს» ხელისუფლების მონაწილედ საქართველოში დაბანაკებული რუსის ჯარის უმფროსი უნდა ჰყოლოდა. თუ მოვიგონებთ, რომ მეფის გიორგის დროს რუსეთის მხოლოდ რეზიდენტი ჰყავდა საქართველოში და არა მეფის უფლების მონაწილე რუსის გენერალი, ცხადი გახდება, რა ცილილება განიცადა ქართველ--რუსთა დიპლომატიურმა მოლაპარაკებამ და როგორ დაკნინდა ამ მოლაპარაკების მსულებლობაში საქართველოს მეფის უფლება. პავლე პირველის მანიფესტი საქართველოს მმართველ ბაგრატიონს თითქმის მართოდ გენერალ გუბერნატორის უფლებას უტოლებდა, მაგრამ მეფის ტიტულით. ასეთი შეთავსება მეფის ტიტულისა და გენერალ გუბერნატორის თანამდებობისა, ანუ, უკეთ რომ ითქვას, ასეთი განგვირგვინება მეფისა — გენერალ გუბერნატორის სადღევრძელოდ, უცნაურად აღარ გვეჩვენება, თუ მოვიგონებთ, რა ხალისით შეუდგა პავლე პირველი მფარველობით ზრუნვას, თითონ მიეღო საქართველოს მეფის ტიტული. მზადდებოდა დიდი ცერემონიალი, რომლის დროს, თავის გაოცებულ ქვეშევრდომებს, იმ პერატორი, ბაგრატიონთა ძველ სამეფო შესამოსელში უნდა სჩვენებოდა, რომელიც ამ უკანასკნელებს ბიზანტიის კეისართაგან ჰქონდა გადამოდებული. საქართველოს მეფეთა ზურგიდან ამ «ტყავის» გაძრობას, ამ რიგად, ვერაწოდებულ «მესამე რომის» პრობლემასთან ქონდა კავშირი. ამიტომ მმართველის უფლებისა, გენერალ გუბერნატორის თანამდებობისა და მეფის ტიტულის ეს უცნაური არევა, არსებითად, ის ნაქარევად გამოქრილი და, რა თქმა უნდა, ტანზედაც მოურგები სამოსი იყო, რომელსაც რომანოვები ბაგრატიონებს სანაცვლოდ აძლევდნენ.

ესმოდათ თუ არა საქართველოში ამ გახდაჩაცმის ნამდვილი შინაარსი, მნიშვნელოვანი არ არის. პირიქით, ისტორიული სტილი ამ ქართულ-რუსული დაახლოვებისა სწორედ ის იყო, რომ ხელშეკრულების



სარგებლიანობა საქართველოსაც ისე თავისებურად ესმოდა, როგორც რუსეთს. წმინდა ქართულ ვითარებათა გამო, მნიშვნელობა უნდა ჰქონოდა იმას, რომ დავითმა ინვესტიტურა მიიღო და მმართველად გახდომის უფლება მოიპოვა. სპარსეთის შესაჩერებლად და შინ პრერენდენტებისა და ურჩთა ასალაგმავად, ამ თავად, ესეც საკმაო იყო, ხოლო რას ნიშნავდა მმართველის უფლება, გენერალ გუბერნატორის თანამდებობა და მეფის ტიტული — ამაზედ ლაპარაკი მერცე შეიძლებოდა. ასე იდგა ხოლმე ეს საკითხი, თუ მუდამ არა, ხშირად მაინც, როცა ეს ინვესტიტურა სპარსეთიდან მოდიოდა და სხვა და სხვა სპარსული ტიტულის მატარებელი ბაგრატიონები საქართველოს მეფობას მაინც ახერხებდნენ. დავითს შეეძლო ეფიქრა, რომ მისმა შეხედულებამ გაიმარჯვა და რუსეთმა სიტყვა შეასრულა. ამიტომ ელჩები ისევ უკან პეტერბურგში გააბრუნა. ეს ამბავი ერთხელ კიდევ გვიდასტურებს იმას, თუ რამდენს დადიოდნენ ქართველები რუსეთში და რა ცოტას აკეთებდნენ საქართველოში.

მაგრამ, მოხდა ერთი გარემოება, რამაც საქმე სულ სხვანაირად შეატრიალა. როგორც ამბობს ზურაბ ავალიშვილი თავის ცნობილ წიგნში, ვიდრე გიორგის ელჩები ტფილისში ჩამოვიდოდნენ მიიცვალა გიორგი მეფე, ხოლო ვიდრე დავითის ელჩები პეტერბურგში ჩავიდოდნენ — მიიცვალა იმპერატორი პავლე. ესე იგი მიიცვალა მეფე გიორგი, თორემ იმპერატორი პავლე მოჰკლეს და ყველა მისმა პროექტმა ჩაილულის წყალი დალია. ახალმა იმპერატორმა და ახალმა პირებმა, რომლებიც რუსეთს სათავეში ჩაუდგნენ, საქმეს სხვანაირად შეხედეს და დავითის შეკვეცილი უფლებაც გააუქმეს, რომელსაც პავლე სცნობდა.

საქართველო უნდა დაღუპულიყო, რადგანაც ამიერიდან მისი ბედი ისეთი პიპოკრიტის ხელში ჩავარდა, როგორიც ალექსანდრე «კურთხეული» იყო. ალექსანდრემ სულ უარი სთქვა საქართველოს საქმეებში ჩარეულიყო. მან განაცხადა, რომ საქართველოს შეერთებას გული «არ უთქვამდა». რას არ უთქვამდა გული ახალ იმპერატორს, უძველეს საქრისტიანო სამეფოს მოსპობას, თუ უძველეს დინასტიის გაუქმებას, გამოცნობა სახარბიელო აღარ არის, რადგანაც, ბოლოს და ბოლოს, ორივე დიდის ეშხით ჩაიძინა, როდესაც გულის მეღანქლიამ გაუარა და მახლობლებს თავი დააჯერებინა, რომ ქართველი ერის ბედნიერება სწორედ ამას მოითხოვდა. მაგრამ იმ დროინდელი საქართველოსათვის რუსეთის იმპერატორის ამ უარს დიდი მნიშვნელობა ჰქონდა. იგი ნიშნავდა დანიშნულზედ ეკლესიაში ხელის აღებას. იმ ურთიერთობის შემდეგ, რომელიც საქართველოსა და რუსეთს შორის არსებობდა და რის გამოც საქართველომ ასე აშკარად შეაქცია თავის მეზობლებს ზურგი, რუსეთის ეს უარი ნიშნავდა არა მარტო ქართველების იმედის გაცრუებას, არამედ საქართველოს სამეფოს საერთაშორისო გაბიარებებას, და

მის შარა გზაზე დატოვებას, რის შემდეგაც სპარსეთსაცა და ოსმა-
ლეთსაც სრული უფლება ჰქონდათ ისე მოქცეოდნენ, როგორც მოეპრი-
ანებოდათ. ალექსანდრეს ეს უარი და პრანჭიობა სწორედ იყო ნაანგა-
რიშევი. ასეთის ქამანდით დაშინებული და დაჩოქებული საქართველოს
აყვანა, თანაც გარეშე ყოველივე პირობისა, უფრო ადვილი იქნებოდა.

ასეც მოხდა. შეერთების მანიფესტის ტექსტი უკვე კავკასიაში
მყოფ რუსის ჯარის უმფროსს, გენერალ კნორინგს ედო ჯიბეში და მას
განსაკუთრებული დარიგებაც ჰქონდა მიღებული თუ რა ხელსაყრელ პი-
რობებში გამოეყვეყნებინა იგი, რაცა ქართველებს პირმოთნეობის ერ-
თი მაგალითი კიდევ უჩვენეს და ნება მისცეს, რომ უმაღლეს კარზე ერ-
თი დღეუგაცია კიდევ გაეზავნათ. ამ ელჩებს დავითმა თავისი ძმა იოანე
ბატონიშვილი უთავა. იოანე ბატონიშვილმა ჯერ კიდევ «ლინიაზედ»
(ჩრდილო კავკასიაში) გაიგო, რომ საქართველოს ბედი პეტერბურგში
გადაწყვეტილი იყო და ეს ამბავი საიდუმლოდ დავითს შეატყობინა. თა-
ვისი მხრით, დავითიც აჩქარებდა იოანეს, პეტერბურგში დროზედ ჩასუ-
ლიყო და საქმე შეეტრიალებინა. მაგრამ გენერალმა კნორინგმა ეს ელ-
ჩები ჯერ კარგა ხანს «ლინიაზედ» შეაჩერა, ხოლო როცა ისინი პეტერ-
ბურგს გაისტუმრა, თითონ ტფილისში ჩამოვიდა და თავისი საიდუმლო
დავალება სისრულეში მოიყვანა.

ეს ამბავი 1801 წელს, სექტემბრის 12-ს დატრიალდა. ამ დღის
გმირი სოლომონ ლეონიძე იყო, რომელიც ისევ გამოჩნდა სცენაზედ.

ისტორიულ წუთს, როდესაც საქართველოს სამეფოს გაუქმების
მანიფესტი ცხადდებოდა, ლეონიძემ უკანასკნელი ღონე იძია და დაამ-
ტკიცა, რომ უკეთესი ქმნა მას არ შეეძლო. — როდესაც, ქართველებით
სავსე და რუსის ჯარებით გარშემორტყმულ სიონის ტაძარში, ჯერი ამ
მანიფესტის ქართულად თარგმანაზედ მიდგა, ლეონიძემ რუსებისაგან და-
ნიშნული ოფიციალი მთარგმნელები უკან დასწია და მანიფესტი ისე გა-
დაუთარგმნა ქართველებს, თითქოს რუსეთის იმპერატორი საქართვე-
ლოს მეფედ დავით ბატონიშვილს აცხადებდა.

ჩამომავლობა მუდამ ჯეროვანის გრძნობით მოიგონებს ლეონი-
ძის ამ სასოწარკვეთილ ნაბიჯს, მაგრამ მისმა ცდამ დავით ბატონიშვი-
ლი საქართველოს მეფედ ვერ აქცია.

მანიფესტის უკეთ თარგმანს რუსის სოლდათები შეუდგნენ. სი-
ონში ისინი შეიყვანეს და ერთგულების ფიცი ქართველებს ხიშტების
თანადასწრებით მიაღებინეს.

ლეონიძეს დაპატიმრება მოუნდომეს, მაგრამ მან რუსის ალყა
უფნებლად გაიარა, ტფილისის უბნებს მოედო და ხალხს აჯანყებისაკენ
უხმობდა. მისმა ცდამ უნაყოფოდ ჩაიარა; ეტყობა, ბედით არ წერებუ-
ლა, რომ საქართველო ლეონიძეს ეხსნა! მისი მემამბონე ხმა ტფილისის
ზარების რეკამ სჩანთქა, ხოლო ხალხის გულის ყური იმ პროცესიამ,



რომელიც ნიშნად «დიდის ბედნიერებისა» ქალაქის ქუჩებში დადიოდა და ვით ბატონიშვილისაგან გულნაწყენ და რუსებისაგან დევნებული ნიქის ქართლში აღარ დაედგომებოდა და იმერეთში გადავიდა, სადაც ახლა სოლომონ მეფეს აძლევდა უშედეგო რჩევებს.

ამ რიგად კნორინგმა დავითის უფლება ტახტის მემკვიდრისა და «საქართველოს მმართველისა» გაუქმებულად გამოაცხადა; «უფროსად განმტკიცებისათვის უფლებისა საერთოდ და ყველასათვის კერძოდ», კნორინგმა «საქართველოს დროებითი მმართველობა» დააწესა. მისი წევრები იყვნენ: ზაალ ბარათაშვილი, იოანე ჩოლოყაშვილი, ეგნატე თუმანიშვილი, სულხან თუმანიშვილი და ქალაქის მელიქი დარჩი ბებუთაშვილი. დავითს ამ მმართველობაში წილი არ ედო. სამაგიეროდ ალექსანდრე ნევესკის ორდენი მიიღო, რომელიც ბატონიშვილმა რუსებს უკან გაუგზავნა, იმ რუსულ მუნდირთან ერთად, რომელსაც ის ატარებდა. გენერალმა კნორინგმა ეს ამბავი დაუყოვნებლივ იმპერატორს აცნობა და დასძენდა, რომ მიზეზი დავითის მიერ რუსული მუნდირის გახდისა ის გულნაწყენობაა, რომ მეფობას ვერ მიაღწია.

ტახტის მემკვიდრეს განკითხვის დღეები დაუდგა. «ეგნატემ რა ქვეყანა უნდა მართოს?»-ო, სწერდა იგი პეტერბურგში მყოფ დავით ონიკაშვილს. ეგნატე თუმანიშვილი ჯერ კიდევ მეფე გიორგის მდივანი იყო და ტახტის მემკვიდრეზედ გაცილებით უმფროსი, რომელსაც ამ დროს ოცდაცამეტი წელი უსრულდებოდა. მაგრამ ამ ნაღვლიან დღეებში ტახტის მემკვიდრე ფიქრობდა, რომ ის იყო არა ოცდაცამეტის, არამედ ათას ორას ოცდაცამეტის წლისა — სწორედ იმდენი, რამდენსაც მეფობდა მისი გვარი საქართველოში.

«ქვეყანას ოთხი პლუტი და ერთი დურაკი მართავს!»-ო, სწერდა იგივე დავითი ბეგლარ ორბელიანს. ეს წერილი რუსებს ჩაუვარდათ ხელში. გაგება იმისი, თუ ვინ იყო ამათში პლუტი და ვინ დურაკი, რაც ბატონიშვილისათვის არსებითად სულ ერთი იყო, რუსებისათვის სახარბიელო გამოსდგა და მთელი გამოძიება დანიშნეს. თქმაც არ უნდა, რომ პლუტობა და დურაკობა, რასაც ასე უსვამდა ხაზს ბატონიშვილი, ქვეყნის მართვაში დიდი თანხი არ არის. მაგრამ ისინი არც ისე ცოტანი იყვნენ, როგორც ბატონიშვილი სწერდა და ქვეყანაც თითქოს გამართეს, მაგრამ უბაგრატიონებოდ. ესენი ის ძველი მღვიანებეგები იყვნენ, რომლებსაც მმართველობის ძველი ბაგრატიონული სისტემა მოძულებული კლანდო და ახალის «სწავლას» რუსებისაგან აპირებდნენ.

მაგრამ საქმით სხვა აღმოჩნდა. აღმოჩნდა, რომ ამ მღვიანებეგებმა ბაგრატიონებს ტყუილად უღალატეს. მათი ხსოვნისათვის გაცილებით უკეთესი იქმნებოდა, რომ ქართულ ხელისუფლებას ბაგრატიონებთან ერთად ჩამოსკლოდნენ. მალე ეს «ახალი» ხალხიც რუსებისათვის გამოუხსადეგარი გამოდგა. საჭირო იყო სხვა კაცი და სხვა მაჯა, რომელიც



ყველა იმ ნაშთს აღმოფხვრიდა, რაც ქართველებს მათს დამოუკიდებ-
ლობას და ბაგრატიონებს ავლენდა. საქართველოს იმ დროინდელი ბე-
დის უკუღმართობა იმაშიაც გამოიხატა, რომ ეს კაციც ქართველი გა-
მოდგა. ის იყო თავადი ციციშვილი.

VI



პავლე ციციშვილი ემიგრაციაში დაბადებული ქართველი იყო. ვახტანგ მეექვსეს, მრავალთა შორის, რუსეთში თავადი პაატა ციციშვილიც გაჰყვა. რუსის ჯარის კაპიტანი პაატა ციციშვილი შვედებთან ომის დროს, ვილმანსტანდომთან იქმნა მოკლული. მას დარჩა ორი ძე, რომელთაგან უმფროსი დიმიტრი, ჭკვიანი, განათლებული, მოსკოვის საზოგადოებაში მიღებული და ფრიად პატივცემული პირი იყო. დიმიტრი ციციშვილი რუსული გეოდეზიის მამამთავრად ითვლება და მასვე ეკუთვნის პირველი თხუზულება რუსულს ენაზედ «ა მეექვსეანი». განათლებული და მწერლობის მოყვარული იყო აგრეთვე მისი ძმაც და ორივეს მუიძრო კავშირი ჰქონდათ მოსკოვის ქართულ სამწერლო ჯგუფთან, რომელსაც ვახტანგ მეექვსის სიკვდილის შემდეგ, მისი შვილი ბაქარი მეთაურობდა. დიმიტრი ციციშვილს ცოლად ჰყავდა თავადის მიხეილ დავიდოვის ასული — ელიზავეტა და მათი შვილი იყო პავლე, დაბადებული 1754 წელს.

იმ დროის ჩვეულების მიხედვით პავლე ციციშვილი ბავშობიდანვე ჯარში იქმნა ჩარიცხული. სამხედრო სკოლა გამოჩენილ რუმიაწვევის ჯარებში გაიარა. ეკატერინე დიდის «პირადი სურვილით» კაპიტანი პავლე ციციშვილი გრაფის ზუბოვის ჯარში ჩაირიცხა, რომელსაც სპარსეთისაკენ უნდა გაელაშქრა. როგორც ცნობილია, ამ ლაშქრობას სახელი არაავისათვის მოუტანია და დიდი პატივი არც ციციშვილს ერგო. შაგრამ ამ «პოხოდს» მისთვის არც სულ უმნიშვნელოდ ჩაუვლია, რადგანაც ბაქოს მიდამოებში და სხვა ადგილებში ყოფნით, კავკასიას და მის საქმეებს პირველად მაშინ გაეცნო. სამხედრო კარიერა მან სხვაგან გააგეთა. პოლონეთთან ომების დროს ციციშვილი უკვე გენერალი იყო და ვილნოს რეტრანშემენტების ალებისათვის წმ. გიორგის ორდენის დიდი ჯვრით იქმნა დაჯილდოებული. ეკატერინე დიდი «თავის გენერალს» ეძახდა და ახალგაზდა მხედარს ისეთი სახელი ჰქონდა, რომ ვარშავასთან დგომის დროს შესანიშნავი სუგოროვი ჯარებისადმი საგანგებო ბრძანებას სცემდა: «იბრძოლეთ ისე, როგორც მამაცი თავადი ციციშვილი»-ო. ეს ბრწყინვალე კარიერა პავლეს ტახტზედ ასვლამ შეაჩერა. ახალმა იმპერატორმა თავისი დედის ხალხი დაირეკა და ციციშვილიც მათს რიცხვში მოჰყვა.

ციციშვილი მარტოდენ ჩხუბისთავი გენერალის ტიპი არ იყო და განათლებულ კაცად ითვლებოდა. მამის სამწერლო ნიჭი შვილსაც

გამოტყვა და მის კალამს ეკუთვნის პოტიომკინზე დაწერილი სატირა «რუსის სალდათების საუბარი აჩრდილთა სამეფოში». სამხედრო კარიერას ციციშვილი მხოლოდ პავლე პირველის სიკვდილის შემდეგ დაუბრუნდა, როდესაც ტახტზედ ალექსანდრე პირველი ავიდა და ეკატერინე დიდის «ბარტყებს» — არწივები უკვე სამარეში იყვნენ — სამოქმედო ასპარეზი ისევ გაეხსნათ.

ციციშვილს რუსები თავისად სთვლიდნენ და ეს თითქმის მართალია. მაგრამ უნდა ვიცოდეთ, რა მხრივ არის ეს მართალი. მან შესანიშნავი რუსული ეპოქა განვლო. ციციშვილი ჯერ ეკატერინე დიდის გენერალი იყო, შემდეგ ალექსანდრე პირველის. ბებია და შვილიშვილი ერთმანეთს ვერას ფერს დააყვედრებდნენ. პირველი ქმრის მკვლეელი იყო, მეორე შამისა. მაგრამ ქმრის წასრჩობა და მამის მოკვლა ნების ნაპირებზედ ისეთ საქმედ იყო მიჩნეული, რის გამო არც ცოლებს ეყინებოდათ სისხლი, არც შვილებს. ციციშვილი ამ ზნეობრივ გარემოში გამოიზარდა და ამ მხრივ, მართლა, რუსი იყო. მაგრამ ის იყო რუსი, როგორი რუსებიც იყვნენ ბაგრატიონი და ბარკლაი დე ტოლი, ჩარტორიისკი და ბენიგსენი და საზოგადოთ მთელი ის ნაირი ხალხი უცხო მოდგმისა, რომელიც, სახლში ბედ წასდენილი რუსეთში მიდიოდა, რომ კარიერა თავისი მახვილის ბოლოდგან ამოეგო. ამ გადამთიელი ხალხისათვის რუსული ზნეობრივი გარემო პირდაპირ ალებს ღამე იყო და ნაპოლეონიც ისე არ იხსენიებდა მათ, თუ არა «რენეგატობით».

პოლიტიკისა და ზნეობის იმ გარემოში, რომელშიაც თითონ რომანოვებიც ახალი «რუსები» იყვნენ, წმინდა წყლის რუსობას არც ამ ხალხისაგან ითხოვდნენ. «რუსობის» გამოსაჩინებლად ისიც კმაროდა, თუ ეს ხალხი იმ «მისისიას» გაუწედა სამსახურს, რომლის მატარებლად რომანოვებს მოჰქონდათ თავი. რამდენი მათგანი ფიქრობდა აშკარა თავ მოტყუილებით, რომ რომანოვების ტახტი მართლა რაღაც განგებას ემსახურებოდა. ამ სიცრუემ, რომლის მეოხებით იმპერია ისე სუქდებოდა როგორც ხბო იელზედ, თავის უკიდურესობას სწორედ ალექსანდრე პირველის დროს მიაღწია. იმპერატორი, რომელიც ამდენს ერს აჯდა თავზედ — «ერების მეგობრად და მათი თავისუფლების მსხნელად» იყო მონათლული. ამ სიცრუის გულისათვის ებროდა ქართველი ციციშვილი პოლონელებს, როდესაც ვილნოს რეტრანშემენტებს იღებდა და ეტყობა, ამავე სიცრუისათვის უხდიდა მადლობას პოლონელი ჩარტორიისკი, როდესაც ციციშვილს პეტერბურგიდან ბრძანებას ბრძანებაზედ უგზავნიდა როგორ «აეღო» საქართველო.

პირდაპირ გასაოცარია, როგორ უყვარდა ამ ხალხს ალექსანდრე! უფრო გასაოცარია, როგორ უყვარდა ალექსანდრე ყველას. როდესაც იგი პარიზში შედიოდა (ნაპოლეონის დასაშობად!) ფრანგის ქალები გზაზედ ფიანდახს უშლიდნენ. პრუსიის დედოფლის მარია-ლუიზას წერილები



მოწმობენ, რომ გულის იმ შეჯიბრებაში, რომელიც ამ ქალის გამო, ნა-ეროვნული პოლენსა და ალექსანდრეს შორის გაიბა, ამ მართლა ნაზი არსების სიძველეები მპატიები ალექსანდრეს მხარეზედ იყო. თვით ნაპოლეონიც კი იმ აზრისა იყო, რომ ალექსანდრეს «შესანიშნავი» სახე ჰქონდა. მაგრამ ალექსანდრეს ჰქონდა ისეთი ხასიათი, რომ როცა ამნაირი სახის ხალხი იმპერატორი არ არის, კარიერას კოლეგის ასსესორობით ათავენენ. პუშკინი სწერდა მის შესახებ: —

«პოდ აუსტერლიცემ დროქალ,
ვ დენადცატომ გოდუ ბეჟალ,
ზატო ბილ ფრუნტოვოი პროფესორ,
ნუ ფრუნტ გეროიუ ნადოელ,
ტებერ კოლეჟსკი ონ ასსესორ —
პო ჩასტი ინოსტრანნის დელ!».

ამ «საგარეო» საქმეებში საქართველოს საკითხს უკანასკნელი ადგილი არ ექირა. კაცი ვერ წარმოიდგენს იმ სიტუაციას, რომელსაც ალექსანდრე საქართველოს საქმეებში იჩენდა. იმპერატორი, რომელიც ჯერ უარზედ იდგა რომ ქართულ საქმეებში ჩარეულიყო, ფეიქარით ჩაუჯდა საქართველოს და არ იყო ისეთი წვერილმანი საქმე, რომელზედ დღეები არ ფიქრა. ყოველი ბრძანება, საქართველოში წასული, თითონ უნდა მოეწერა. ყოველი ფარატიანი იქიდგან მოსული თითონ უნდა წაეკითხა. მისი რეზოლუციები პირმოთენი არიან, მისი ბრძანებანი — აღმაშფოთებლნი. საქართველოს ის მოქეცა იმ მშდალი აჩქარებით, რომელითაც იქცევიან ქურდები, როცა სხვის ოთახში იპარებიან.

ციციშვილი ასეთი კაცის გამოგზავნილი და ნების აღმასრულებელი იყო. საქართველოში იგი 1833 წლის იანვარში ჩამოვიდა. აღსანიშნავია ერთი წერილი, საიდგანაც ვტყობილობთ, რომ ფიცხი და ლალი ბუნების ციციშვილი თავის ქართულ ჩამომავლობას არა მალავდა არა მარტო საქართველოში, სადაც ეს გარემოება მისთვის ზელსაყრელი იყო, არამედ თავისი იმპერატორის წინაშეც.

როდესაც ციციშვილი ერევანში იყო სალაშქროდ და ტფილისი იულონ ბატონიშვილის მიერ ატეხილ აჯანყების შიშს განიცდიდა, ის სწერდა ალექსანდრეს: —

«ჩემი დაბრუნების შემდეგ, ლეთის შეწენით, იმედია ყველაფერს მშეიდობაში და ძველ რიგზედ მოვიყვან, ოღონდ ჩემი თანაშემწენი არ ანგრევდნენ თვითნება განკარგულებით იმას, რასაც მე, ღვთის მადლით, ვახერხებ და რაიცა დაფუძნებულია ერის იმ ცოდნაზედ, რომელიც მამა ჩემის სახლში ბავშობიდანვე მაქვს შექმნილი»-ო.

სხვა ადგილას ციციშვილი ქართული ისტორიის ცოდნასაც იჩენს როდესაც იგი განჯას შემოადგა, ის სწერდა სახელოვან გუკუდ ზანს: —

«პირველი და მთავარი მიზეზი ჩემის აქ მოსვლისა ის არის, რომ



თამარ დედოფლის დროთგან განჯა საქართველოს ეკუთვნოდა და მისი
ლოდ ქართველ მეფეთა სისუსტემ წაჰკლიჯა იგი. რუსეთი გერმანიის
გულგრილად საქართველოს წატაცებას და არც ძალითა და უსვებით მა-
ღალ შემძლებელის და ღვთისგან მალლად აზიდულის რუსეთის იმპერიის
საკადრისია, რომ განჯა ვითარცა კერძი და ნაწილი საქართველოსი უც-
ხოთა ხელში იყოს»-ო.

როდესაც ციციშვილმა დასაღვთი საქართველო შემოიერთა,
მისი ქართულ-რუსული პათოსი უმაღლეს წერტილს აღწევდა.

«საღმთო წადილი თქვენის უდიდებულესობისა», სწერდა იგი იმ-
პერატორს, «რომ შემდგომად იმერეთის სამეფოს რუსეთის იმპერიასთ.ნ
შემოერთებისა, გადებულ ყოფილიყო კავშირი სამეგრელოს სანაპირო
სამთავროსი ტავრიდასთან, მაღლი უფალს — აღსრულდა! მეფე სოლო-
მონის ფიცი, რომელსაც უქვემორესად გაახლებთ, საწინდარია იმისი,
რომ სამეფო ესე, მაღლის განგებით, იმპერიის კუთხედ შეიქმნა და რომ
სამეფო საქართველოსი, საქართველოს მეფის ალექსანდრე პირველის მი-
ერ 1390 წელს იმერეთის სამეფოდ და სამეგრელოს სამთავროდ განყო-
ფილი, სრულიად რუსეთის იმპერატორის ალექსანდრე პირველისავე მი-
ერ საუკუნოდ გაერთიანდა».

მაგრამ ციციშვილს მარტო საქართველო არ უნდა გაეერთებინა.
მისი დანიშნულება იყო დანარჩენი კავკასიაც რუსეთისათვის შეერთები-
ნა და უნდა აღინიშნოს, რომ სასტიკ ადამიანად ეს მისია უფრო ხდიდა.
ამ დანარჩენი კავკასიის დაპყრობას ის შეუდგა ისეთის ხალისით, გატა-
ცებით და ქართული ისტორიული ჯავრის ამოყრის ისეთი სურვილით,
რომ მის ქართულ ატაკიზმში ეჭვი აღარ უნდა არსებობდეს.

ციციშვილის მიწერ მოწერა განჯის ჯეჟად-ხანთან ამისი საბუ-
თიც არის და სამხედრო პოლემიკის შეუდარებელი ნიმუშიც.

«მოვედი რა ჯარით ქალაქის ასაღებად», სწერდა იგი ჯეჟად-ხანს,
«თანამად ევროპიულის ჩვეულებისა და რჯულისა, რომელსაც ვაღია-
რებ, ვიდრე ადამიანის სისხლის ღვრას შეუდგებოდე, უნდა გამოვიცხა-
დო, რომ ქალაქი დამიცალო. თუ ხვალ შუადღემდე პასუხს არ მივიღებ
ომი გაჩაღდება. მე მოვიტან განჯასთან ცეცხლსა და მახვილს და შეი-
ცნევე, ვიცი თუ არა ქადილის გამართლება».

— მ.შინ სპარსეთის შაჰ შირას იყო და მისი დახმარების იმედი
არა გვექონდა, მაგრამ დიდება აღაპს! ესლა ახლო... მერე სად გაგონი-
ლა, რომ რუსები სჯობდნენ ვაჟკაცობით სპარსელებს?», უთვლიდა ხანი.

«მე ავიღებ ტიხეს და მიგვემ სიკვიდის!», სწერდა ციციშვილი.

— «შენ მნახავ მკვდარს ცისის გალავანზედ!», უთვლიდა ისევე
ჯეჟად-ხანი და სიტყვა ორივემ შეასრულა. ციციშვილმა განჯა აიღო,
ჯეჟად-ხანი ცისის გალავანზედ მკვდარი ნახეს.

ციციშვილმა მთელი კავკასია სამს წელიწადში დაიპყრო. მას

რომ ეს საქართველოს საწელით ჩაედინა, ის იქნებოდა ყველაზედ დიდგვაროვანი და ვითარცა ალმაშენებლის აქეთ. მაგრამ ამას რუსეთისათვის დიდოდა და მთელი რუსეთიც რაშს უკრავდა.

«დიდება ღმერთსა და დიდება შენ!», სწერდა მას ცნობილი გრაფი როსტოპჩინი.

«ვემარტად რომ სახელოვანი თავადის ციციშვილის შემდეგ მსგავსი აღარ ყოფილა. არ ვიცი, კიდევ დიდ ხანს ვერ ვიპოვოთ იმისთანას თუ არა, ჩემ თავად სინიძისის საკურთხეველის წინაშე უნდა ვთქვა, რომ მე იმას ვერ შევედრებ»-ო, სწერდა შემდეგში სახელ-განთქმული ერმოლოვი.

ალექსანდრე? ამ «შესანიშნავი» სახის კაცმა იმის მეტი ვერაფერა მოიგონა, რომ განჯის აღების გამო ციციშვილის სალდათებს თითო მანეთი უბოძა. მისი მადმურთებელი ციციშვილი ცეცხლებს ჰყრიდა და სწერდა როსტოპჩინს: «მანეთებს ვახტ-პარადებში იძლევიან, ციხის აღებაში მედალები უნდოდა»-ო.

მაგრამ ალექსანდრემ აწყენინა არა მარტო სალდათებს, თითონ ციციშვილსაც. განჯის აღებას პეტერბურგში დიდს მნიშვნელობას აწერდნენ; გრაფი როსტოპჩინი მას «აზიის გიბრალტარის» აღებას უჩახდა. ციციშვილს უფლება ჰქონდა ეფიქრა, რომ მისი თავდადება შესაფერისად იქნებოდა დაფასებული. მაგრამ იმპერატორმა ციციშვილს მხოლოდ სრული გენერლობა მიულოცა. ამის გამო იგი იმპერატორს სწერდა: —

«ათი წლის წინედ, ვილნოს რეტრანშემენტების იერიშისათვის წმ. გიორგის ორდენის შესამე ხარისხით დაჯილდოვებული, სრული დამედებული ვიყავი, რომ ამ ორდენის მეორე ხარისხი არ ამცდებოდა, მაგრამ მისი დაკლება ლაქასა სცხებს ჩემს სამსახურს, ამდენ გზას ვაბედნიერებულს თქვენის უდიდებულესობის წაქეზებით»-ო.

იმპერატორი თავის გენერალთან ამის გამო პოლემიკაში ჩაება.

«კანონიერი უფლება სამხედრო დეაწლისათვის ჯილდოს მოთხოვისა ბოდიშს ვერ მოხდის რაპორტის შეუფერებელ და კადნიერ სიტყვებსა»-ო სწერდა ალექსანდრე.

VII

ციციშვილმა საქართველოში და კავკასიაში სამი წელიწადი დაცუა და სიმამაცე და მხნეობა არ დაჰკლებია. მთავარი თავისი მოვალეობა, ბაგრატიონები საქართველოდან გაეძეებინა, მან შეასრულა ისეთი თავგამოდებით, რომელიც სხვა უკეთეს საქმედ ღირდა.

პირველი გამარჯვება მან ტახტის მემკვიდრე ბატონიშვილ დავითზედ მოიპოვა. იმ დღიდან, რა დღიდანაც რუსებმა დავითის უფლებანი გააუქმეს, იგი ტფილისს არ გასცილებია და მის მაშინდელ სულისკვეთებას ერთი იმ დროინდელი მოხსენება გვიხატავს.



1802 წელს, სექტემბრის 20-ს, რუსის მოხელე სოკოლნიკის სახელით და რუსეთის მინისტრს თავად კურაკინს:

«ამ დღეებში გავიგე სარწმუნო პირისაგან, რომ მას განზრახული აქვს ხელმწიფე თხოვნით შეაჯეროს, რომ უცხო ქვეყნებში მოგზაურობის ნება მიეცეს, მაგრამ ვაი თუ გარდა ცნობისმოყვარეობისა, ამ განზრახულებაში სხვა რამე მანვე მოსაზრებაც იღობს; რადგანაც თავის მგზავრობას ის აპირებს იმერეთიდან ნაკთადაგუჯი ფოთზე, შაკს ზღვაზედ, რომელიც გურიელის სამთავროში სდევს, ხოლო აქედგან ანატოლიის ნაპირებით, ან ზღვით — კონსტანტინეპოლისაკენ. შემდეგ ევროპის ნახვა სურს და განსაკუთრებით საფრანგეთისა. ლაპარაკში ფრიად ეტყობა ნაპოლეონით აღტაცება, ვისადმიც განსაკვიფრებელის მოწიწებით არის საყვარელი».

ვოლტერის მიმდევარი რომ ნაპოლეონით აღტაცებული იყო, საკვირველი არაფერია. მაგრამ რუსებმა მგზავრობის ნებართვა არ მისცეს, ან უკეთ რომ ითქვას, ამ მგზავრობის მარშრუტი თითონ შეუდგინეს. ციციშვილმა გადაჭრით მოსთხოვა, რომ მას საქართველო დაეტოვებინა და რუსეთში გადასახლებულიყო. ბატონიშვილმა ციციშვილს ორი წერილით უპასუხა, რომელშიც ირინია ნალველში იყო აღესილი და დანებდა.

«მოწყალეო ხელმწიფეო ჩემო!», სწერდა იგი ერთს წერილში, — «მას აქეთ ათას ორას ოცდაცამეტი წელიწადია, რაც იუსტინიანე კეისარის დროს ჩვენი გვარი საქართველოში მოვიდა და ესლა ასე განუხველად ვიდევნებთ ჩვენის მამულიდგან. ჩვენ არავის აო ვაბრალებთ ამას თუ არა ჩვენსავე უბედობას...»

მეორე წერილში იგი სწერდა:

«ნება მომეცით აგრეთვე მირმანოზ და დიმიტრი თუმანიშვილები ვიახლო თან, რომ გზა უფრო მზიარულად გავატარო. მე მიმყავს აგრეთვე ჩემი მოძღვარი ნიკიფორე, შიო მღვიმის მონასტრის ბერი, თუ თქვენი ნებაც იქნება, რასაც დიდ მოწყალებად ჩავითვლით, ვინაიდან კაცი ესე მწიგნობარია და უსაქმურობაში გულს კითხვით გადაგვიყოლებს».

ეს დიმიტრი თუმანიშვილი პოეტი იყო და ავტორი ცნობილის ლექსისა: —

ახალ აღნაგო სულა და,
ედემში აღმოსულა და,
სიცოცხლეს შენგან მოველი,
უკვდავება ხარ ცხოველი!

წიგნით ხელში მოვიდნენ ბაგრატიონები საქართველოში და წიგნით ხელში მიდიოდნენ საქართველოდგან.



ქართული
ენების
სწავლის
სამეცნიერო
ცენტრი

დავით ბატონიშვილმა ტფილისი 1803 წელს, თებერვლის დასტოვა. მასთან ერთად იმისი ბიძა, ბატონიშვილი ვახტანგ ირაკლის ძეც მიდიოდა. მცხეთაში მათ შიო მღვიმის ბერები დახვდნენ. ბატონიშვილმა ბერებს თავისი თოფი დაუტოვა და ისე გაუდგა გზას. თებერვლის დღეები არასოდეს საქართველოში კარგი არ არიან და განსაკუთრებით კარგი არ იყვნენ ისინი დავითისათვის. დავით აღმაშენებლის შტო და თამარ დედოფალის შორი შვილიშვილი საქართველოს სამუდამოდ სტოვებდა და ნაღვლიანად უნდა ეფიქრა, რომ ისტორიული ბენდი რომ მართა ჭკუაზედ იყოს დამოკიდებული — ჭკუა მასაც ჰქონდა.

ბატონიშვილის დავითის ამ «ნებაყოფლობითი» გამგზავრებას რუსებისათვის დიდი მნიშვნელობა ჰქონდა. მისის სახით საქართველოს სტოვებდა და თავის უფლებებზე ხელს იდებდა მისი კანონიერი და თვით რუსეთისაგან ტახტის მემკვიდრედ აღიარებული ბაგრატიონი, რომელსაც, როგორც ერთი მაშინდელი ქართული პეტროცია ამბობს, «ათასი მეფე» ჰყავდა წინაპრად.

გაიარა მცირე ხანმა და ციციშვილმა სხვა ბაგრატიონებიც რუსეთში გახიზნა. სპარსეთში დარჩნენ და რუსეთთან შერიგება არ ინდომეს ბატონიშვილმა ალექსანდრემ, ირაკლის ძემ და ბატონიშვილმა თეიმურაზმა, გიორგის ძემ. უბედურება მხოლოდ მარიამ დედოფლის გადასახლებაში გამო დატრიალდა. აპრილის 16-ის ამ ტრაგედიას მეორე რუსის მოხელე კ. ლოფიცი ასე აგვიწერს:

«დილის თბს საათზედ, მეჩვიდმეტე ეგერთა პოლკის ორმა რომამ დედოფლის სახლს ალყა შემოარტყა. დედოფალთან შეგზავნილი ოფიცერი უკან გამოვიდნენ და გენერალ მ. ლაზარევის მოახსენეს, რომ დედოფალი წასვლაზედ უარს ამბობდა. ლაზარევი თითონ შევიდა მის დასაცლიებლად, უკან დაბრუნდა და ბრძანების სისრულეში მოსაყვანად ოფიცრები ისევ შეგზავნა. როგორც კი კვარტირმისტრი სურთაკოვი დედოფალს მიუახლოვდა, მთელმა სახლობამ ყვირილი ასტეხა. ყვირილზედ ლაზარევი ოთახში შევარდა და როგორც კი დედოფალს მიუახლოვდა, რომ საკუთარის ხელით წამოეყენებინა, მაშინვე მისი ხელით სწრაფი და სასიკვდილო ჭრილობა მიიღო. დედოფლის გადასახლებაზე მის სახლთან თავმოყრილი ხალხი, ამ გაუგონარი საქმით თავზარდაცემული იდგა. ყველა გაფითრებული იყო, როცა მკვდარი ლაზარევი გამოჰქონდათ და მას ჩოსდევდა ლაზარევის სისხლში და საკუთარ სისხლში მოსვრილი დედოფალი, ვინაიდგან ორი ჭრილობა მასაც ჰქონდა მიღებული. გაოგნებული და სასომხიდილი მეფის ასული თამარი, თავისი მცირეწლოვანი ძმებით, მათზედ მიბჯენილი ხიშტების ალყით, ამ უმაჯალითო სცენას ამთავრებდა.»

სურათი, ქეშმარიტად, სასირცხვილო და უნამუსო იყო.



დედოფალი სასწრაფოდ ტრახტრევანში ჩასვებს და რუსეთისაკენ წაიყვანეს. ექიმი მხოლოდ ვერაზედ მოსწიეს, რომ ჭრილობანი მისთვის მაგრამ რაოდენადაც დიდი იყო სირცხვილი რუსებისათვის, იმოდენად დიდი იყო გამოძახილი ქართველ ხალხში. შორეულ სტეფან-წმინდაში ადგილობრივ რუსის კაპიტან ისპრაუნის აზნაური დავით ყაზბეგი გამოეცხადა და უთხრა:

«ჩვენმა ქართველმა დედაკაცმა თქვენი რუსის გენერალი მოკლა»

ეს ნიშნისგება იყო, იქნებ ერთადერთი პასუხი, რის გაცემაც ერთ კაცს შეეძლო, მაგრამ საქართველოსათვის ისტორიულ სიტყვებში გახვეული!

ასეთი სირცხვილი ციციშვილს არასოდეს არ განუცდია. თანაც, დედოფალი მისი სახლის შვილი იყო. მაგრამ მთავარი მაინც გაცემებული იყო. ბაგრატიონებმა საქართველო დასტოვეს!


VIII

ბაგრატიონების საქართველოდგან გაქცევა ციციშვილის მოღვაწეობის დასაწყისს ეკუთვნის და საფიქრებელი არ არის, რომ მარიამ დედოფლის გადასახლებით გამოწვეულ მარცხს, მისი გუნება დიდი ხნით წაეხდინოს. ყველა თავისი საქმენი — საქართველოს სამთავროების თავის მოყრა და კავკასიის სახანოების რუსეთთან შეერთებაც — ამის შემდეგ ჩაიდინა. უნდა შერიგებოდა იმასაც, რომ მისი საყვარელი იმპერატორი ხან-გამომშვებით ასეთ პოლემიკაში გადმოდიოდა მასთან. ამიტომ თავის საქმეს მხნედ განაგრძობდა. მაგრამ ხასიათის გადატეხა და საქართველოში დარჩენაზედ გულის აცრუება მასშიაც მოხდა. 1806 წელს ის სწორდა თავის მეგობარს ვასილი ზინოვიეცს:

«ხელმწიფე მოწყალეა ჩემი და აქედან წაყვანას მპირდება. ილ-ოცეთ ჩემთვის, რომ მთელი ან ცოცხალი გამოვიდე. მე გამოგიყვან ბედაურს, სახელად ზაიდ-ხანს, ტანად მაღალს და კარგ მატარებელს და ანდერძითაც შენთვის დატოვებულს, თუ ვინცობაა მოგვკვდი ან მომკლეს. მე შენ მხედრად და მონადირედ მიმაჩნისარ, ეს კი ჩემი საყვარელი ცხენია და ბრძოლებშიაც იმითი გავდივარ...»

ეს მეღანქოლით სავსე წერილი ძველ მის წერილებს არა ჰგავს, რომლითაც კავკასიის ხანებს თავზარსა სცემდა. ბაქოს ასაღებად რომ მიდიოდა, ისეთი ციებ-ციხლება სჭირდა, რომ მთელ გზას საკაცეთი ატარებდნენ და თავზედაც ჭოტი დაჰკიდოდა. უკანასკნელ ხანებში სიკვდილის წინადგრძობა აწვალებდა. მაგრამ შეუძლებელია ვიფიქროთ, რომ ეს სიკვდილის შიში ერეკებოდა საქართველოდგან. ამისი მიზეზი უფრო ღრმა და მნიშვნელოვანი იყო.

ციციშვილი, ვახტანგ მეექვსის ემიგრაციაში დაბადებული ქართველი იყო. როგორც ზემოდ ვნახეთ, თითონ ციციშვილიც იგანებდა,



რომ მამა ბავშობაში საქართველოს ამბებს უამბობდა. მთავარი ადგენილი ამ ამბებში, ცხადია, უნდა სურეოდა იმ ამბავს, თუ რა უკანონო დაიპყრეს ქართლის ტახტი კახეთის ბაგრატიონებმა. საქართველოს ამითი არაფერი წაუგია. ქართლისა და კახეთისაგან ირაკლიმ ერთი ძლიერი სამეფო შექმნა, რომელმაც სამოცი წელიწადი იარსება. საქართველოს დაუდგარ ბედის ტრიალში ეს სამოცი წელიწადი არც ისე პატარა მანძილი იყო. მაგრამ ასე არ უცქეროდა საქმეს ქართლელების ეს ემიგრაცია. მუხრან-ბატონებს ქართლის დაბრუნება სურდათ და დიდ ხანს ედავენენ ირაკლის. ეს დავა საესვა აჯანყებებით, შეთქმულებებით, სისხლითა და ტანჯვით. განსაკუთრებით გაიტანჯა რუსეთში მოქცეული ემიგრაცია. იქ მოკვდა ვახტანგ მეექვსე, ბაქარი, საბა-სულხან ორბელიანი, შესანიშნავი ვახუშტი, დავით გურამიშვილი, მამუკა ბარათაშვილი, მთელი რიგი სხვა მწერლებისა და გამოჩენილი პირების. ამ გაუპარელმა სიცოცხლემ ათქმევინა ერთ მათგანს:

«დავსწყევთ ვინც რომ მოვიდა
პირველ რუსეთის მხარესა!»

და ამის ბრალს ეს ემიგრაცია კახეთის ბაგრატიონებს სდებდა. ეჭვი არ არის, რომ ის სიძულვილი, რომლითაც ქართლელების ემიგრაცია იყო კახეთის ბაგრატიონებისადმი გაქედნითილი, ციციშვილმა საქართველოშიაც ჩამოიტანა. ეს სიძულვილი უფრო უნდა გაღვივებოდა, როცა საქართველოში დაბრუნებულმა ემიგრანტმა დიდებული ირაკლის შვილებისა და შვილიშვილების უმწეობა თავისი თვალთ ნახა. მისი განუკითხველი საქციელი კახეთის ბაგრატიონებისადმი ამითიც უნდა აიხსნას. მაგრამ ზეპირი ტრადიცია მას სჭვა რამესაც აწერს. ამ ტრადიციის თანახმად, ციციშვილს ვითომ თავისთვის უნდოდა საქართველოს ტახტი და ირაკლის ჩამომავლობას ამისათვის მოეცა ასე უდიერათო. მართალია ეს მოსაზრება?

ჩვენის აზრით, შეხედულება, რომ ციციშვილს ტახტი თავისათვის უნდოდა, უკუგდებულ უნდა იქმნას. ამის საბუთად ისიც უნდა კმაროდეს, რომ თვით რუსებს ასეთი ბრალდება არასოდეს არ წამოუყენებიათ. ისეთი რუსები, როგორც ერმოლოვი და თავადი ვორონოვი იყვნენ, ციციშვილს თავის მასწავლებლად სთვლიდნენ და კავკასიის დაპყრობის საქმეში მის ერთგულ გათელილ გზას მისდევდნენ.

მაგრამ შესაძლებელია სხვა მოსაზრება და მაშინ, საქართველოს ტახტის ასეთ პრეტენდენტად, ციციშვილის ნაცულად, სხვა პირი უნდა იქმნას სცენაზედ გამოყვანილი. ეს პირი სახელოვანი პეტრე ბაგრატიონი არის.

პეტრე ბაგრატიონი ვახტანგ მეექვსის სახლის შვილი, ე. ი. ქართლის ბაგრატიონი (მუხრან-ბატონი) და იმავე ემიგრაციის შვილი იყო, რომელსაც პავლე ციციშვილიც ეკუთვნოდა. ამ ორ გამოჩენილ



ქართველს რომ ერთმანეთი უნდა სცნობოდათ, ეჭვიც არ უნდა გქონდეს ამ მხრივ ფრიად საყურადღებოა, რომ ქართველებმა, სახელდებით თავად-აზნაურობამ, სწორედ ციციშვილის შემდეგ გააბეს კავშირი, რუსეთში გადაკარგულ და მიკიწყებულ პეტრე ბაგრატიონთან. პეტრემ თავისი ძმა რომანი გამოვჭაწა, რომელმაც ქართლ-კახეთი მთიანეთი და ბევრ გავლენიან პირთან კავშირი გააბა. ამ ამბავში აღსანიშნავია ორი გარემოება. პირველი, რომ, ამ რიგად, ქართლის ბაგრატიონებმა ისევ გააბეს კავშირი საქართველოსთან, რასაც ირაკლი მეფისაგან დასჯილ პაატა ბატონიშვილის შემდეგ, თითქმის პირველად ჰქონდა ადგილი და მეორე, რომ ციციშვილმა, რომან ბაგრატიონის საქართველოში მოვზაურობაზედ ყური მოიყრუა და თვალი მოხუჭა. ფხიზელი ციციშვილისათვის, რომელსაც ჭიანჭველას მოძრაობაც არ გამოეპარებოდა, ეს უკანასკნელი ფრიად დამახასიათებელია. მაგრამ უფრო ღირსშესანიშნავია მესამე გარემოება. რომან ბაგრატიონის საქართველოში მოვზაურობამ პეტერბურგში ერთი ჩოჩქოლი გამოიწვია. არსებობს მთელი მიწერ-მოწერა პეტერბურგსა და ციციშვილს შორის, საიდანაც ვტყობილობთ, რომ უკანასკნელმა ამის გამო დიდი საყვედური და ფიცხელი ბრძანება მიიღო, რომან ბაგრატიონი პეტერბურგში დაებრუნებინა.

ადგილი ჰქონდა სხვა ამბავსაც, რომელიც იმავე პეტრე ბაგრატიონის სახელთან არის დაკავშირებული. ზემოდ უკვე იყო მოხსენებული, რომ სარდალი იოანე ორბელიანი და იმისი ქართული ჯარი, ციციშვილმა ბაბახანის წინააღმდეგ გაგზავნა და რომ ეს ჯარი სპარსელებს ერთიანად ტყვედ ჩაუვარდა. ბაბახანმა ისარგებლა იმ გარემოებით, რომ ტყვეთა შორის იორამ მუხრან-ბატონიც იმყოფებოდა, ნათესავი პეტრე ბაგრატიონისა — როსტომ მეფის შემდეგ ქართლის ტახტი მუხრან-ბატონებს ეკირათ — და მოისურვა მისი და ასლან ორბელიანის საშუალებით, პეტრე ბაგრატიონთან წერილები გაეგზავნა. ეს წერილები რუსებმა ასტრახანში დაიჭირეს და ციციშვილს ესლა ამის გამო მოუვიდა საყვედური. საქართველოს მთავარმართებელმა აქაც იმართლა თავი. მაგრამ «სასჯელი» ვერ ასცდა პეტრე ბაგრატიონს, რომელიც ამ ხანებში შორეულ ევროპაში იქმნა ნაპოლეონთან სალაშქროდ გაგზავნილი, თუმცა ბრალდება და საყვედური რუსებს იმისთვის არ გაუმხელიათ. ესლა გასაგები უნდა იყოს, რატომ ვერ იტანდნენ რუსები პეტრე ბაგრატიონის პეტერბურგში ყოფნას და რატომ იყო, რომ ორმოც და ორი წლის ბაგრატიონმა ოც და შვიდი წელიწადი გამუდმებით ბრძოლის ველზედ გაატარა. ამითი უნდა აიხსნას აგრეთვე ისიც, რომ ბაგრატიონი, რომლისთვისაც ომი ზედგამტყრილი ბუნებრივი სტიქიონი იყო, ხშირად ეურჩებოდა სალაშქროდ ასე შორს სიარულს და გული სხვა ტურფა მანძილის ახლო უწევდა.

ყოველივე ეს შესაძლებელია საბუთი იყოს ვიფიქროთ, რომ პეტრე ბაგრატიონსა და პავლე ციციშვილს შორის რაიმე საიდუმლო თანხმობა არსებობდა და თუ საზოგადოთ საფიქრებელია, რომ ციციშვილს საქართველოს ტახტი ვისთვისმე სურდა, ცხადია — პეტრე ბაგრატიონისათვის და არა თავისათვის.

არსებობს ქართული ანდაზა: «სანამ პეტრე მოვიდოდა, პავლეს ტყავი გააძვრეს»-ო. იქნება როდისმე შესაძლებელი გახდეს დამტკიცება, რომ ეს თქმულება სწორედ ციციშვილის დროს გაჩნდა ჩვენში. მანამდე კი ეს ანდაზა ძალიან გვაგონებს ამ ორი შესანიშნავი ქართველის სახელს და ბედს. სანამ პეტრე ბაგრატიონი მოვიდოდა, პავლე ციციშვილს «ტყავი გააძვრეს». ხოლო როდესაც პავლეს ტყავი გააძვრეს, პეტრე სულ აღარ მოვიდა. ექვსი წლის შემდეგ, ბართოდინოს ველზედ, თითონ მასაც გააძვრეს ტყავი.

თუ ეს მოსაზრება სწორია, სწორი უნდა იყოს ისიც, რომ როცა ეს ყოველივე გამოაშკარავდა და პეტრე ბაგრატიონიც რუსებმა შორეულ ევროპაში დაკარგეს, ციციშვილმაც ხელი ჩაიქნია და საქართველოდგან წასვლა სურდა. ზინოვიევთან მიწერილი წერილი ამის საუცხოვო დასტური უნდა იყოს.

ამ რიგად, კიდევაც რომ ვიფიქროთ, რომ ციციშვილს ასეთი ქართული ზრახვები ჰქონდა გულში, მათი განხორციელება ვერც ამ ბუმბერაზმა პიროვნებამ შესძლო. ისტორიამ მისგან მხოლოდ ისეთი საქმენი ჩაიბარა, რომელნიც მას რუსულ ბანაკში უჩვენებინას.

ციციშვილი არ მომკვდარა და მოჰკლეს. მოჰკლეს ღალატით და ისეთმა ხალხმა, რომელიც სხვანაირად უძღური იყო მას გამკლავებოდა.

ბაქოს აღების დღეს, ციციშვილმა თავისი რუსული ჯარები მოშორებით დასტოვა და ბაქოს ხანის შესახვედრათ მარტოდენ თავისი ადიუტანტის ხლებით წავიდა. მან ჩაიბარა გასაღები და ისა და სანი ერთმანეთს გადაეხვივნენ. ამ დროს ციციშვილს და მის ადიუტანტს ზურგიდგან დამბაჩა დაახალეს და მოჰკლეს. ბედის უცნაური ღიმილით ეს ადიუტანტიც ქართველი თავადი, ელიზბარ ქნისიურისთავი იყო. რუსის ჯარი ისე გამოიქცა, რომ მკვდრებიც არ აკრიოდა.

იქ, აჩრდილთა სამეფოში უნცროსს ამათში შეეძლო ეთქვა უმფროსისათვის: — ჩემო შეუდარებელო ციციშვილო, ვისთვის, რისთვის?

იმ დავაში, რომელიც საქართველოს გამო რუსეთსა და სპარსეთს შორის სწარმოებდა, საქართველო რუსეთს დარჩა, ციციშვილის თავი — სპარსეთს!

«თავი ციციშვილის, აღსავსე სიმამაცითა და მხნეობით, და მკლავნი მისნი, მაგარნი ძარღვნითა, რომელნიც განავრცობდნენ ძლიერებას, მოკვეთილ იქმნენ სხეულისაგან და წარგზავნილი არდებილს, ხოლო იქიდან დიდის ზემით თეირანს...», ამბობს სპარსი ისტორიკოსი.

ასე დაემხო საქართველოს სამეფო!...

შ ი ნ ა ა რ ს ი :

რეო ამონი — სადა ხარ?	3
„ „ — მზეო, მზეო!	4
გ. ნაილი — დღიურიდან : დედას	5
გიორგი ყიფიანი — ჩემი მხარე	7
ერის მარია რემარკ — დასავლ. ახალი არაფერია	9
რალფი — ჩემს კუთხეს	25
„ — ქარიშხალი	29
სტეფანე კასრაძე — პოემა ძმობის შესახებ	27
ვლასა მგელაძე — ცხრათვალა მზე	30
გ. ნაცვლიშვილი — მთიან საფრანგეთში	31
ბ. ბებურიშვილი — ქალწულს	32
დ. ლალიაშვილი — ცხოვრების ტალღებში	34
ო. შუშანია — * * *	35
ვერიკო სოსანი — ძველი ქართული მწერლობა	39
ი. მანუკავა — ნიკო გერგესელი	46
შალვა ამირეჯიბი — ადამიანები და საქმენი	50

ყდა: მხატვარ ბილანიშვილის

სარედაქციო კოლეჯია

მისამართი : —

V. NOSADSE
48, rue de Bagueux, SCEAUX (Seine) France.



ქართული
ენების ცენტრი

